

COMMENTARII  
DE REBUS  
IN  
SCIENTIA NATVRALI  
ET  
MEDICINA  
GESTIS.



VOLVMINIS XXV. PARS III.

---

LIPSIAE, MDCCLXXXIIII.

APVD IOH. FRIDERICVM GLEDITSCH.

Venduntur etiam

Londini apud Fr. Elmsly, Edinburgi apud Io. Balfour, Lugd. Bat. apud  
Fratres Luchtmann, Parisiis apud Barroi senior. Venetiis apud Io. Bapt.  
Pasquali, Milano apud Ios. Galeazzi, Augustae Taurinor. apud  
Laurent. Giraud, Holmiae apud Magnum Swederum.





I.

Kongl. Svenska Vetenskaps Academiens  
Handlingar för År 1778. Vol. XXXIX.  
Stockholm. 8. pagg. 255. tabb. aen. 10.

i. e.

Acta Academiae Regiae Scient. Suecicae, anni  
1778. Vol. XXXIX.

*Trimestre primum.*

I. **V**ARGENTIN de climatis Suecici tempera- p. 3.  
tura ex obseruationibus thermometricis  
Holmiesibus, annor. 1758 - 1777.

II. PETR. JO. BERGIVS describit *Hudsoniam* p. 19.  
*ericoidem*, Virginiae plantam. LINNAEVS plantam  
habet in Syst. nat. p. 317. mantiss. I. p. 11. 74. No-  
ster varia magni momenti in charactere generico  
addit, vt: Corollam distincte agnoscendam. Sunt  
illi *Petala* 5, lutea, sessilia, ouato-oblonga, obtusa,  
calyce breuiora. *Filam.* 15 - 18 setacea, longitudine  
corollae. *Antherae* subrotundae. *Germen* superum  
ouatum, superne pilosum. *Stylus* cylindricus longi-  
tudine staminum. *Stigma* simplex. *Capsula* oblonga  
calyce breuior unilocularis triualuis. *Semina* 3. *Fa-*  
*cies* fere *Ericae*, affinitas *Hyperici*, sed dodecandra.  
Additur imago plantae, cum nulla adhuc habeatur.

III. *Erica Sparrmanni* planta cap. bon. spei de- p. 21.  
scribitur a CAR. A LINNE'. Detecta est a SPARR-  
MANNO in interioribus Africae, capiti bonae  
spei adiacentis. Eo iter propriis impensis suscep-  
erat, nulli botanicorum ante tentatum. Speciei  
differentiam ita exprimit, qui descriptionem et  
iconem edit: *Erica, foliis quaternis imbricatis cilia-*  
*-tis,*

*tis, capitulis quadrifloris, corollis tubulosis strigoso-hispidis, antheris muticis.*

p. 27. IV. *Bezoar equinum* describit CAR. PET. THUNBERG. Accepit lapidem in metropoli Iaponiae Iede, ab archiatro imperatoris, cui nomen *Kasragawa Fossju*. Ambae manus illum non amplectuntur. Pondere est librarum 2 et unc. 6 medicar. Tantos lapides ex equis mortuis eximunt; minores, iuglandis magnitudine cum excrementis per anum eiiciuntur, itaque non generantur in vesica urinaria, neque in vesicula felle, quoniam nihil coloris felle habent. Reperiuntur in equis domesticis, non in feris, quorum magnus in Iaponia est numerus. Iaponenses nomen lapidi dant *Bafeki*. Est vero concretum calcareum ex lamellis variae crassitie compositum, coloris grisei, laeue; densum, quod tamen unguibus radi possit. Minorem eius generis lapidem dissecuit, nucleum nullum reperit, interiora vero, omnino similia exterioribus, alia vi, quam absorbente, pollere non credit. Pretium in Europa nescit.

p. 30. V. *De hydrocele ope caustici sananda* agit HENR. GAHN. Nihil omnino noui prolaturum se profitetur, utilem vero ciuibus suis praestiturum operam, dum illis remedium et methodum commendat, quae ELSE Londini descripsit. Itaque, vberiori explicatione anatomica morbi praemissa, quinque casus fuse narrat, quos plerisque ipse vidit, vel solus vel comes Cl. ACREL, cuius sunt aliquot illorum historiae. Omnium euentus felix fuit.

p. 55. VI. *Problema inuersum virium centripetarum, ubi vis est reciproce, ut quadratum distantiae*, noua ratione, astronomiae inprimis apta, tractat AND. LEXELL.

p. 59. VII. CLAVDIUS BIERKANDER, quae plantae, a maiore minoreue frigoris gradu vel laesae fuerint, vel omnino perierint, recenset.

VIII.



VIII. ANDR. SPARRMANN *laruas muscarum exp.* 65.

*homine expulſas* refert. Aeger, faber officinae ferrariae cachecticus, querebatur de ſuſtione doloroſa infra ſternum, inprimis verſus latus ſiniſtrum; ta-  
ctus locus dolebat, ventriculus velut a flatu interdum turgebat. Contra cachexiam ſuaſit Noſter, decoctum trifolii fibrini potus loco ſumendum, allium vero et interdum hauſtum ſpiritus frumenti, propter vermes, quos ſuſtio doloroſa indicare videbatur. His cum malum leniretur, dedit celebratum remedium aduerſus vermes, puluerem rad. filicis vnc. j. et duos bolos, qui iunctim contine-  
rent *Scammon. et merc. dulc. aa gr. XXIV gummi guttae gr. xvj e. ſ. q. extract.* Tanaceti, quibus addidit gr. xvij. maſſ. pil. cathart. Phar. Suec. vt certius in viro adeo robuſto ſequeretur euacuatio; iis enim, qui vermibus laborant, difficilius aluum cieri. Cum medicamentum mane hora quinta ſuſſiſſet, hora nona aut decima profeſſus eſt, ſe excreuiſſe vermium myriades, pleroſque ſimul, plurimo muco in maſſam pugni magnitudine conglutinatos. Illorum circiter 30 SPARRMANNO adferebantur. Quosdam puluere radicis filicis conſperſit, et ſub eo per horam reliquit, poſt non minus viuidi viſi ſunt aliis. Albi, tres lineas longi aut paulo plus; altero extremo acuto, velut vnguibus duobus armato, altero obtuſo, prominentiſ acutiſ aſpero. Indidit vaſi vitreo cum parte piſcis recentis, fundo terra tecto. Animalculorum alia terram ingrediebantur, alia piſci adhaerebant, alia iam in ouula oblonga fuſca abierant. Decima quarta poſtquam ex viro exierant die, muſcas in vitro vidit, quarum numerus poſt ad 15 auctus eſt. Quatuor illarum magnitudine dupla reliquarum, ceterum omnino ſimiles, vt eiufdem ſpeciei varietas appareret. Per ill. DE GEER, collatas cum pluribus exemplaribus

*muscae meteoricae* LINN. S. N. omnino eiusdem speciei reperit. Faber posthac ab iis omnibus, quae passus erat, liber bene valuit. Suspiciatur Noster, muscam ouula in intestinum rectum fabri deposuisse, et laruas, cum egressae essent, altius prorepisse.

p. 70.

IX. Modum *mercurium dulcem via humida* praeparandi describit CAR. WILH. SCHEELE. Libra dimidia mercurii viui, aequali ponderi aquae fortis immittitur, cucurbita in arena calida per tres aut quatuor horas incalescit, vt sub finem quadrantis circiter horae leniter ebulliat. Interea 9 semunciae salis communis soluuntur in 6 vel 8 libris aquae, ebullienti solutioni immittitur aequae calida solutio mercurii, facta praecipitatione limpidum decantatur, adfunditur alia aqua calida, idque repetitur, donec aqua superfusa sapore careat. Deinde omnia filtrantur, et calore leni siccantur. Esse id praecipitatum mercurium dulcem, experimentis et rationibus docet. Haec autem methodus minus laboris atque impensarum postulat, quam vulgaris, quae sublimatione vitur, euitat periculum, quod a vaporibus nasci potest, et mercurium dulcem multo subtiliorem praebet, quam vulgo triturando possit obtineri.

p. 74.

X. LAVR. HIORTZBERG refert duos casus medicos. Primus est: *Catalepsis complicata cum trismo*, de quo breuiter iam relatum est in Actis 1776. Aeger facultate se ipsum mouendi carebat, artus flexiles erant, et aliis impellentibus, moueri poterat, solum os, ne quidem dilatatorio oris aperiri poterat; quae ori per vacuum a dente exempto relictum ingerebantur, statim rursus effluebant. Immissus est balneis tepidis ad genua vsque, ex vena secta difficulter profluit sanguis viscidus crassus, adhibitae scarificationes, vesicatoria, sinapismi, frictions



Etiones colli et spinae dorsi. Cataplasma refrig-  
rans et resoluens impositum vertici et fronti fri-  
genti. Clysma fortius, excrementa dura fetida  
eduxit. Cum deglutire non posset, data clysmata  
ex fero lactis, in quo soluta erat puls ex tartaro  
tartarifato et melle aequis partibus, item clysmata  
ex iure carnis. Quarta die, postquam haec acta  
essent, rediit facultas deglutiendi et loquendi, po-  
tus loco, quem primum postulabat, datum serum  
lactis praeparatum cremore tartari, cui puls ante  
dicta immittebatur. Sale cathartico, multum fe-  
cium mucosarum eiectum. Cum melius se habe-  
ret aeger, et ipse se mouere posset, de languore  
questus est, ignarus omnino, quae durante paroxy-  
simo ipsi accidissent. Restitutus sanitati, nullum  
amplius eius morbi accessum sensit.

Alter casus est: *Palpitatio ex corde ossificato.* p. 77.  
Vir 26 annorum, ceterum robusto corpore, sed  
illis laborans, quae aneurysma, polypum cordis  
aut simile quid indicabant, multa perpeffus subito  
extinctus est. Cor repertum est insolitae magni-  
tudinis, pericardium expansum turgens liquore  
rubrofusco, improvide effuso, vt mensurari non  
potuerit. In ventriculo sinistro, os oblongum spi-  
nosum, particulis minutulis osseis adhaerentibus,  
sedens ante ostium aortae in tunica interiore cel-  
lulosa cordis, fibris carneis cordis circumdatum,  
tectum membrana interiore. Valuulae aortae os-  
seae, atrium posterius cum auricula sinistra expan-  
sa. Quae de origine eiusmodi concretionum ossea-  
rum HALLERVS et alii senserunt, refert, fatetur  
vero, nondum constare, vnde nascatur prima illa-  
rum materia.

XI. PET. IAC. HJELM docet, pluribus ferri mi- p. 82.  
neris inesse magnesium (Braunstein). Examen BERG-  
MANNI methodo instituit, mineras multas ex va-

riis Sueciae locis adhibuit, et suspicatur, plerumque magnesium ferri mineris inesse.

*Trimestre secundum.*

- p. 85. I. CAR. FR. HOFFER *de morfu serpentum.*  
Feminae, dum fascem frumenti tractabat, iacens in illo Coluber Berus brachium sinistrum morfu laeferat. Brachium supra locum, quo tumebat, ligatum, foueae immissum et terra tectum, quod ibi moris est, datum illi oleum oliuarum, donec nausea oriretur, deinde infusum florum sambuci, et succus, vulnus et brachium oleo illita. Ita sanata est. Iam causas explicat, cur haec praestent auxilium, et varia de serpentibus, morfu illarum, et ipsa, quae domare eas dicitur, fascinatione colligit.
- p. 103. II. OL. ACREL addit quaedam dissertationi praecedenti. Cum effectus oriatur a veneno sanguini mixto, optimum iudicat, id educere quantocyus, ubi intrauit. Itaque vulnus, ab initio vix visibile, scarificandum, irritandum, suppurationem eo in loco excitandam; quae fieri possunt instrumentis, qualia ad manus sunt, cultro, saxo acuminato, frusto vitri cet. Vulneri adfricanda, sal, vrina, tabaci pulvis, aut cortex Mezerei, si cantharides non adsint. Hac methodo duos restituit, quos serpentes momorderant, puerum alterum, alterum virum adultum. Vulnera inflata erant surae pueri, abdomini viri, aegri ad ipsum adlati pluribus horis post morsum, cum partes laesae iam plurimum intumuissent. Nihil adhibuit, praeterquam scarificationes, puluerem cantharidum, emplastrum vesicatorium vulneri ampliato et aucto impositum. Diaetam praescripsit, lac dulce, cibi potusque loco adhibendum.
- p. 108. III. IO. REINOLD. FORSTER describit *Yerbuam capensem*, additis animaduersionibus ad *Genus Yerbuae*



*buæ* pertinentibus. Id enim a muribus separandum censet\*), et hos eius characteres genericos constituit. *Yerbua. Mammale, Glis; Dentes* primores vtrinque duo, validi incurui, occurrentes, truncati. *Aures* longae patulae, subnudae. *Oculi* ampli prominentes. *Truncus* antice exilis, postice dilatatus torosus. *Pedes*: palmae breuissimae, plantae elongatae, tarso longissimo, subtus calloso. *Cauda* elongata vestita (plerumque floccosa). Species numerat 8. Capensis, quam describit, est palmis pentadactylis, plantis subtetradactylis. Viuas conspexit in capite bonae spei in viuario. Ipse animal masculum dono accepit, in itinere mortuum. Delineauit id, cum viueret et valeret, filius GE. FORSTER, quae icon additur.

IV. ANDR. SPARRMANN quaedam addit descri- p. 119.  
ptioni *Yerbuae capensis*.

V. *De aratri structura* agit PETR. WAS- p. 120.  
STRÖM.

VI. *Vomeris figuram optimam, parabolicam* p. 128.  
ostendere conatur HENRIC. NICANDER.

VII. Problema KEPLERI, *de anomalia vera exp.* 136.  
*media inuenienda*, soluit IO. HENR. LINDQUIST,  
calculo breuiore.

VIII. CAR. WILH. SCHEELE *puluerem Algero* p. 141.  
*thi praeparandi modum* docet, qui minus laboris,  
periculi et impensarum postulat, dum non opus  
est mercurio sublimato corrosiuo. Processus hic  
est: Libra antimonii crudi in puluerem redacti  
miscetur fessquilibrae nitri in puluerem redacti,  
mixtum, bene siccatum detonat in mortario ferreo,  
hepar, quod ortum est, in puluerem redigitur, cu-  
ius librae in cucurbita missae superfunditur mix-

Bb 5

tura

\*) Interim haec animalia murino generi iterum sub-  
misit Cl. PALLAS: vid. comm. nostr. hui. Vol. P. II,  
p. 301. *Mus cafer*.

tura ex tribus libris aquae et quindecim vnciis acidi vitrioli, additis quindecim vnciis salis communis in puluerem redacti, cucurbita in balneo arenae, permittitur digestioni duodecim horarum, saepius agitata, quae continet. Solutio, cum refrigeruit, filtratur per linteum. Residuo denuo infundi potest menstrui dicti pars tertia, digeri et filtrari. Solutioni admixta aqua feruente praecipitatur pulvis Algerothi, abluendus et ficcandus.

- p. 146. IX. CASTEN RÖNNOW *arsenicum proprium cancri antidotum* ostendit, *mercurialia vero nocua*. Primo refert duos casus, vbi ann. 1725 et 1735 arsenicum flauum adhibuit in cancro labii inferioris et mammae sinistrae. Granula pauca fissuris immisit, intumuerunt partes adfectae, magno aegrorum dolore; dein particulae secesserunt, quae abscindi potuerunt, et paucis septimanis malum sublatum est. Ita cancro felicem medelam arsenicum et ipse adhibuit, et ab aliis imprimis in Gallia adhibitum vidit, qua in re ad experientiam suam
- p. 155. quinquaginta annorum prouocat. Contendit vero, arsenicum non agere vt causticum, sed eo modo, quo acidum agit in alcali, (etsi nolit tueri, virus cancriformum esse alcalicum) scilicet in humido cancriformo ab arsenico excretam efferuescentiam adeo vehementem, vt quae vasa reperiuntur in loco, vbi mali sedes est, vel in minimis fibris rumpantur et destruantur. Similem efferuescentiam, debiliorem saltem, consentaneum est nasci in vasis ab eo loco, cui immediate applicatur arsenicum, magis remotis, itaque arsenicum magna circumspectione adhibitum alterantis vice fungi, non solum caustici. Contra virum, qui cancro in facie laborabat, cum sectionem subire nollet, mercurio dulci adhibito, misere periisse, vt hoc quidem medicamentum
- p. 159. in cancro obsit. Scirrhus et nodos, quibus refectis



Etis aeger sanatur, diuersos a cancro esse, qui sectione scirrhorum tolli non possit. Ceterum etiam scirrhos, absque operatione, medicamentis internis, antimonialibus et mercurialibus se sustulisse. Cancri virus massae sanguineae immixtum esse, vinci veneno arsenici, vt virus venereum mercurio vincitur, qui, acidis additis, etiam in venenum abit. Ceterum summa circumspectione adhibendum. Vnde etiam Academia, quae hoc scriptum edit, in nota adiecta, non nisi multa experientia instructis medicis id permittit.

X. CLAVD. BJERKANDER edit *Thermometrum* p. 166. *Florae* anni 1777, quibus caloris gradibus primos flores aperuerint variae plantae, arbores folia protruserint, aues migrantes aduenerint, insecta apparuerint.

XI. *Observationes Suecicae eclipsis solaris*, 24 Iun. p. 174. 1778.

*Trimestre tertium.*

I. NIC. LANDERBECK, *de catenaria, quam format filum datae longitudinis* inter duas trochleas, partibus fili, quae extra trochleas verticaliter dependent, catenariam pondere suo sustinentibus. p. 177.

II. ARVID FAXE *de tumore saccoso extra faciem puellae prominente*. Puella quadriennis erat, tumor extendebatur ab angulo dextro oculi sinistri ad dextri dimidium, hac quidem latitudine 4 digitos, a dextro oculo ultra faciem prominebat  $3\frac{7}{8}$  digitis, ab osse sinistro nasi transversim ad maxillam superiorem, vbi adhaerebat  $3\frac{3}{8}$  digitis. Attolli poterat, vt sub eo appareret nasi dextrum orificium; longitudine  $1\frac{3}{8}$  digiti, os nasi sinistrum ex situ suo oblique depressum, sed orificium naturali magnitudine. Caussam mater reddidit, quod quinto grauiditatis mense, toto corpore prona cadens, abdomine

abdomine in arboris rescissae truncum adhuc ex terra prominentem impegisset. Sensum inter aliquot dies se percepisse, ceterum nihil mali expectam esse, partum tandem debito tempore esse enixam, cuius fronti iam tumor hic adhaeserit auctus crescente infante. Tactus vero docebat, os dextrum frontis, vbi adhaerebat saccus, separatum esse a sinistro, maximam partem destructum, vt non superesset, nisi pars arcus superciliaris, neque sentiebatur dextrum os nasi, basis sacci adhaerens ad futuram coronalem pertingebat, inde descendens saccus supra dimidium oculi dextri dorsum nasi sequebatur, ad latus lineae longitudinalis supra frontem adscendebat ad fontanellam, ibi crinibus tectus. Manibus tractatus liquidum spissius continere sentiebatur, et perpetuo pulsare. Presso sacco, de tinnitu aurium querebatur puella, et aegrius tractari saccum patiebatur. Visu bene valebat et animi viribus, recte pro aetate ad omnia, quae ex illa quaerebantur, respondens. Noster credit, ictu, quem mater praegnans perpeffa est, cranium embryonis fractum esse, et partem cerebri emerfisse, quam contineri in sacco existimat.

p. 186. III. ROLAND MARTIN occasione relationis, quae praecedat, *de laesionibus sub osse frontis minus nocuis* agit. Ex anatomicis adfert, post os frontis vasa minori multitudine et amplitudine esse, cerebri partes ita positas, vt ab eius ossis laesione minus patiantur, cet. Deinde propria et aliorum experimenta adfert, laesionum eius ossis, vel, vbi tempestiue opera adhibita est, feliciter sanatarum, vel neglectarum etiam quodammodo, non statim lethiferarum.

p. 195. IV. Addit IO. L. ODHELIVS, militem Octobri 1758. in obsidione Anclamensi laesum exeunte mense ita conualuisse, vt toto Nouembri aegris in  
noso-



nosocomio seruiret. Exeunte mense, subito convulsionibus correptus obiit. Sublato cranio, frustulum glandis plumbeae in latere dextro tentorii cerebelli repertum, detecta etiam via, qua a foramine superciliari sinistro supra corpus callosum progressum erat. Defunctus ea die plus spiritus frumenti, quam consueuerat, biberat, diutius forte victurus, si diaetam melius obseruasset.

V. et VI. *Sturni dauurici* et *Alaudae mongolicae* descriptionem et iconem edit Cl. PALLAS. p. 197. p. 201.

VII. *De iis, quae transpirationem insensibilem augent vel minuunt*, excerpta ex scripto, quod exhibuit ANTON. ROLANDSSON MARTIN, qui eum in finem innumera experimenta instituit se ipsum saepissime ponderando. Primo transpirationi consuetae numeri exhibentur, pro quouis mense medio ex pluribus obseruationibus sumto. Pro Ianuario, transpiratio nocturna est vnciarum  $12\frac{3}{8}$ , diurna  $27\frac{1}{4}$ . Pondera, drachma minora neglecta sunt, quoniam in pondere 150 librarum, quantitas decima sexta librae parte, vel vncia, minor, certo cognosci non potest. Iam, quae augent, in classes diuidit. I. Quae motum sanguinis irritant, vt motus, tabaci suctio, qua frigens hieme corpus incalescit. Hinc explicat, cur interdum, tabaco adfueti, illum vel in ipso agone mortis desiderent, scilicet frigus mortale ingruens oppugnaturi; calor ab igne, oua cocta forbilia, assa foetida, multa sermocinatio, ira, opium initio frigefacit, quod thermometrum edocet, post transpirare facit. Spirituosa, salia volatilia, aromata, acida vegetabilia. Sumtis euacuantibus acidis, dulcibus, salis, post excretionem transpiratio fortior est. Sumtis vero amaris, vel amaroacribus, vt aloe, minuitur. Plura alia ad hanc classem pertinent. Secunda est rerum, quae massam fluidi in corpore augent, vt: Theae potus.

potus. III. Quibus superficies corporis mollescit, ut balnea. IV. Quae cutem irritant, ut dolor a frigore vehementi initio ortus. Imminuunt transpirationem: I. Quae lentiolem motum sanguinis reddunt. II. Quae vel non dimitunt materiam transpirandi, vel canales, per quos exire debebat, occludunt. III. Quae ita in cutem agunt, ut impediatur transpiratio. IV. Quae intestina irritando, transpirationem a cute reuocant. V. Quae leniendo acrimoniam sanguinis, transpirationem minuunt. Singula exemplis illustrantur.

- p. 219. VIII. *De parandis arte aquis medicinalibus calidis* agit TORBERN BERGMANN. Aquam thermarum Carolinarum comperit saturatam esse acido aereo, praeterea continere calcem, ferrum, sal commune, Glauberi, et alcali minerale. Itaque ut illam arte imitetur, aquam frigidam, acido aereo saturatam, immittit ollae Papinianae, qualem emendatiorem WILKINS descripsit; hanc ollam ipsam, aheni aqua pleno, quae dum super igne calefit, aquae, in olla contentae, quemcunque libet caloris gradum transmittent. Olla prope fundum epistomio instruitur, ut emitti possit, quantum quavis vice usus adhibetur, nec opus sit massam integram aeri libero exponere. Reliqua ingredientia aquae naturalis Carolinae cum ollae iniici non possint, salia scypho immitti possunt, qui aqua ex ollaeducta repletur, calx et limatura martis, frigidae immitti
- p. 222. possunt, aut illi ipsi, quae in olla calefit. Aquisgranenses aquae foetorem hepatis sulphuris spargunt, sulphur etiam ex earum superficie in canalibus sublimatur, ex ipsis tamen aquis obtineri non potest. Cuius rei rationem hanc reddit: ex hepate sulphuris vapores fetentes exire, qui aeris hepatici nomine venire possint. Eos sulphur continere, materiae caloris, quod SCHELIUS docuit, phlogisti



phlogisti ope vnitum. Hunc aerem hepaticum, cum ex superficie aquae in atmosphaericum emergit, decompōni, aere puro atmosphaerico phlogiston attrahente, ita sulphur liberatum, iis, ad quae fertur, adhaerere. Igitur ars Aquisgranenses aquas imitandi eo redit, vt aqua communis aere hepatico impraegnetur, eodem artificio, vt alias acido aereo.

IX. A. LEXELL edit *theorema geometricum* dep. 228. relatione inter inclinationes planorum, quibus continetur pyramis triangularis.

X. ANTONIO DE ULLOA edit *obseruationem* p. 235. *eclipsis solaris* d. 24. Iun. 1778, habitam in mari inter insulam Terceram et caput St. Vincentii, vbi totalis erat. Inprimis describit annulum, quem circa lunam vidit, item punctum lucidum in margine lunae, indicium caui alicuius in eo lunae loco, per quod iubar solis transmicuerit.

XI. CLAVD. BIERKANDER *muscam* describit, p. 240. cuius larua in culmis fecalis nutritur. Culmi, quibus inest, exigui manent vix 2 vel 3 digitorum longitudinem attingentes; hinc fecale hoc pumilionem vocat, et muscae nomen tribuit *Muscae pumilionis*.

XII. IO. IAC. HARTMANN *stercus in agros, qui* p. 242. *vere seruntur, recens efferendum* docet, non expectandum, vt in area putrescat, qua re particulae fermentationi et viuificationi plantarum maxime idoneae auolent.

XIII. *Idem* confirmat PETR. WASSTRÖM. p. 246.

XIV. CAR. WILH. SCHEELLE narrat, quae exper- p. 247. tus est, examinans *molybdaenam membranaceam nitentem* Cronstedtii. Obtinuit ex illa terram peculiarem, quam *terram molybdaenae* appellat, siue *acidum molybdaenae*; nam acidi proprietates ostendit. Ipsam molybdaenam statuit consistere ex acido cum sulphure mineralisato.

*Trimestre.*

*Trimestre quartum.*

- p. 257. I. *De annulo liuido, qui circa lunam in eclipsibus solis totalibus apparet*, P. VARGENTIN. Phaenomena huc usque nota, ex inflexione lucis deduci poterunt, non item, quod DE VILLOA primus descripsit, motus, peripheriae lunae paralleli.
- p. 262. II. PETR. KALM *de iuglande Americae borealis*, quam coloni Angli *Hicory* appellant. Primo refert, iuglandem albam, de qua egit in aët. 1769; autumno 1775, in suo horto Aboae, et in arboreto, quod plantauerat, nuces maturas tulisse, e quibus arbores novas educavit, quae in aere libero relietae hyemem anni 1776 tolerarunt, et adhuc aestate 1778 egregie se habuerunt. Iam vberius describit ipsarum, quae *Hicory* vocantur, siue species, siue varietates, illarum naturam et usus. Circulos, qui ex vasis succiferis induratis oriuntur, his arboribus interdum duos vno anno accedere, ex eo colligit, quod in truncis saepius multo plures numerentur, quam aetas arboris nota permittat, si singulis annis singuli accesserint. Eadem vasa in quibusdam horum vno alteroue anno ad partem soli obuersam flectuntur, alio ad oppositam, vnde varie circa arborem curuantur, atque, vt illa findatur difficile, efficiunt.
- p. 283. III. *Tubi, per quem spiritus frumenti ducitur, vt intra aquam frigidam refrigerescat, emendatiorem structuram sistit* IAC. GADOLIN, ex partibus rectilineis compositam, vt facilius reparari et purgari possit, quam helix consueta.
- p. 289. IV. *De larua phalaenae fecalis* in aëtis 1752 descriptae quaedam habet Cl. BIERKANDER, ad tempus, quo fecalis culmos adoritur, modumque pertinentia.
- p. 293. V. ZACH. PLAATIN *propositiones stereometricas in mensuris vsualibus adhibendas demonstrat.*



VI. *Rhinoceros bicornis* descriptus et depictus p. 303.  
ab ANDR. SPARRMANN, qui ipse examinavit animal, Asiae, vt videtur, proprium.

VII. IO. GVST. ACREL sanauit *herniam abdominalem incarceratam*; pars intestini per nouem menses ex annulo abdominali propenderat, aeri et aliis accidentibus exposita, item inflammata accedentibus fistulis intestini. Imitatus est methodum, quam in exemplo felici euentus adhibuit ACREL *casuum chirurgicor.* p. 288. ed. II. eo inprimis respiciens, vt, remotis antea callositatibus, intestinum, quantum fieri posset, vacuum teneretur, donec vulnus oppletum esset. Tunica cellulosa eo in loco destructa, aperienda erat cutis inde ab aponeurosi muscutorum abdominis, et adducenda, vt futuris adhibitis aperturam obtegeret.

VIII. MARTEN THRANE BRÜNNICH *de duabus* p. 320.  
*mineris stanni*, ex Cornwallia, nondum notis.

IX. IO. L. ODHELIVS felici exitu manum ad p. 324.  
hibuit *synizesi pupillae* amborum oculorum *cataractis adhaerentiùs*, quarum vna *lapideam duritiem* ostendebat, vt cultri apex ad eam frangeretur. Pupilla artificialis facta methodo LA FAYE, per quam crystallus opaca extrahebatur. Visus homini redditus.

X. OL. ACREL, addit commendationem pupillae artificialis, quam tamen monet non diu durare, nisi radii iridis longitudinales transuersim resecantur. Itaque optat, vt, exacto annuo temporis spatio, de eo, cui ODHELIVS opem tulit, referatur, quomodo visu polleat.

XI. CAR. WILH. SCHEELE docet parare *nouum* p. 327.  
*pigmentum viride*, ex vitriolo cupri et arsenico.

XII. ANDR. SPARRMANN, quaedam ad *Hippopotamum amphibium* pertinentia refert, et depictum sistit animal 8 aut 14 dierum aetate, quod cepit. Et hic, et antea, cum de rhinocerote ageret, aliqua comitis DE BUFFON pronunciata refellit.

P. 334. XIII. CLAUDI BIERKANDER *erucam* obseruauit, quae *auenae grana* excauat. Sed etiam reliqua cerealia adgreditur. Phalaenam, in quam abiit, habet pro phalaena tritici Faun. Suec. p. 1211.

II.

*Von der Wirkung des Mohnsaftes in der Lustseuche. Nebst andern zur Arzneyselahrheit und Naturlehre gehörigen Beobachtungen, Nordamerika betreffend, von D. JOHANN DAVID SCHÖPFF, Feldmedicus bey den Fürstlich - Anspach - Bayreuthischen Troupen dermalen in Nordamerika. Mit einer Vorrede herausgegeben von dem geheimen Rath und Professor DELIUS. Erlangen bey Johann Jacob Palm 1781. 8. Seitt. 48.*

i. e.

De effectu opii in lue venerea. Accedunt observationes ad medicinam et historiam naturalem pertinentes, et in America septentrionali collectae. Auctore IOANNE DAVIDE SCHÖPFF.

Praefatus est Ill. DELIUS his obseruationibus, et de mali venerei diuersitate atque varia eidem methodo medendi differens hanc cum opio, quam

p. XV. Cl. SCHÖPFF communicauit, tradit. Non quidem reprehendit Ill. DELIUS vsum mercurii in lue venerea aequae ac aliis variis morbis, interim tamen cautum censet esse debere mercurii vsum. Atque confitetur, se varia sine mercurio eiusque praeparatis sanauisse mala venerea, aliis medendi rationibus. Iam Cl. SCHÖPFF opii vires in malo venereo perscrutatus est.

Fortuito



Fortuito casu opii vsus in lue venerea est de- p. 1.  
fectus. Iuuenis nimirum ea, variis mercurialibus  
aliisque remediis frustra tentatis, summe debilis  
redditus erat, quam debilitatem somni defectus prae-  
terea augebat. Cuius rei causa opium eligebatur, et,  
vti euentus docuit, cum bono successu. Nam huius  
iuuenis debilitas imminuebatur, et restituebatur is  
sanitati. Cui exemplo additae sunt obseruationes  
aliae, quas in posterum plures secuturas Noster pol-  
licitus est. Parua dosi primum exhibebatur opium,  
et symptomatum ratione habita diligenti sensim  
paulatinque augebatur. Nullae inde alui obstru-  
ctiones sunt animaduersae, et si aderant, facile po-  
terant tolli.

Vtrum vires opii in malo venereo ab eius ano- p. 8.  
dyna, spasmodica, narcotica, neruinaque virtute  
sint repetendae, an illud remedium antiuenericum  
sit, non audet Noster definire, sed tradit hoc vlte-  
riori experientiae. Nostro antidotum venereum  
videtur, Ill. DELIO, vt ex praefatione intelligitur,  
non ita: is enim potius fauet neruinis opii viri-  
bus. Per duodecim mensium spatium hoc reme-  
dio in hoc morbo coeptum est vt, et obseruationes  
collectae sunt.

2) De climate et tempestate in America se- p. 14.  
ptentrionali. Durantibus quatuor aestatibus et tri-  
bus hiemibus collegit Noster obseruationes de  
proprietatibus climatis huius, quibus ea, quae iam  
iam tradita atque partim a nobis narrata sunt,  
confirmantur.

3) De morbis hic solemnibus, quorum non- p. 31.  
nullorum iam a nobis \*) est mentio facta. Du-  
rante aestate apoplexia hic communis est. Quin-  
quaginta et nouem ob ardorem solis sine vulneri-

C c 2

bus

\*) v. comm. nostr. suppl. II dae decad. 406 seqq.

bus Iunio 1778 inter certandum moriebantur. Peculiare exanthema hic per aestatem commune est, nomenque hic habet *Prikling-heat*. Cutis scilicet maculis maioribus minoribusue rubris obsessa est, quae pruriunt, nec eleuatae disparent et redeunt, quemadmodum caloris gradus vel increfcit vel decrefcit. In solis ardori expositos facilius cadebant hae maculae, quam domi morantes. Apud Nostrum versus meridiem apparuerunt. Tempestate temperata desquamatio cutis fiebat. Maximo caloris praesente gradu, catarrhi et coryza grassantur. Inter morbos autumnales remittentes et intermittentes febres cum biliosis symptomatibus primo loco sunt nominandae, quae saepe speciem febris Indiae occidentalis \*) prae se ferunt. Per annos 79 et 80 frequentiores hae febres erant. Paludibus ad has febres ac alios morbos generandos multum tribuitur. Copiae a contagiosis morbis erant immunes. Per hiemem grassantur inflammatorii morbi, inprimis pectoris. Duo morbi, angina nempe membranosa (*croup* \*\*) et tumor glandularum colli et testiculorum (*mumps* \*\*\*), et hic occurrunt. Vtrique inprimis cadunt in iuuentutem, et posterior contagiosus videtur, saltem in puerorum totis scholis ille grassabatur. In cadaveribus reperit Noster plerumque maiores minoresue polypos cordis et vasorum maiorum eiusdem tenacitatis, crassitie et albedinis, quam crusta inflammatoria. Sunt inorganicae et gelatinosae membranae, quae, inflammationibus praecedentibus, superficiem pulmonum aliorumque viscerum obtegunt. Tribuit hoc Noster vsui frequentiori potuum spirituosorum. *Culex pipiens* LINN. efficit

\*) v. comm. nostr. Vol. XIV. p. 59. et Vol. XV. p. 111 seq.

\*\*) v. ib. Vol. XXIII. p. 239 seqq.

\*\*\*) v. ib. Vol. IX. p. 305.



cit peregrinis in primo anno tot tumores fere, quot  
morsus. In sequentibus annis autem nil habent  
facile, quod de hoc animali timeant.

### III.

CONRAD MÖNCHS, *Assessor bey dem medicinischen  
Kollegium und Apotheker in Cassel, Bemerkungen  
über einige einfache und zusammengesetzte Arz-  
neymittel, Erf. und Leipzig bey Johann Georg  
Fleischer, 1781. 8. Seitt. 80.*

i. e.

Annotationes supra nonnulla simplicia et com-  
posita remedia. Auctore CONRADO MÖNCH.

**A**dhibentur, vti videtur Nostro, nimis multa me-  
dicamenta exotica, saepe mangonifata, admo-  
dum pretiosa, et quoad vires multa nobis ignota  
vel saltem dubia. Pariter compositiones variae  
medicamentorum sibi contrariantur et incertitu-  
dinem produnt. Pharmacopoeis quidem pleraeque  
regiones instructae sunt, et admodum multum  
emendatis, vt Suecica, Russica cet. sunt; interim  
tamen neque hae pharmacopoeae vnam ad nor-  
mam medicamina parant, vt ex tartari emetici  
praeparatione et s. p. elucet.

Inter ea remedia, quae hic a Nostro pertra- p. 30.  
stantur, et quorum nonnulla exempli loco com-  
memoramus, inuenimus pilulas maiores HOFMAN-  
NI, quibus multum praefert solutionem fluidam,  
qua sola omnis dosis mercurii sublimati corrosiui iu-  
ste et aequaliter soluitur, reliquis harum pilularum  
incommodis, quae narrata sunt, missis.

Radicibus chinae ponderosae et sassaparillae p. 33.  
prostant efficaciores. et 34.

- p. 47. Extractis substituuntur pulueres plantarum.
- p. 61. Oleum amygdalarum dulcium frigide expreſſum reiicitur. Amygdalae enim humiditate aquoſa gaudent, quae pondus olei augent, facile autem ei quoque rancorem conducunt. Quod autem in oleum amygdalarum dulcium calide expreſſum non cadit, cum calor humiditas particulas abripiat. Apud
- p. 62. nos ita hoc oleum exprimitur. Rhabarbarum a Cl<sup>o</sup> MODEL \*) decompoſitum omnem mereri Noſtro videtur attentionem. Detectum enim a Cl<sup>o</sup> MODEL in rhabarbaro gypſum noxium iudicatur a Noſtro, qui plura inſtituet experimenta.

IV.

*Des Ritters JOHANN FLOYER'S, der Arzneygelahrheit Doktors, Abhandlung von der Engbrüſtigkeit. Nebſt einem Anhang, der die Beobachtung des RIDLEY über die Engbrüſtigkeit enthält. Verdeuſcht und mit einigen praktiſchen Anmerkungen verſehen von D. JOHANN CHRISTIAN FRIEDRICH SCHERF, der Kaiſerl. Akad. der Naturforſcher Mitglied. Leipzig im Verlag der Dyckiſchen Buchhandlung 1782. 8. Seitt. 334. außer der Vorrede des Ueberſetzers, Inhalt, Zuſignungſchreiben und Vorrede des Verfaſſers.*

i. e.

**De aſthmate tractatus, auctore D. IOANNE FLOYER, cum RIDLEII obſeruationibus de eodem, a D. IOANNE CHRISTIANO FRIDERICO SCHERF translatus.**

**I**n Germanicum vertit ſermonem hos libros D. SCHERF, quos non nuper vulgarunt FLOYER, et HUMFREY RIDLEY. Ille tertiam et auctam editionem

\*) v. comm. noſtr. Vol. XXI. p. 528.



tionem anno 1745 Anglica lingua edidit, et RIDLEY liber hoc titulo \*) prodiit. *Theoriam Floyerianam* non arridere sibi aequae ac fortasse aliis viris doctis fatetur in praefatione interpres. Floyerianus liber autem est rarus ipsa in Anglia, et aestimatur etiam haecenus a medicis, et practicae observationes vtiliores et meliores reperientur, atque theoria, quam ideo quoque plane non refutauit Noster, qui, si superari possent varia impedimenta, mauult aliquando asthma ita describere, vti CL. TRNKA febres intermittentes cet. persecutus est. Floyerianus liber est verbo tenus translatus; Ridleyana autem versio complectitur ea, quae ad asthma pertinent, et est liberior; interdum quoque omisit quaedam interpres. Quod attinet ad annotationes practicas, a Nostro additas, largitur, eas non esse omnibus numeris absolutas.

Contenta sunt in hoc libro introductio de asth. p. 40. mate, descriptio symptomatum ante paroxysmum a flatulentia, asthma flatulentum, in paroxysmis ipsis et interuallis diuersis. Altero in capite de p. 68. scribitur, praeternaturalis status lactei succi, sanguinis et feri in asthma, et rarefactio animalium spirituum per fermentationem in humoribus, vnde periodici oboriuntur paroxysmi. In tertio capite p. 95. agitur de asthmaticis paroxysmis eorumque causis apertis, e. c. aere, vitae genere, corporis exercitio, commotionibus animi e. f. p. item de iis morbis, quibus asthma est symptoma. In quarto capite p. 177. de medendi methodo asthma, tam in paroxysmo, quam extra eum. Appendix spectat grauitatem asthmatici secundum methodum SANCTORII, re- p. 290. lationem anatomicam de asthmatica equa et RIDLEY animaduersiones de asthma.

Cc 4

In

\*) Observationes medicae, inter quas aliquanto fusius agitur de asthma et hydrophobia. L. B. 1738.

p. 25. In praefatione a Cl<sup>o</sup> FLOYER praemissa, de diversis causis et speciebus asthmatis agitur. Antea vero de respiratione, eiusque causis, vtilitate cet. disputatur. Ac primum quidem pendent respirationis laesiones a praeternaturali sanguinis conditione et immediate a praeternaturali pulsus dextri seu anterioris cordis ventriculi; dein eae ab obstructione vasorum sanguiferorum seu bronchiorum, vel de eorum compressione seu contractione sunt repetendae, et tertio eae in musculis, qui respirationem efficiunt, quaerendae sunt.

p. 191. Quod attinet ad medendi rationem asthmati, proponitur a Nostro haec: 1) Flatulenta et aere plena cacochymia est euacuanda, 2) ea per carminatiua remedia est corrigenda, 3) quaelibet fermentatio in humoribus eorum corporum seu rarefactio spirituum est vitanda, 4) obstructiones glandularum in pulmonibus, si quae adsunt, resolvendae et glandulae cerebri adstringendae sunt, seu earum tonus tensioque efficienda est.

Ex observationibus de asthmate a H. RIDLEY traditis, sectionem, mortuo asthmatico, communicamus: Pylorus erat crassus et scirrhusus, ex parte etiam duodenum, pancreas et glandulae meseraicae. Hepar erat flauum et viride. Renes et cetera erant sana. Pulmones adnati cum diaphragmate erant dextrorsum, sinistrorsum cum pleura et fero vtrunque impleti cet. glandula pinealis erat plena albis et asperis calculis.

## V.

Differtazione sopra una cieca nata guarita, in cui trattasi di una rara specie di cateratta connata, di GIOVANNI BORTOLAZZI, Chir. Veron. In Verona. Per gli Eredi di Marco Moroni MDCCCLXXXI. p. CIV. in 8.



IO. BORTOLAZZI differt. de puella, quae caeca nata erat, sanitati restituta etc.

**A**uctor, qui Veronae chirurgiam facit, in primisque in lapidum exsectione, suffusioneque oculorum curanda occupatur, e schola disciplinaque prodiit DOMINICI UCCELLI, chirurgi Mediolanensis, e cuius celebritate si discipuli dexteritatem colligere liceat, haud levis spes animos deliniet nostros. Neque vero expectatio nostra eludetur, perlecto hocce libello. Etenim in prima dissertationis parte auctor, narrata paululum verbosius, quod in univ-  
ersum crimini verterim Cl<sup>o</sup>. BORTOLAZZI, historia puellae, quae ipsi occasionem scribendi praebuit, p. 23. diligentissime de signis exponit, unde bonam suffusionis indolem colligere liceat; hinc causas adfert, quibus inductus extractionem cataractae praefendam putet eiusdem depositioni.

Deinde transit ad ipsam puellae cum caecitate p. 38. natae operationem, quam, humoribus (nam erat chlorotica) largo decoctorum amaricantium et salis diuretici modico usu emendatis, ita instituebat, ut instrumento perforaret corneam transparentem in lineae unius distantia ab illo, quo cornea opaca circumscribitur, circulo: tum ad ipsam penetraret humoris crystallini capsulam: quo facto magna cum vi prorupit materia brunnea, quae cum humore aqueo mixta, cameram oculi anteriorem reddebat obscuram. Cl. BORTOLAZZI ratus, istam materiam esse partem humoris vitrei, de infelici operationis successu metuebat, maximopereque mirabatur, quod, oculo post peractam operationem aperto, nullum opacitatis vestigium deprehendebat, (simile quid etiam alii obseruarunt, inter quos unum ACRELIVM, cf. eiusd. *chirurg. Vor-*

*fälle* B.I. laudasse sufficiat); quam ob rem statuit, cataractam similis naturae in humore aqueo positam esse. Vulnus oculo inflictum sanabat absque fomentationum spirituosarum, vel roborantium usu, quem cum aliorum, tum sui ipsius experientia inutilem, quin perniciosum reperit. Febris, quae operationem sequebatur, impediēbat. Cum BORTOLAZZI quominus statim ad alterius oculi curationem progrediretur, quam, etsi post XXVIII. dies omnia ab operatione relicta symptomata evanuerant, tamen post anni demum spatium aequae feliciter suscipiebat. — Altera dissertationis parte exponit auctor de optimis instrumentis, ad cataractae extractionem necessarijs, acumque a WENZELIO (vid. *diff. medico-chirurg. de extract. cataractae. Par. 1779.*) descriptam reliquis omnibus anteponit; denique subiungit varias observationes, ex utraque, hocce libello descripta, operatione natas. Sic v. c. illud in hac puella singulare deprehendit, quod ipsa statim post operationem finitam de magnitudine, distantia, ac positione rerum obiectarum recte iudicare poterat: quodque prius, quam oculo relictam imprimere directionem ipsi licebat, motus quosdam inuoluntarios atque inconstantes perficere cogeatur, id quod tamen haud adeo infrequens esse ii fatebuntur, qui eiusmodi operationi crebrius adfuerunt. Quod prius attinet, illud plane contrarium est observationi Cheseldenianae in *Philosoph. Transact. no. 402. p. 447.* enarratae. Etenim ille testatur, iuuenem caece natum post operationem distantiam corporum a se inuicem non potuisse finire; eas tantum res gratas habuisse, quae leuem offerebant superficiem; initio corpora tantum exigua potuisse intueri, quae ipsi admodum magna videbantur, visis vero maioribus, tunc prius conspecta statuisse minora: cum denique  
etiam



etiam alterius oculi cataracta curata esset, omnes res obiectas, utroque oculo visas, duplo maiores ipsi adparuisse, quam si vno tantum oculo vteretur. Quae quidem differentiae inter utramque observationem occurrentes quomodo conciliari inuicem queant, viderint illi, quibus opportunitas frequentior contigit, ea, quae visu recuperato aegroti sentiunt, considerandi.

VI.

A Treatise on the diseases of the Eye, and their remedies; to which is prefixed the Anatomy on the Eye; the Theory of Vision; and the several species of imperfect Sight, by GEO. CHANDLER, Surgeon, London, by T. Cadell. 1780. pagg. 139. octon. mai. c. tab. 3.

i. e.

GEORG. CHANDLERI tractatus de morbis oculorum, eorundemque remediis; praemissa est oculi anatome, visus theoria, variaeque imperfecti visus formae. c. f.

Oculi uti tam subtilis atque miranda est structura, ut facillime a variis laedi vitiis queat; ita etiam ea est praestantia, ut omnem mereatur laudem, qui in praecauendis eiusmodi malis, aut iam praesentibus tollendis omne studium operamque consumit, exhaustique laboris praemium reperit, quod huic vel illi vitio medelam, vel certe lenimen, adferre possit. Inter hosce vero medicos an iure meritoque reponendus sit Noster, id est, de quo maximopere dubitamus. Etenim ea fere omnia, quae de morbis oculorum, illorumque remediis tanta cum breuitate disputat, ut, qui inde morbis  
istis

istis curandis aptior reddi posse sibi videtur, perle-  
cto libello spe cecidisse sua, haud temere conqueri  
debeat, ex aliorum scriptorum operibus hausta  
sunt atque expressa. Inprimis vero auctor compi-  
lauit HEISTERI chirurgiam, indeque, diligenter  
satis suae doctrinae fonte celato, aut leuiter et  
quasi per transennam commemorato, expromsit,  
quae ad notionem morbi huius vel illius accurate  
formandam, signa et causas sagaciter indagandas,  
curationemque feliciter instituendam apprime fa-  
cientia, libello hocce continentur. Facillimum  
foret, id, de quo CHANDLERVM accusauimus, am-  
pla exemplorum copia comprobare, nisi metueri-  
mus, ne, nimis larga messe inuitati, modum in col-  
ligendo excederemus, taediumque lectoribus crea-  
remus. Liceat igitur tantummodo libelli argu-  
mentum, veluti in compendium missum, proferre,  
et quid auctori proprium sit, diligentissime indagare.

*Primo* igitur capite continetur anatomica oculi  
descriptio, quae quamuis breuiter admodum de  
oculo in vniuersum, eaque, qua sapientissime a na-  
turae auctore reconditus est, cavitae; de externis  
eius partibus; de bulbo, et quibus constat, tunicis,  
humoribus, neruoque optico; de vasis sanguiferis,  
lymphaticisque; de neruis denique, qui praeter  
opticum ad oculum transferuntur, exponat, tamen  
sufficere videtur ad ea in memoriam iterum reuo-  
canda, quae quis ex anatome vberius accuratiusque  
nouerat. Nihil enim aliud commodi exinde in  
lectorem redundaturum esse, facillime praeuide-  
mus: isque, qui praeter ea, quae ab auctore de vi-  
sus organo partibusque illud componentibus ex-  
posita sunt, nihil cognitum habuerit, ne in oculi  
morbis curandis infelicissimo saepius vtatur suc-  
cessu, haud temere veremur.

*Secundum* caput exponit visus theoriam, et ita  
quidem, vt primum naturam virtutesque lucis ex-  
pendat,



pendat, dein rationem tradat, qua visus efficiatur. Tota de natura lucis disputatio hisce verbis continetur: „Lux habetur subtilissima materia, quae p. 39. „ex immenso sole originem trahit suam, incredibili- „lique celeritate (nam sexagesima horae parte spa- „tium decies millenorum millium milliarium „percurrit) exinde per hocce diffunditur vniuer- „sum: ad externam corporum superficiem delata, „indeque ad oculum reperiussa, corpora reddit „adspēctabilia. In luce igitur causa latet materialis „visus.„ Locum hunc non propterea excerptimus, quod noui quid, et antea inauditum contineret, sed vt specimen lectoribus exhiberemus, vnde ad doctrinam auctoris, rationemque scribendi concludi possent. — Inter virtutes lucis enumerantur *reflexio* atque *refractio*: et non nisi ea adferuntur, quae omnibus, qui vel primis labris physicen gustarunt, non possunt non esse notissima.

*Tertio* capite transit auctor ad visum imperfectum pertractandum. Quo quidem nomine intelligit „debilitatem visus, siue illa sit *absoluta*, siue *relatiua*, sine vlla opacitate corneae, aut internarum oculi partium.„ Quae notio quam vaga sit, nolu- p. 52. mus breuitatis studio pluribus demonstrare. — Ad visum imperfectum refert *hemeralopiam*, *nyctalopiam*, *myopiam*, *presbyopiam*, *absolutam visus ineptitudinem* (an absolute Dulness of Sight), *visum obliquum* (h. e. illud oculorum vitium, quo res obiectae, linea recta ante oculum positae, minus perspicue, illae vero, quae obliquo iacent situ, clare conspiciuntur;) et denique *strabismus*. (Omissum h. l. est illud vitium, quod interdum obseruatum est, quo nempe aegroti colores nonnullos a se invicem discernere nequeunt, quamuis ceteroquin visu gaudeant acri. Cuiusmodi exemplum a scorto relatum legimus in *Philosoph. Transact. Vol. LXVIII.*

*LXVIII. Pars I. et a RICHTERO in bibl. chirurg.  
B. 5. p. 637.)*

- p. 75 - Altera iam libelli parte morbos oculi, proprie  
191. sic dictos, enumerat, enumeratorumque causas varias, variamque medendi rationem paucissimis complectitur verbis. Haec ita sese vere habere, patebit ex morborum pertractatorum catalogo cum plagularum, quibus describuntur, numero collato.
- p. 77 - Agit vero Noster de palpebrae superioris nimia  
80. laxitate (laudat huic vitio curando aptum vnguentum ex mari Syriaci vnc. IV. cuius partes efficacissimae spiritus vini libris IV. extrahuntur: in hac ipsa tinctura soluuntur saponis libra vna, et camphorae vnciae IV. denique adduntur spiritus salis ammon. vnc. V. Hanc medicinam, aliquoties de die palpebrae vicinisque superciliarum partibus infri-
- p. 81. Etiam, admodum efficacem expertus est;): de la-  
p. 84. gophthalmo; de ectropio; de trichiasi; de ancy-  
p. 88. loblepharo; de variis tuberculis atque excrescentiis palpebrarum, hordeolo, grandine, chalacio,  
p. 93. verrucis, hydatidibus, steatomate, atheromate, meliceride, quas excrescentias, inprimis posteriores duas, si exiguae adhuc sunt, Angli *Stys*, sin ad magnitudinem satis amplam peruenere, *Wens* vocant;
- p. 102. de pustulosa excoriatione atque exulceratione palpebrarum; (quando hoc malum aliquantum temporis duravit, cartilago tarfi veluti arcus quidam prominet, difficulterque sanationem admittit. Hinc principiis obsta: morboque recenti venae sectionem, pro inflammationis vehementia nunc largiorem, nunc pauciozem, aliaque remedia antiphlogistica opponit, sequensque cataplasma simul adhibet:

℞. Rad. Lilior. ʒʒ.

Flor. Melilot. f. Sambuc. ʒj.

Croc. orient. ʒj.

M. Coqu. in aqu. comm. q. f.

add.



add. Sal. Ammon. gr. vj.

Farin. tritic. q. s. vt fiat cataplasma.

Hoc linteis inuolutum oculo tepidum imponatur, bisque de die renouetur, donec palpebrae, tensione sublata, rugescant, atque relaxentur. Quo facto adstringentia in usum vocentur. Malo vero inueterato, palpebras mane vespertique hoc vnguento oblini:

Rx. Sacch. Saturn. ʒj.

Ceruss. ʒiv.

Camphor. gr. vj.

M. Conter. c. pauxillo oleo rosac.

add. Vngu. de Tutia ʒj.

Quando aegrotus hoc non ferat vnguentum, ad remedia lenientia e butyro recenti, non salito, oleo blando et cera alba parata, confugiendum.) de lip-p. 105. pitudine, immoderataque glandularum ciliarium secretionem; de epiphora; de cancro palpebrarum; p. 106. de encanthide; de vngue, pterygio s. panno; de p. 107. fistula lacrymali (si consuluerimus egregiam RICH-p. 109. TERI hoc de argumento dissertationem. commenta-p. 111. riis Soc. reg. Gotting. 1778. insertam, videbimus, p. 116. quantum CHANDLER. distet ab illo): de ophthal-p. 127. mia; de phlyctænis corneae et coniunctivae; p. 141. de abscessibus corneae; de vlceribus corneae atque p. 144. coniunctivae (βόθριον, κέλωμα, ἀργεμών, ἐπίκαι-p. 145. μα, ἔγκαιμα); de maculis et obscuratione cor-p. 148. neae transparentis; de staphylomate; de hypo-p. 150. pio; de concretione pupillae; de inflammatione p. 154. choroideae tunicae; de cataracta. (Idem pretium p. 158. huic breuiori dissertationi statuendum, quod RICH-p. 160. TERVS bibl. chirurg. to. III. p. 559. libello eiusdem argumenti, ab eodem auctore 1775 sub hoc titulo: *A Treatise of the Cataract, its Nature, Species, Causes and Symptoms*, edito, statuebat; est scilicet tota

p. 179. ro satis negligenter compilata.) de gutta serena;  
p. 183. de hydrope oculi; de abscessibus et denique de  
p. 189. cancro oculi.

Quorum quidem morborum census quamvis amplius sit, nec optandum videatur, ut sint praeter illos, qui interdum adhuc incidere atque miseram hominum sortem miseriorem reddere possint; tamen omissi sunt varii, qui prae multis aliis attentionem merebantur. Huc referenda est *exophthalmia*, h. e. illud oculi vitium, quo bulbus ab tumoribus in oculi cauitate natis, et sensim sensimque incrementibus foras truditur: *excrecentiae fungosae*, in superficie bulbi natae, quae saepius extirpationem bulbi requirant: de quibus LOUISIVS egregie scripsit in *Mémoires de l'acad. roy. de Chirurgie to. V.* ubi etiam de optima, oculum extirpandi, methodo agitur. Neque memini aliquid legere a CHANDLERO traditum de paralytica musculorum bulbum mouentium adfectione, et quae sunt similia omissionis peccata. Quae cum ita sint, nos non possumus non satis mirari, quod hic tam ieiune ac negligenter scriptus libellus in linguam traductus sit vernaculam, nisi interpretes illum praelectionibus de morbis ocularibus super illum habendis idoneum iudicauerit. Versio illa prodit Lipsiae apud *Weygandum* 1782. octonis pagg. 200.

## VII.

Systematic Elements of the Theory and Practice of Surgery by JOHN AITKEN, Fellow of the Royal College of Surgeons; one of the Surgeons of the Royal Infirmary, Member of the medical Society, and Lecturer on Chirurgical Anatomy and Pharmaceutic Chemistry in Edinburgh. Edinburgh 1779. 8. pagg. 574. sine praefatione.

i. e.



i. e.

Elementa chirurgiae theoreticae et practicae.

Auctore IOANNE AITKEN.

**P**raemissis nonnullis generalioribus definitionibus, prima parte nosologiam chirurgicam, secunda libri parte manualement chirurgiam comprehendit, atque propemodum tabulari et aphoristica methodo prosecutus est chirurgicos morbos, eorumque denominationes, synonymias, causas et curationes pertractat in prima parte, in altera parte autem et curandi viarum diuersitatem et rationem perpendit.

Quae cum nimis breuiter dicta sunt, nec nouas quasdam sententias proponunt, neque systematicum omnino ordinem sequuntur, plane non admittunt contentorum indicationem vberiore, quapropter interest, uti nobis videtur, modo quaedam afferre exempla: igitur ex prima parte e. g. erysipelas proferamus, ut, secundum quas leges Auctor librum composuerit, appareat.

Erysipelas.

Erythema.

Ignis Sti Antonii.

Ignis sacer.

Erysipele.

Feu d' Antoine.

Feu du St. Antoine.

Feu sacre.

Rose.

St. Antony' Fire.

Rose.

*Erythema*, tumor sine febre, superficialis, solitarius, diffusus, rubro-roseus, pressione euanescent.  
SAUVAGES.

*Erysipelas*, eruptio erythematis, cum synocha febris. SAUVAGES.

Tom. XXV. Pars III.

Dd

Ery-

*Erysipelas*, macula vrens, rubens, pressione dissimulanda, tumidiuscula, superficialis, dilatabilis, disquamatione finienda. LINNEVS.

*Erysipelas*, inflammatio lata cutis, quae splendet leuiter et aequaliter tumet. VOGELIVS.

*Erysipelas*, synocha vnus vel duorum dierum, in cutis aliqua parte, saepius in facie erythema. CULLENVS.

*Erysipelas*, eruptio erythematis, cum febre continua; tumidula, superficialis, disquamabilis; sistit nimirum maculas latas, amplas, subtumidulas; non suppurabilis. SAGAR.

Praeterea progressus morbi et curatio exponitur.

In altera parte de operationibus sermo est. Sed cum et haec nimis breuiter et festinante calamo conscripta sunt, nec primam nec alteram partem scientiae magnam vtilitatem et incrementum afferre arbitramur.

Satis accurate compositus index huic libro finem imponit.

## VIII.

Elements of the Theòrie and Practice, of Physic and Surgery, by JOHN AITKEN, M. D. Fellow of the royal College of Surgeons, one of the Surgeons of the Royal Infirmary member of the royal medical Society of Edinburgh, member of the Society of Antiquaries of Scotland, Lecturer on the Practice of Physic and on Anatomy, Surgery and Chemistry in two Volumes. London 1782. Vol. I. pagg. 581. sine praefatione. Vol. II. pagg. 606. sine praef. 8.



i. e.

Elementa therapiae et chirurgiae theoreticae  
et practicae, auctore IOANNE AITKEN, M. D.  
Vol. I. et II.

**P**ropemodum simili ratione haec duo volumina conscripta sunt, sicuti antecedens liber, ita, ut debeamus de his ipsis aequale ferre iudicium. Volumen primum proponit therapiam specialem. Postquam enim auctor praemiserit definitiones universales physiologicas et pathologicas, et oblata epitome materiae medicae, morbos internos pertractat, eorumque definitiones, denominationes, species ex SALVAGIO, et aliis, causas et indicationes curatorias paulo curatius, quam in antecedente libro, disquirat.

In altero volumine enumerantur externi morbi: alias alterum volumen nihil aliud est, quam libri superius notati editio emendatior et auctior, et imprimis animadvertimus, nosologicam partem multum esse correctam et emendatam, cum e contrario operationes immo brevius descriptae fuerint. Sic etiam in noua hac editione multorum morborum fit mentio, quos omnino silentio praeterierat in prima, ita ut haec posterior editio priori multum sit anteposenda. Sic et sermo de operationibus, quamvis breuior, tamen nobis magis, quam in prima editione, placuit. Index praeterea diligentissime conscriptus his duobus voluminibus annexus est.

IX.

Modern improvements in the Practice of Surgery, by HENRY MANNING, M. D. London  
1780. 8. pagg. 423.

i. e.

De nuperioribus in arte chirurgica factis emendationibus, auctore HENRICO MANNING.

D d 2

Cum

Cum huius libri auctor fere nihil noui proponat, sed modo contrerraneorum suorum dicta, et inuenta iam satis cognita et probata enarret, nolimus longam eorum repetitionem hisce nostris commentariis inferere. Pertractat autem prope modum omnes chirurgicos morbos, eosque curandi vias, recensens BELLII, RANBY, BROMFIELDII, POTTII et aliorum methodos. Quapropter hicce liber, alias forte utilis, non iis annumerandus est, qui scientiam vel emendant vel corrigunt.

X.

An Account of the Methods pursued in the treatment of cancerous and scirrhus disorders and other indurations, by I. O. IVSTAMOND, F. R. S. and Surgeon to the Westminster Hospital. Lond. 1780. 8. pagg. 176.

i. e.

Tr. de variis morbis cancrrosis et scirrrosis medendi methodis, auctore I. O. IVSTAMOND.

Diuisit Auctor tractatum suum in partes tres, in quarum priore vlcera cancrrosa et remedia ab ipso in vsum vocata et medendi cancro vteri rationem pertractat, altera de scirrrosis tumoribus exponit, et tertia mammarum abscessus et tumores examinat.

p. 9.

In vlceribus cancrrosis laudat imprimis liquorem compositum ex anatica parte martis et salis ammoniaci spiritu vini rectificatissimi soluti, cui miscelae additur oleum vitrioli et tartari. Propriam huncce liquorem praeparandi methodum paulo inferius p. 112. descripsit. Quo liquore ter de die vlcerum

p. 11.

irrorauit margines; mox vero ipsa vlcera; si autem vlcera peiora euadebant, et si dolores continuatio-

nem



nem impediabant, per aliquot dies eo non vsus est. p. 12.

Sic quoque tanquam internam medicinam aegris obtulit flores salis ammoniaci martiales a tribus granis bis de die ad drachmas tres et vnciam semis. Cum vero p. 19.

hicce liquor non omne malum tolleret, adhibuit quoque miscelam ex anaticis portionibus arsenici, cupri, stanni et mercurii, super quas spiritus vini et oleum vitrioli destillatum erat, et si dolores nimis incre-  
scerent, decoctum capitum papaueris vlceri et cancro imposuit. Quam methodum medendi postea pluries feliciter in vsu vocauit. Commen- p. 29.

dat quoque ex cicutae libris duodecim vel triginta balneum, idemque florum martialium vsu inter-  
num administrat. Porro in puluere combinauit p. 33.

arsenicum cum antimonio et opio, et, cum arsenico p. 35.

egregias vires inesse animaduertisset, ipsum interne ad granum de die cum puluere testaceorum com-  
mixtum, mox ad grana quatuor vel quinque in miscela cum sulphure exhibuit. Efficacia horum

remediorum in variis casibus varia erat. Remedia p. 45.

Comitis DE ARVNDEL ex arsenico et mercuriali-  
bus composita frustra adhibuit. Aerem fixum p. 55.

purgare vlcera cancrosa, vix vero eorum naturam immutare, auctor est.

In scirrho mammarum quoque liquorem suum p. 120.  
et flores salis ammoniaci martiales laudat, neque spernit vsu continuatum balnei ex cicuta.

Mammarum abscessus denique et indurationes p. 164.

a lacte stagnante soluit solutione trium vnciarum salis ammoniaci in aquae fontanae mensura vna et anatica portione aquae Reginae Hungariae. Si p. 167.

mamma cum dolore tumet, in sequenti formula anodynum cum sale ammoniaco coniungit: Rec.  
Capit. papav. contusor. no. XII. flor. sambuc. Mij.  
Coque in aquae fontanae ℥ jss vsque ad ℥j: In co-  
lato liquore solue salis ammoniaci crudi ℥ij deinde  
adde camphor. in spiritu vini solut. vnciam semissem.

XI.

Observations sur une maladie d'os connue sous le nom de necrose, par Mr. DAVID, à Paris 1782. 8. pagg. 28.

i. e.

Observationes super necrosi ossium, auctore DAVID.

**C**onscriptus est hicce tractatus contra Cl<sup>um</sup> BRVN, Chirurgum Tolutanum, qui plane contra observationes DUHAMELII, BORDENAVE et TROIAE negauerat, nouum cylindrum circa emortuum formari. Et ipse adfert Cl. DAVID exempla, vbi exsiccata et emortua frustula humeri. tibiae et femoris ex nouo cylindro arte et administrata sectione musculorum et ossium exemit. Suspicatur necrosin esse morbum periostei, quod inflammatum a materie ossea expanditur, atque ita destruitur, vt in cellulosa nascatur nouus cylinder osseus, cum e contrario antiquus cylinder a periosteio separetur atque emoriatur. Foramina fistulosa, quae exterius apparent, a pure formata esse affirmat.

P. 9.

p. 14.

Neque ita raro obuenit hicce morbus, vidit ipsum saepius. Enarrat eapropter exemplum, vbi partem emortuam ossis, musculorum sectione facta atque osse destructo, exemerat, atque ostendit comoda huius operationis, quae posita sunt in conseruatione membri, sicuti nonnullas praeterea adiungit regulas practicas.

XII.

ANDRAE BONN, Anatomiae et Chirurgiae in illustri Amstelodami Athenaeo Professoris, Commentatio de humero luxato, Lugd. Bat. et Amstelodami 1782. 4. c. f. 4. pagg. 60.

Quae



**Q**uae iam Belgice prodierat commentatio, hic latino idiomate cum erudito orbe communicatur, et partim experimentis in cadaueribus institutis, partim cognitione situs et motus musculorum anatomica eruditus, ostendit Cl. BONN saepe peccauisse chirurgos in diagnosi et curatione luxati humeri.

Docet nos anatomica humeri consideratio, p. I. ipsum subscapulari introrsum, infra spinato et terete minori extrorsum, supra spinato et deltoide sursum, latissimo dorsi et terete maiori retrorsum ferri. Impedit porro, vti perspectum est, supra spinatus, quominus deltoidis contractione humerus directe sursum adscendat; infra spinatus, celeriter antrorsum moto cubito, humeri caput retinet, ne excidat retrorsum ex suo sinu; subscapularis luxationi humeri antrorsum se opponit, vbi cubitus vi retrorsum seu extrorsum mouetur.

Propositis atque examinatis praecipuis de humero luxato sententiis eruditorum, quorum iam plurimi luxationem versus superiora et exteriora negant, atque comparatis variorum virorum sententiis, emendat lectionem in demonstrationibus anatomico-pathologicis Ill. CAMPERI Part. I. lib. I. §. 14. et quidem hisce verbis: *praestat Cel. CAMPERI adducere auctoritatem, atque veram eius, mecum communicatam addere sententiam, et emendationem verborum, quae in praestantissimo eius opere, errore typographico, irrepsērunt, humerum nempe excidere, nunquam in posteriorem, impedit acromium; „quod de luxatione in superiorem intelligendum est, „ideoque legendum: excidit proinde humerus modo in „alam, modo in priorem partem, id est, sub pectorali „musculo, nunquam in superiorem, impedit acromium. „Forſan in anteriorem nunquam mouetur partem, niſi „poſtquam in ala aliquamdiu commoratus fuerit. Lu-*

„*luxatio in partem superiorem penitus praecauetur, nisi simul acromium et coracoideus processus fracturam subirent, quod raro contingit.*„

- P. 20. Mox varias humeri luxati obseruationes recenset, inter quas paucae sunt, quae luxationem versus superiora et exteriora admittunt. Et Auctor nec fractis scapulae processibus humerum assurgere autumat; ipso enim fracturae momento vim processibus illatam humeri caput deorsum pellere contendit. Retrorsum luxati humeri vero exemplum mox enarrat: rhedarius nimirum, rhedam ducens circum longe eminentem arboris ramum, sede sua fere excussus, constrictis equorum habenis se sustinuit, vnde humerum ramo impingens, luxatum habuit humeri caput retrorsum. Simili ratione etiam luxatio versus inferiora, vel raro, vel
- P. 24. nunquam accidit. Omnium frequentissime vero humerus intorsum et deorsum luxatur, cuius dislocationis exempla notantur quam plurima ab Auctore nostro.
- P. 35. Vt vero Auctor luxationis naturam adhuc curatius intelligeret, ipsam in cadaueribus, eleuato et retrorsum ducto brachio imitatus est, et experimentis hisce instructus inuenit et agnouit tumorem sub clauicula, foveam sub acromio, deltoidis planitiem tensam, brachium parte superiore intortum, distantiam maiorem aut minorem anguli inferioris scapulae a costis, distantiam cubiti a corpore reliquo, olecranium antrorsum directum, bicipitis abbreviationem, cubitum extendendi impossibilitatem, mobilitatem brachii non nisi retrorsum et antrorsum, vel parum sursum pro humeri intorsum luxati signis. Postea, sectione instituta, inuenit, humerum per ruptam capsularem membranam inter muscoli subscapularis et teretis minoris vtramque carnem ex articulo egredi. Idem in



in viuo homine euenire, demonſtrant exempla  
CHESELDENI, LOESEKII et aliorum, atque etiam  
nouae effictae cavitates articulares ad ſcapularum  
ceruices pone ſubſcapularem muſculum. Haec de-P. 40.  
nique dicta confirmat exemplis ex cadaueribus  
cum luxatione demortuorum deſumptis, et ſeſtione  
in tali cadauere inſtituta, deſcriptione concinna at-  
que erudite compoſita, et iconibus egregie mu-  
ſculorum atque oſſium diſlocationem atque arti-  
cularis cavitatis diſformem figuram illuſtrat. Qui-P. 48.  
bus duo exempla ex Houiano muſeo addit.

Luxatur itaque humerus, plerumque eleuato  
brachio: excidit ex ſuo ſinu, inter muſculum ſub-  
ſcapularem et teretem minorem, rupta membrana  
capſulari: et luxatum caput ſiue in cauo axillae  
nudum haeret, ſeu pone ſubſcapularem deliteſcit.

Denique de diagnoſi, prognofi et curatione p. 55.  
exponit, quam in robuſtiore aegro machina Bur-  
manniana a Cl. HYSSEM correcta fieri cupit.

### XIII.

LEONH. LVDOV. FINKE, Comitatus Tecklenbur-  
genſis Phyſicus, de morbis bilioſis anomalis,  
occaſione epidemiae, cuius hiſtoria praemiſ-  
ſa eſt ab an. 1776 — 1780. in Comitatu  
Tecklenburgenſi obſeruatis. Accedit duo-  
rum infantum mortis cauſa, per anatomen  
deſecta. Monasterii Weſtphalorum, apud  
Phil. Henr. Perrenon, 1780. 8. plagg. 12.  
demta dedicatione et praef.

**B**ilis imperium quam late pateat in corpore hu-  
mano, quamue diſſitis inde in locis a natua  
ſua ſede, eadem contaminata vel corrupta, aegritu-  
dines moleſtas pariat, aut ſaltem earum ſigna ex-

Dd 5

ponat,

ponat, beata iamtum cognouit antiquitas. Atque cum perquam multiplici, saepius admodum recondita forma incedere soleant mala ex hoc vitio oriunda, eo magis allaborauere praestantissimi artis doctores in tradenda eorum cognitione, diiudicatione et extirpatione; adeo quidem, vt vix aliquid hac de re dicendum superesse videatur. Nihilominus tamen vicissitudo rerum humanarum variumque continuo viuendi genus noua quaedam in modo circumstantiaue morbi producere queunt, notatu perquam digna, quamuis eius essentia eadem maneat. Inde sane huius praecipue vastissimi generis morborum species et varietates nondum penitus exhausserunt obseruata practicum, quin laude dignam emolumentisque abunde refertam operam facturi sunt medentes, qui insidiis vitiatae bilis singularibus latentissimisque perpetim inuigilauerint et animaduersa sua in publicos vsus consignauerint. Egregie hoc praestitit Noster, cui occasio data fuit, epidemiam ex corrupta bile per quatuor annos Gueſtphalorum comitatum Tecklenburgensem infestantem, vbertim obseruare atque tractare.

p. 10. Primo omnium epidemiae exhibet historiam, insimul vero incolarum regionis illius viuendi, cogitandi agendique morem breuissime refert.

p. 19. Tractationem ipsam autem in duas dispescuit partes, quarum prima febrem hanc epidemicam describit secundum stadia tria. Stadium primum, ex Auctoris sententia, concernit minantis morbi symptomata, incurios per aliquot septimanas, imo longius, vexantia.

p. 21. Stadium secundum in decursu morbi posuit. Febris interea, etiamnum sine praeuiis aliis causis hic recensitis, propter abundantiam materiae peccantis, vel virium defectum, vel contagio suscepto, exurgebat; non remittens, nisi aliquatenus circa  
vespe-



vesperam. Causae interea atque phaenomena eius similia erant febris biliosae Lausannensis, a TISSOT descriptae atque a BALDINGERO editae.

Aegrotantium autem ex hoc morbo alium cum modo nimis clausam, vel nimis fusam, vel inter vtrumque positam obseruaret Auctor, tria inde huius morbi genera constituit et descripsit, causam proximam harum diuersitatum in materiae peccantis diuersitate ponens. Tutissimum erat tertium. p. 29.  
Cuiusque duratio longior, breuior; medicatione tamen sinistre adhibita, certo in febrem putridam transiens, vel obstructioni viscerum, aut phthisi hydropique ansam praebens.

Tertium stadium in reliquiis, ab aliis sic dictis, p. 37. morbi posuit. Quas circa attente versandum, et praepriis radicem linguae exactius inspiciendam curiosiusque examinandam esse, bene monet Noster: quandoquidem conspurcata adhuc viscido, plus minus colorato, necdum penitus subacti miasmatis in primis viis est indicium. Interea tamen eodem hic etiam abolito, potest adhuc fluidis corporis insinuatum contineri; vnde a pharmacorum debitorum omissione, praemature tonicorum usu, neglectu diaetae, refrigerio, animi pathematibus, aliisque causis, morbidis admissis facillima recidua.

His subiunxit nonnulla rariora symptomata seorsim, quae inter obsurdescentia, procliuitas in infaniam; sanguis purus proluiei aluinae admixtus, cum dysenteria hic non confundendus. p. 45.

Porro de complicationibus quibusdam exponit; ubi complicati morbi, ab anomalo probe distinguendi, ideam tradit et exemplis illustrat. Omnium vero complicationum pessimam tunc deprehendit Auctor, variolas: vix enim eleuatae quinto iam die sphacelescere incipiebant ex praesente iamtum bilis corruptione. Quare, cum plurimos  
infantes

infantes trucidarent, ad inoculationem confugit, sicque educta prius biliosa saburra, dein plures seruauit.

Vna alteraque digressionem morbi, magis metastasin materiae acris redolentis, enumerata, paucis de crisi agit. Hanc nunquam vel rarissime naturam sibi relictam in hoc morbo perfectam, fidam, certam, atque securam praestitisse dicit Noster, atque propria experientia confirmatum vidit BAGLIVII assertum de minori iudicialium dierum in eodem valore. Praeter vias regias sursum deorsumque principali morbosae colluiei patentes, nonnunquam etiam per sputa, raro per sudorem vel exanthemata chronica, per haemorrhagiam nunquam exterminatam animaduertit.

Medelam interea fecit et haec febris nonnullis aliis inueteratis malis; quae salubritas certe a quibusvis motibus febrilibus rite compositis et a prudente medico directis, expectari potest ac debet.

- p. 61. Methodum medendi, secundum sua tria genera, exponens, laudat Auctor eliminationem materiae morbosae biliosae per superiora, quam cito fieri potest: neque tamen crudam, sed coctam; praeparatam nimirum atque dispositam ita naturae actionibus vel pharmacis incidentibus soluentibusque viscidum, ut sequi possit. Et primo quidem generi cum aluo stipatiore, tartarum emeticum; alteri cum aluo laxius succedente ipecacuanham
- p. 68. magis conducibilem reperit. Adstringentium vero et chinae usum ad praevalentem debilitatem tollendam, nisi omnis impuritas e primis secundisque viis eliminata atque deleta fuerit, perquam noxium deprehendit, exemplisque sinistri euentus monstrauit.

- p. 77. Damnat, et merito quidem, timiditatem nonnullorum circa emeticorum exhibitionem, ostenditque,



ditque; infantibus, grauidis, parturientibus, haemoptoicis, herniosis, imo iis, qui antea vomitum cruentum senserunt, prudente manu circumspettoque consilio eadem propinari posse, optimo cum effectu.

Inualuit nostris temporibus, omnem fere febrem, cum virium deiectione insigni coniunctam, putridam pronuntiare; inualuit pessimus mos, in commotionibus istis salutaribus naturae contra insidias sanitati integrae exstructas citra omnem rationem, ex consuetudine quasi, illico sanguinem per venam detrahare. Egregie ostendit Noster, p. 79. exemplisque corroborauit; febrem, si etiam lingua a bile corrupta, defoedata fuerit, inde non semper putridam esse, atque sanguinis missionem dolores aut alia quaedam incommoda quidem mitigare, simul vero tunc vires infringere, sicque a muniis contra morbificam materiam praestandis auocare.

Propositis abinde nonnullis, quae dietam conualescentium recidiuarumque curationem spectant, ad alteram partem operis progreditur, quae de morbis biliosis anomalis agit. Hic in praemissa generaliori tractatione notionem huius conditionis morbi excutit, cuius tria data momenta eo redeunt, ut a materia biliosa proueniens sub longe alia forma incedat, neque tamen expugnabilis facile sit, nisi antibiliosis remediis.

Huius census duo summa genera constituit Auctor, morbos nempe febriles et non febriles. Missis tamen febrilibus biliosae prolapiei intermittentibus, catarrhalibus et inflammatoriis, ab aliis celeberrimis viris, alio quamuis titulo, tractatis; primo febrem biliosam neruosam constitutionis epidemicae praesentis explicat. Descriptio eius quam maxime cum HUXHAMII observationibus circa febres lentas neruosas conuenit, at putridum talem sanguinis

guinis statum, quem Illius febres arguunt, Auctor nunquam in hac sua febre reperit; quin recte demonstrat, bilem circa praecordia haerentem etiamnum nervos singulari modo laedere posse atque in isthac constitutione causam fuisse. Methodus medendi coincidit cum illa febris biliosae regularis. Adnotat autem, nihil in hac magis nocuisse, quam venaesectionem, praeposteras etiam euacuationes morbum exacerbasse; idque idem exemplo euidente confirmat.

p. 110. Febrem biliosam, pemphygodem VOGELIO dictam, in duobus subiectis vidit, et illorum de partibus stat, qui contendunt; materiam acrem viscidam intra bullas superficiei cutis collectam. e materia biliosa in intestinis stagnante, huc transferri.

Febrem scarlatinam Guesphalis, ceu morbum endemium, familiarem esse, dicit Auctor: imo pandemium vidit in pago quodam, cuius incolae Fagopyrum quotidie in cibum sumerent, placentisque inde frixis abuterentur. Huius interea commatis febris, in epidemia a Nostro tractata, longe distabat a pessima illa Cl<sup>i</sup> METZGERI Aduersariis med. P. II. inserta: originem enim debebat bili. Quamuis interea contagio non careret, nullum tamen interemit; quin recte adhibita medela facile curabilis, neque hydropem pedissequam habens. Emetica et hic egregiam tulere opem.

Angina biliosa absentia tantum macularum corporis discrepauit a scarlatina; atque tuta minimeque longa fuit.

p. 120. Bilem corruptam sanguini admistam, articulos afficere, HIPPOCRATES iam docuit: sic etiam in constitutione epidemica a Nostro relata observabatur arthritica biliosa; nequaquam tamen cum dispositione sanguinis inflammatoria. Laudat in exuberante viscido cum bile degenerata; praemissa generali



generali antibiliosa indicatione, Kermes minerale, puluerem alterantem Plumierii, et in desperatis doloribus artuum, Calomel.

Inter morbos non febriles biliosos recensentur, tussis biliosa, linguae impuritatibus, hypochondriorumque, praeprimis dextri, in paroxysmo doloribus distinguibilis a reliquis tussis speciebus. Expectorantia pharmaca, et, veluti in omnibus biliosis, calidus potus, noxia maxime isthac in afflictione. E mala eius medicatione orthopnoea biliosa; at saepe etiam absque tussi praenata; simili ratione euacuantibus, praeprimis per superiora, tractanda.

Sic raucitas quoque, febris, vel scarlatinae, tussis, orthopnoeae biliosae, symptomaticus haud raro comes, saepius per hanc epidemicam constitutionem absque alia complicatione symptomatum, obseruabatur ab Auctore; neglecta, in orthopnoeam vel phthisin transiens.

De saluatione ex causa biliosa, ab initio morbi, insignis cruditatis indice, ad finem eius accedente, saluari, casum refert. Sic etiam de stupore paralytico vnus pedis ex causa biliosa memorabilem historiam matronae sexaginta annorum subiungit.

Agit postmodum sigillatim de anxietatibus anormalis biliosis, sine vlla febre. Has vere a materia biliosa peccante prouenisse, casu perquam euidenter comprobatur.

Vbi deinde de haemorrhagiis ex causa biliosa exponit, solummodo species maxime insuetas excitat. Haemoptysin nimirum, cuius historiam attentione dignam refert, nec non de mictu cruento, de haemorrhoidibus. Denique et de obstructione vrinae ex causa biliosa, vbi binos casus recenset, viri circiter duodenonaginta annorum desperatissime ea decumbentis atque mulieris pro grauida inde habitae, euacuationibus bilis corruptae felicissime ex orci quasi faucibus ereptorum.

Sequun-

Sequuntur pauca de morositate ex causa biliosa ceu specie morborum mentis et de prophylaxi, quae agmen claudit.

Quod mortis causam duorum infantum ab vna matre natorum, qui, praeuiis sibi similibus symptomatibus, paucis a natiuitate diebus fatis cesserunt, per alterius sectionem attinet, accedit illa quam proxime obseruationibus ex cadaueribus infantum morbosus Cel. ROEDERERI in Programme, Gott. 1758. euulgatis, et maxime quidem illis a VOGELIO in Bibliotheca medica T. IV. p. 965. inde excerptis.

Cuncta haec sic expediuit Noster, vt euidenter inde patefcat cordatus, rationalis, et veterum recentiorumque doctrinis eruditus medicus practicus.

XIV.

CHRISTOPH LUDWIG HOFFMANN, Sr. Churfürstlichen Gnaden zu Cöln geheimer Rath und Leibarzt, des Hochfürstl. Hessen - Casselschen und Münsterschen medicinischen Collegiums Direktor, Brunnenarzt in Hofgeismar, der Casselschen Gesellschaft der Alterthümer Mitglied u. s. w. vom Scharbock, von der Lustseuche, von der Verhütung der Pocken im Angesichte, von der Ruhr, und einigen besondern Hülfsmitteln, nebst einer Nachricht von dem Zustande und der Verbesserung der Arzneyverfassung im Hochstifte Münster während der Regierung Sr. Churfürstl. Gnaden MAXIMILIAN FRIEDRICH, Erzbischofs zu Cöln, Fürsten und Bischofs zu Münster u. s. w. Münster bey Phil. Heinr. Perrenon. 1782. 8. pagg. 306.

i. e.

De scorbuto, lue venerea, modo arcendi variolarum



riolarum eruptionem a facie, de dysenteria et aliis quibusdam specificis; accedit descriptio status et emendationis medicinae in episcopatu Monasteriensi, sub imperio Electoris. MAXIMILIANI FRIDERICI, Coloniae Episcopi principis etc.

Cum hic liber vel maxime eo consilio scriptus p. 38.

sit, ut et Princeps et ciues Monasterienses certiores fierent de accessione, quam medicina habuit, inde a constitutione Collegii medici, cui Cl. Auctor praeest; quaedam de pristino et praesenti huius urbis medicinae statu ac conditione hac occasione praemittit. Anno huius seculi sexagesimo quinto, medicina tum rationalis, tum practica eius pars tam parum exulta erat, ut, praeter empiricorum cohortem, nemo adesset, cui vitam ciues tuto credere possent. Constituto nunc autem medico collegio, medicina non solum pura et ab omni superstitione commentisque libera in urbem introducta est, sed ea etiam ab impostoribus et hominibus circumforaneis summa cum cura repurgata, sub huius Principis tutela, peritos dextrosque habet et medicos et chirurgos.

Postquam haec a Cl. Auctore explicata sunt, ad p. 108

scorbuti naturam transit, cuius causam proximam constituit in succo, quo ossa aluntur deprauato, eumque tum in ossibus cylindraceis, tum latis corporis viuentis, eiusmodi acredinem contrahere posse dicit, ut ossa et arrodere et eorum cariem producere possit. Huius succi corruptio causa est, cur non solum dentes, sed etiam cetera ossa tam fragilia in scorbuticis fiant, ut scorbuticorum vnus, qui in lecto cubans, in aliud latus sese vertere volebat, os femoris frangeret. Clarius adhuc elucescit ossium p. 113.

scorbuto affectorum fragilitas ex Cl. FRISII allatis observationibus anatomicis, qui in scorbuticorum cadaueribus et sternum et cetera ossa infirma, omnesque ossium processus, praeprimis autem spinæ vertebralis et extremitatum posteriorum costarum, ita fragiles reperit, ut vix sine fracturae metu a carnosis partibus liberari potuerint. Quae causa erat, cur ex iis neque sceletum componere, neque cetera ossa ob badium aut liuidum colorem, quem semper vel in leuissimo scorbuti gradu obseruabat, tam albida reddere posset, quam ossa aliorum, hoc morbo non mortuorum.

- p. 119. Nunc pergit Cl. Auctor in explicando scorbuto. Initium scorbuti non fit in dentibus ac gingivis, sed simul in omnibus ossibus, succo nutritio vitiato; citius autem in ore, quam in aliis ossibus fit conspicuus scorbutus, propterea quod dentes ac gingivæ, magis, quam cetera ossa, oculis patent, et
- p. 122. maxime sensiles sunt. Succus osseus deprauatus solus, sine aliarum acrimoniarum praesentia in corpore, materiam, quam scorbuticam dicunt, sistit. Vitiatur autem et corrumpitur non in sanguine, sed in ipsis ossibus, ad quae defertur, eo magis, quo maiorem in ossibus remoram patitur: et ratione graduum corruptionis, quos assumere potest,
- p. 128. varia etiam mala ossibus inducit. Iam si reliqua organa excretoria corporis bene sese habent, potest diu et sine noxa sanguini admisceri ossium corruptus succus, quippe is et separatur, et e corpore eliminatur, nihilque reliquo corpori nocet, praeterquam quod ossa adgreditur, eaque fragiliora reddit. Eiusmodi hominum vrina et sanguis propterea citius in putredinem abeunt, quam sanorum, quoniam continuo deprauatus succus osseus
- p. 138. ad sanguinem regurgitat. Gingiviarum tumescen-  
tiam



tiam oriri autumat ex transitu fucci corrupti dentium ad gingiuas, quas acris factus, et vellicat et eleuat, opinaturque dentium sic dictum tartarum, progigni ex putida illa mucagine dentibus inhaeresciente.

In scorbuto acuto quatuor periodos assumit. P. 145.

*Prima periodus* morbum futurum indicans, cernitur potissimum in singulari corporis lassitudine, artuum grauitate, simulque mutato colore faciei consueto. *Secunda periodus* cognoscitur ex spiritu graueolente, dentibus, maxillis, et gingiuis vitiatis. In *tertia periodo*, si artuum articuli mouebantur, strepitus percipiebatur, et ossium dolor profundus maxime tibiae et fibulae; dolor ille noctu vehementer increcebat, imo adeo interdum augebatur, vt dolentes partes ne leuissimum quidem attactum ferre possent. Gastrocnemii muscoli et ii, qui femoris os obducunt, duritiem aliquam adsciscebant, quae cum articulorum rigiditate coniungebatur, ita vt aegri vix incedendi potestatem haberent. Praeterea spiritus aegre ducebatur, et in pedibus ac femoribus, rarissime autem in extremitatibus superioribus, prorumpabant maculae lutescentes, liuidae interdum aut fuscae, diuersam habentes magnitudinem, nec supra se cutem eleuantes, nec persistentes; nam mox euanescebant, mox pristinum locum rursus occupabant. Etiam in cruribus passim enascebantur vl-  
cera scorbutica, omnem suppurationem eludentia. Interne fungosa erant, et ichore plena, et digitis vel tantillum contrectata, sanguinem plorabant. Eadem fere symptomata exasperabantur versus  
*quartam periodum*, aliis adhuc interdum accedentibus. Alii tunc vexabantur doloribus rheumaticis et colica passione: alii perpetiebantur narium haemorrhagias aut haemoptyses: pedibus oedematosis

alii denique laborabant, non abeuntibus in sphacelum. Atque haec dira symptomata nulla febris concomitabatur, aderatque ciborum appetitus ad ultimos vitae dies usque, ubi aut febris accedens, aut diarrhoea colliquatiua superueniens, aegrum repente necabat. Cadaverum sectio praeter constantem ossium mutationem et fragilitatem nihil certi aperuit, nam mox pulmones, mox hepar, mox aliud viscus male affectum repertum est. Cutis maculas, quae interdum post mortem conspiciuntur, ex corruptis cutis humoribus repetendas esse dixit.

- p. 187. Dum causas occasionales enarrat Cl. Auctor praeter cognitatas et ab aliis nominatas, miasma venereum et rhachitiden huc refert, egregieque in uniuersum explicat, qua ratione allatae causae occasionales, succum, quo ossa aluntur, deprauare valeant.
- p. 206. Omnes autem causae remotae, perspirationem insensibilem impediendo, scorbutum inducere possunt, eaeque corpori admissae, eo celerius nocent, quo facilius perspirationem insensibilem turbant ac supprimunt.
- p. 235. *De cura scorbuticorum.* Si ex nimio usu ciborum sale conditorum scorbutus ortus erat, tunc aqua calcis vel sola, vel cum lacte remixta, egregium usum praestabat. Vbi nulla diaeta nec cetera medicamenta antiseptica opem ferebant, certe tamen Calamus aromaticus et Sabina, quae iuxta CHAVETI experimenta cum sanguine instituta, vi antiseptica longe superabant corticem peruianum, et externe et interne exhibita, in ossium morbis sat efficacia se praebebant. Ad mutandum aërem humidum, obuium saepe in nosodochiis ob hominum stipationem, suadet Noster, ut arena sicca pauimentum quotidie conspergatur.
- p. 264. Infusum Maltae, et aëris fixi usus nihil praestabant; contra



contra autem aqua calcis, in cuius vncia eadem in-  
est arcendi putredinem vis, ac in scrupulo corticis  
peruiani iuxta CHAVETVM, et acidum vitriolicum  
optimo cum fructu propinabantur. Sabina magis  
extrinsecus applicabatur, vel in forma balnei vel  
cataplasmatidis: Calamus autem aromaticus cum sac-  
charo coniunctus, et ad duos scrupulos octies de  
die exhibitus, haud parvam aegris ferebat opem.  
Etiam cereuisiae, qua utebantur aegri, adiciebatur  
Calamus aromaticus, imo vlcera eluebantur cum  
spiritu salis et Calami aromatici, addito melle.

*De lue venerea.* Hanc penitus extirpari posse p. 274.  
sibi persuadet Noster, modo adessent medicamenta  
specifica, parum pretiosa, et cuilibet cognita, vt  
eorum vsu quisque se sine medici auxilio ab hoc  
morbo liberare posset. Quare ad hanc rem perfi-  
ciendam optat, vt medicamenta a se inuenta, et vt  
opinamur medicorum cuilibet nota, in officinis  
medicamentariis vendantur, eorumque legitimus  
vsus dilucide calendariis inseratur. At cum sua  
medicamenta ex mercurio sublimato componantur,  
et ipsius mali natura interdum peritissimos artis  
fallere possit, nec omni in casu semper mercuriali-  
bus opus sit: sine dextri medici administratione et  
diuidicatione, vix hunc morbum, praesertim com-  
plicatum, hisce medicaminibus recte profligari  
posse putamus. *Variolarum* infitionem commen-  
dat, et ad earum eruptionem in facie impediendam  
et facilitandam, eam aëri liberiori frigidiusculo ex-  
ponere iubet, simulque camphorae externum in  
variolis vsu in eo duntaxat casu laudat, in quo  
miasma variolosum ad sanguinem regressum est.

*In dysenteria*, vt iam DIEMERBROECKIUS et p. 289.  
VOGELIUS obseruarunt, egregium vsu praestitit  
cera interne adhibita, quam vel cum syrupo com-  
muni, vel cum gummi Arabico, vel vitellis ouorum

remixtam, aegris propinauit, adiecto ad saporis gratiam spiritu vitrioli. Hoc modo cochleatim sumpta, medebatur spasms et doloribus. In peripneumonia denique, inprimis vbi pulsus parvus et expectoratio suppressa erat, flores Benzoes cum camphora coniuncti egregium edebant effectum.

XV.

IOSEPHI MANIS OESTERREICHER, Physici nosocomii Veterobudensis, analyses aquarum Budensium, praemissa methodo Prof. WINTERL, Veterobudae 1782. 8. pagg. 283.

Quo magis certum est atque multis observationibus demonstratum, aquas aequae ac cetera naturae corpora, pro earum diuersa et indole et conditione, aut salutare aut nociuos producere posse in humano corpore effectus; eo laudabilius et gloriosius nobis esse videtur conamen eorum, qui, quum in indagandis aquarum partibus versentur, non solum earum intimiorem mixtionem nobis cognitam reddant, sed etiam sanitati prospiciant quam maxime, dum prodita earum natura impediunt, quo minus aliquis iis cum vitae periculo vtatur. Hisce rationibus motus aquarum Budensium examen suscepit, et quidem iuxta methodum, quam a Cl<sup>o</sup>. WINTERLO, suo olim praeceptore, acceperat. Hanc itaque methodum suo aquarum examini praemissam, ipse praedicauit post illam a Cel. BERGMANNO profectam, omni ex parte nouam, certiore, atque reagentibus et principiis detectis ditio. Quare quid de reagentium praeparatione deque eorum applicatione proposuerit praecipui, id breuiter indicabimus primum, et quidem eo consilio, vt cognoscant inde Lectores quatenus per hancce methodum, aquarum peruestigatio illustrior



strior facta sit; deinde de ipsis aquarum Budensium principiis exponemus.

Lixiui sanguinis praeparationem traditurus, p. 3.  
salem tartari et sanguinem bouinum in crucibulo  
Passauiensi vrere finit. quod primum candefactionis  
ope, ab omni Molybdaena liberatum sit; cum ta-  
men idem, etiam vehementissimo igne adhibito, vix  
fieri posse putemus. Tincturas illas admodum  
sensiles vel ad acidum, vel ad alcali detegendum, vt,  
quae extrahuntur ex curcumae radice, fernambuco  
et heliotropio plane neglexit, neque acidum saccha-  
ri in reagentium numerum recepit: contra autem  
solutio lunae alcalina, syrupus violarum et acidum  
tartari essentiale hic allata sunt; quo vltimo vtitur  
Cl. Auctor ad liberandum sal alcali minerale ab eo-  
dem vegetabili; quae tamen alcali purificatio nobis  
videtur esse nimis pretiosa. Quam adhibet aquam  
destillatam in suis tentaminibus, eam cum calce vi-  
ua parat, et quidem ita, vt libris quinque aquae com-  
munis destillaturae, calcis viuae semilibram adiiciat.  
Alkohol vini ex quocunque spiritu inflammabili  
parare docet, omisso tamen eius pondere.

Si aqua in ipso loco, in quo orta est, in examen p. 20.  
vocari nequit, methodum tradit, qua commodè  
eiusmodi aqua sine dispendio particularum volati-  
lium, in alium locum transferri potest. Antequam  
nempe vasorum diuersorum, in quibus eiusmodi  
aquam excepit, obturatio et translatio fit, vni lage-  
nae, ad dimidiam partem tantum aqua repletae, ad  
aërem fixum, quem illa habet, vel figendum, vel  
potius conseruandum, calcis aquam addit: alteri  
immittit acidi nitri fixi tantam portionem, quanta  
requiritur ad vnam spathi calcarei drachmam sol-  
vendam: Vitrioli viridis ab omni ochra puri vncias  
duas, cum aqua lagenae tertiae commiscet; et  
praeterea adhuc, si quae aqua hepar sulphuris red-

olet, ei pro sulphurei aut maiori aut minori quantitate, cupri solutionem: si ea accensi sulphuris odorem spargit, argenti solutionem, factam in alcali volatili instillat, notatis tamen diligenter et aquae et reagentium ponderibus. *Fixum aërem*, quem principium nutritioni summe necessarium vocat, ope aquae calcis hoc modo cognoscit: examinaturae aquae tam diu affundit calcis aquam recenter paratam, donec nulla amplius oriatur turbulentia. Iam requiruntur ad saturandam aquae copiam, quae 400 pollicibus cubicis par est, et statim sub initium lactescit ab affusa calcis aqua, duo aquae calcis canthari, imo interdum ad octo, si examinanda aqua cum aqua calcis adhuc lactescit, aut limpiditatem rursus recuperat; quodlibet granum praecipitatae terrae calcareae, accurate indicat pollicem vnum cubicum aëris fixi in aqua praesentis. Materiei extractivae portionem et indolem definire, perdifficile esse ait, quippe chemia regni animalis et vegetabilis nondum eo adoleuerit, ut succi alicuius species, qui quandoque minima in copia in aquis insit, recte determinari possit. Cognoscit itaque eius praesentiam in aqua ex colore. Granum vnum extracti cardui benedicti, (de quo optandum esset, ut eius consistentiam definiuisset) si in vitro albo diametrum octo pollicum habente, cum quadringentis pollicibus cubicis limpidissimae aquae commiscetur, ea copia aquae, ratione coloris, a pura aqua adhuc potest discerni: ea autem plane excoloris fit si minor vitri diameter, aut si maiori aquae quantitate eadem extracti portio soluta fuerit. Nisi in quadringentis aquae pollicibus cubicis saltem grana sex alcali volatilis insunt, idem, etiamsi duo canthari aquae calcis affundantur, vix odore percipi potest; nec commode detegitur, instillata solutione cupri in alcali fixo parata.

Aërem



Aërem purum noluit cum BERGMANNO ita vocare, cum omnis alia aëris species pura, purus sit aër; neque cum plures adhuc dentur dephlogistificati aëres, eundem cum PRIESTLEYO dephlogistificati nomine compellare; porro nec placuit Ipsi ignis aër a SCHEELIO ita nuncupatus, cum etiam phlogisticatus aër, casu inuerso hoc nomen mereatur; nec denique respirabilis ab aliis ita appellatus, propterea quod plures adhuc aëres respirabiles sint; quare huncce aërem nouo nomine insigniuit, eumque aërem SCHEELII vocauit. *Phlogiston* bonis et sapidis aquis non est proprium, inest autem in quibusdam aquis, et optime cognoscitur, si post aërem fixum expulsum, sub destillatione immittitur recipulo drachma vna syrupi violarum, quem non solum ab omni phlogisto volatili puro, verum etiam ab omni acido plene phlogistificato, viridem colorem induere ait. *Phlogiston purum*, si illud p. 47. vnquam nudum occurrit, in talibus thermis praefertim hospitari videtur, quae diutius, quam alia quaedam aqua, ad eundem caloris gradum calefacta, calorem suum naturalem retinent: eiusque optimum criterium est accuratissimum thermometrum. Iam diu operam frustra adhibuerat Cl. Auctor in inueniendo certo et indubitato reagentem ad sulphuris principium vel delegendum, vel definiendum, cum et cupri in alcali fixo aërato solutio id vitii habeat, vt vel sola addita aqua stillatitia, praecipitetur: eadem autem cupri solutio omnem Ipsi spem expleuit, cum eam aëre fixo penitus impraegnasset, et eo impediuisset, quo minus aqua sola quidquam praestare posset. Grana tria hac solutione obtenti praecipitati, indicabant vnus grani sulphuris praesentiam. Praeterea etiam alia ad p. 53. huc aëris genera noua in aquis latere posse ait, vt aërem hepaticum, antizymiacum, vitriolicum et putridam, de quibus quaedam nunc referemus.

Sub *aëre hepatico*, fructuosissimum illud thermarum principium intelligit, quod non solum ex odore suo, quem edit, graueolento, sed etiam ex effectu, quem producit in metallorum superficie, cognoscitur, dum eam, pro metalli diuersitate, variis coloribus obducit. Componitur hic aër ex sulphure et phlogisto: quod quidem phlogiston hic ad *aërcum* propterea relatum est, quoniam calore destituatur: foetorem nullum habeat: (nam probabile Nostro videtur foetorem illum, quem habet aër hepaticus, quique sub operatione quam maxime intenditur, eum tantummodo ab accedente aëre atmosphaerico repetendum esse) et inflammabilitatem suam aduentitio aëri atmosphaerico debeat. Vt sulphur in aqua suspensum manere possit, opus est, vt proportio phlogisti sit vt  $\frac{1}{18}$ , sulphuris autem vt 5; quae autem phlogisti copia, praesertim in thermis hepaticis limpidis, multo maior esse potest. Grana XV praecipitati, quod per affusam cupri solutionem alcalinam obtinetur, indicant huius aëris, absente scilicet omni hepate vero, suo caractere facile discernendo, pollices cubicos xxiv. At quoniam interdum fit, vt per hanc cupri solutionem, cum ipso cupro simul terrae ex aqua secedant, imo calor aquis sulphuratis proprius, cupri terram, fallentem viridi suo colore, vtcunque alcali, quo cuprum solutum est, aëratum fuerit, deiiciat: auctor est, vt hae terrae cum alcali fixo vegetabili calcinato, et ab omni metalli vestigio puro, quocum sulphur in hepar coalescit, separentur.

Aër, qui ex sulphure accenso egreditur, tanquam is vnicus esset, qui fermentationem impedire posset. *Antizymiacus* nominatus est. Hic aër plane non alterat cupri tincturam, quam tamen certissime turbat minimum aurae sulphureae vestigium. Quantitatem



tatem praecipitati nigri, ab aëre hocce ex solutione argenti alcalina deiectioni, nondum certe definire potuit, propterea quod ille aër a vitriolico tantummodo gradu differat, et ob facilem cum aëre vitriolico mixtionem, in omni fere experimento, ratione eius naturae et puritatis discrepet. Neque *aëris vitriolici* in aqua latentis veram copiam hucusque definire et stabilire potuit, ob defectum apti et consentanei reagentis. Ad principia fixa delitescencia in p. 65. aquis, ex ordine quodam obtinenda, euaporationem maxime incertam esse dicit, putatque multas particulas ex aqua euaporando in auram abire, imo aquam per longum temporis spatium ebullientem, extrahere ex ipso vitro salem alcalinum cum terris: id quod vix ac ne vix quidem accidere posse putamus, si euaporatio lenta, studiosa et in vitro bene composito peragitur. *Putridus aër* cum aëre vitriolico tantam habet similitudinem, ut eius aut vera species sit, aut eam semper concomitetur. Conciliat hic aër aquis, dummodo nudus et idonea copia adest, foetorem, similem ei, qui egreditur ex cannabe putrefacta: si eius quantitas autem in aquis minor fuerit, tunc decocti brassicae odorem spargit. Aër fixus, sub quo iste aër interdum magna in copia latet, foetorem ei quidem, non tamen noxiam in corpus humanum vim eripit: imo aëris putridi in aquis praesentia impedimento est, quo minus eae, vel maxima aëris fixi copia in iis simul praesente, sapidae reddi possint: hinc acidularum essentia non tam in aëris fixi praesentia, quam in absentia omnis aëris putridi consistit, qui post expulsum aërem fixum cognoscitur odore.

Quod alii inde a longo tempore sub tophi aut stalactitis nomine comprehenderunt, idem Noster *terram pyriticosam* vocat, et quidem propterea quod eadem

eadem cum sulphure et metallis, quae Ipsi ex pyritibus ortum habere videntur, omnium maxima occurrat quantitate. In huius terrae sexaginta partibus reperiri ait triginta partes aëris fixi: nouem, terrae inuitriolabilis; viginti, terrae calca-  
reae impurae; vnam denique partem terrae filiceae, et vix totidem ferri. Hanc tam compositam terram cognoscit: 1) ex pleno ex aqua secessu vix prima ebullitione facta; 2) ex adhaesione ad retortae latera; 3) ex proportionata terrae filiceae quantitate, quae remanet, si terra ista cum acido salis soluitur. Nam si plus inest in drachma terrae pyriticosae, quam granum vnum terrae filiceae, tunc signo est, huic esse admixtum aliquid *tophi granulosi*, de quo deinceps exponemus: vbi autem filicea terra minori in copia deprehenditur admixta, suspicio enascitur, huic inesse terram vel calcaream, vel magnesiacam puram, quas a se inuicem separare docet.

p. 86. Reperit insuper in quibusdam aquis et praesertim in fluuiatilibus, *tophum secundarium*, secunda aut tertia euaporatione ex aquis secedentem, qui componitur ex  $\frac{28}{80}$  aëris fixi;  $\frac{14}{80}$  terrae argillaceae phlogisticae;  $\frac{5}{80}$  terrae calcareae verae;  $\frac{14}{80}$  terrae filiceae;  $\frac{12}{80}$  terrae crystallisabilis; et  $\frac{1}{80}$  ferri. Superest tandem, vt dicamus, quid sub terra sua, quam crystallisabilem vocat, et topho granuloso intelligat; *Illa* est terra calcarea impura, quae facile in crystallos abit, et quocunque alcali fixo, aut neutro volatili detegitur: *hic* autem ad salia relatus, differt in eo a granulis istis, in quae magnesia aërata sub finem vltimae euaporationis recedit, quod ab acidis vel difficulter, vel prorsus non solui potest. Qui tophus autem solui poterat, exhibebat genuinam magnesiā, et filiceam terram, quae intacta manebat. Praefert ad indagandam calcem, tartarum



rum solubilem; quoniam acidum sacchari, praeter terram calcaream, simul etiam magnesiaem partem deiicit; tartarus solubilis contra, calcis terram in seleniten tartareum deturbat, cuius grana decem indicant tria grana terrae calcareae. Ceterum vehementer dolemus, quod illam, quam se habere dixit methodum promptiorem parandi acidum sacchari sine furno, nobiscum non communicauerit.

Praecipitationem terrae aluminosae cum terra p. 101. calcarea aërata se non potuisse efficere dixit, neque recte obseruasse ZOLTANVM \*), affirmantem, posse vnciam vnam terrae aluminaris per acidum nitri decomponi in terrae siliceae drachmas sex, calcareae scrupulos quinque et aliae terrae incognitae scrupulum vnum, ipsumque acidum nitri sub solutione mutari in acidum vitriolicum. Discrimen hic adducitur, quod interest inter magnesiā aquae palustris, magnesiā salis Sedlizenfis et magnesiā dephlogisticatam. Vbi de numero et proportione p. 122. salium ab euaporatione residuorum exponit, acidum phosphori affirmat esse verum acidum vitriolicum cum principio fixo vitrescibili laruatum, nec produci posse phosphorum ex ossibus, nisi accedat acidum vitriolicum: verum enim sal mirabile ortum esse ex sale sodae et acido phosphori. Salis amari fatiscientiam negat, et salia, quae cum materia extractiua coniuncta sunt, phlogisticata nuncupat. Quamuis omnem adhibuit operam et diligentiam in soluenda argilla tum salita, tum nitrata, cum spiritu vini; tamen neque haec, neque solutio magnesiaem et salitae et nitratae in illo spiritu peragi potuit. Nunc accedit ad explorandam salium naturam. Acidorum in aquis excessum vix possibilem esse dicit; decurrentes enim aquae super

\*) D. IOS. ZOLTAN Diss. sistens analysin et naturam terrae aluminaris, habita Traiecti ad Rhenum.

per terrarum absorbentium strata, idem perdunt, dum statum medium induant: contra in iis saepe alcali excedit, quod cognoscit ex eius sapore et cum acidis commistione. Ad acidum vitriolicum in aquis cognoscendum, non cum BERGMANNO terram ponderosam salitam, vtpote nimis pretiosam, sed plumbum nitratum adhibet, et ex multis appositis experimentis cum spatho ponderoso aequae, ac cum plumbo institutis, probare annitur, terram plumbi, ab illa spathi non differre. Sed quae haecenus exposuimus de methodo a Cl<sup>o</sup> WINTERL praemissa, sufficient, cum nunc ad ipsum aquarum Budensium examen transeundum nobis sit.

p. 175. In colligenda aqua pluuiatili eodem et apparatus et methodi genere usus est Cl. OESTERREICHER quo Cel. MARGGRAFIUS: attamen vt eius aquae celerem putredinem et relictum adhuc post euaporationem colorem fuscum euitaret, aquam suam post triplo longiorem imbrem, continuo cadentem, excepit. Examen cum aqua pluuiatili institutum docuit, nullum in ea inesse aërem fixum, phlogisti tamen in quouis cantharo  $\frac{1}{32}$  gran, quod vt Cl. Auctor putat, cum aëre SCHEELII alioquin puro vocato, coniunctum, aërem inflammabilem constituit. Vehit praeterea eadem aqua in cantharo, non solum aliquam gelatinae aquatilis portionem et filiceae terrae granum vnum et  $\frac{3}{4}$ : sed etiam tartarum vitriolatum, alcali fixum vegetabile, et terram argillaceam.

*Fons Schüllerianus*, qui Budae est, viginti octo grana nitri prismatici in quouis cantharo habet; ab eiusque aquae incoctione multum lucri sperat, modo si ligna ad excoctionem suscipiendam necessaria, viliori pretio hac in regione comparari possent. *Riuulus molendini pulueris pyrii* poll. cub.



xxi. aëris fixi, pollices duos aëris puri et phlogisti fixati  $\frac{2}{40}$  in cantharo tenet, admixtis insuper quibusdam salibus et terris. *Riuulus molendini ad Rotam*  $4\frac{1}{2}$  gr. magnesia et xxviii. poll. cub. aëris fixi in cantharo recondit.

*Thermae Caesareae* scaturientes inter suburbia *Landstrass* et *Neustift* tantum calorem habebant, vt thermometrum, quod spiritu vini colorato impletum, et a puncto congelationis ad punctum usque ebullientis aquae in 100 gradus diuisum erat, ad 51 gradus eleuare valerent: habebant praeterea xxxiii. poll. aëris fixi,  $3\frac{1}{8}$  salis mirabilis, et totidem fere salis communis in cantharo. *Aqua stiptica* p. 252. *territorii Sarisap*, nullum omnino aërem fixum habens, aliis potissimum materiis scatet: quibus enim aquae cantharus in se recondit grana xxii selenitis; aluminis per se crystallifabilis gran.  $xx\frac{2}{3}$ ; ochrae ferri vitriolatae gr.  $xii\frac{1}{2}$ , et salis amari cum materia extractiua gr. vii. At nolumus longius Budensium aquarum examina persequi, cum ceterae aquae fere omnes, ratione materiarum, quas vehunt, a se inuicem parum recedant; igitur satis est dixisse, plerasque aquarum Budensium, magnam copiam aëris fixi salis communis magnesia et selenitis habere; plurimis contra deficere sal alcali et aërem putridum. Superest tandem, vt aliquid de *acidulis Füretiensibus* adiiciamus. Hae enim scaturientes in *comitatus Szaladiensis* extrema parte, quae contigua est lacui *Balaton* et comitatui *Veszprimiensi*, ob singularem, quam habent, aëris fixi copiam memorabiles sunt. Insunt in cantharo harum acidularum clxii poll. cub. aëris fixi, quae copia nec in Spadanis, nec Selteranis, nec Pymontanis reperitur, neque etiam vix arte potest tanta in copia aquis admisceri; porro ferri liberi  $\frac{11}{12}$ , terrae pyriticae gr. xxvij, magnesia  $4\frac{1}{2}$ , phlogisti liberi  $\frac{1}{10}$  simul cum

cum pauca aëris putridi copia; maiori contra aëris vitriolici et inflammabilis quantitate ditatae sunt. Aërem istum, quem Cl. Auctor inflammabilem vocat, quamvis non amplius flammam concipit, non ita nominaremus. Praestant hae aquae ob aëris copiam egregium vsum in iis potissimum morbis, qui ex muco accumulato ortum habent: opitulanturque omnibus calculosis. Medentur denique viscerum obstructionibus, praestant in tophis podagricorum resoluendis, et imbecilla corpora egregie roborant.

XIII.

*Allgemeine Naturgeschichte der Schildkröten, nebst einem systematischen Verzeichnisse der einzelnen Arten, mit 2 Kupfern, von IOHANN GOTTLLOB SCHNEIDER, Lehrer der Beredsamkeit und Philologie zu Frankfurt an der Oder. Leipzig, in der Joh. Gotfr. Müllerschen Buchhandlung, 1783. 1 Alph. 3 Bog. in 8.*

i. e.

Historia naturalis testudinum generalis, et specierum singularum descriptio methodica, cum tabulis duabus aeri incisis, auctore IOH. GOTTL. SCHNEIDER, Prof. Eloquent. Francofurtano.

**I**n hoc amphibiorum genere tirocinium feri historiae naturalis studii deposuisse profitetur Auctor, eo quidem consilio, ut primum corporis habitum, generi testudinum vniuerso communem, deinde notas partium vel externarum vel internarum familiae alicuius, quarum tres constituit, marinarum nempe, fluuiatilium et terrestrium, aut singulis speciebus peculiare et proprias, quibus  
a Scri-



a scriptoribus systematicis hodie inuicem distingui solent, diligentius exquireret, quo certius de caractere totius generis constituendo, eoque affinitatis-gradu, quo cum reliquis amphibiorum generibus, cum vniuersa piscium, auium et quadrupedum gente testudines coniunctae cohaerent, iudicari possit. Examen singularum partium statim ab externo corporis habitu, testae, capitis, pedum caudaeque conformatione et structura, id est ab osteologia, orditur, suadente ipsa rerum natura; quae molles easque vitales testudinum partes crusta dura ossiumque tegmine externo absconditas intuto collocauit. Exinde ad disquisitionem internarum partium progreditur, atque vbique veterum ab ARISTOTELE vsque scriptorum et recentiorum descriptiones vniuscuiusque partis, viscerum atque intestinorum diligenter comparat, emendat atque illustrat, quo accuratius familiarum specierumque singularum notas constituat. Ducem anatomici huius examinis sequitur scriptorem Italum CALDESI, qui genus et fabricam testudinum praeclaro commentario tabulisque aeri incisus illustravit; cuius verba in vernaculam linguam ex Italica translata disquisitioni vniuscuiusque partis praeposuit, iisque reliquorum vel antiquiorum vel recentiorum scriptorum observationes instar commentarii adiunxit, habita vbique, quantum fieri potuit, temporum familiarumque ratione, earumque differentias indagauit, distinxit atque explicauit. Denique singularum partium anatomicae descriptioni addidit usum, qui quidem cum victu, vita et moribus testudinum arctissimis vinculis iunctus cohaeret. Itaque de coitu, procreatione, victu, latitatione hiberna, atque vniuerse de moribus et vita totius generis observationes virorum doctorum et curiosorum ex multa et varia lectione collectae per

totum librum disperfae atque anatomicis partium singularum descriptionibus adiunctae reperiuntur. *Orbicularem LINNEI testudinem*, nostris regionibus incolam a natura vnicum ex toto genere additum, Auctor ipse anatomico cultro dissecuit et diligenter perscrutatus est; qua quidem opera effecit, ut accuratiorem vteri atque oviductus gemini, quemadmodum etiam membri virilis, pulmonum musculorumque quorundam notitiam traderet, quam a viris doctis adhuc factum est. Sed in structura neruorum, plerorumque musculorum, atque inprimis cerebri enarranda desideratur etiamnum opera virorum doctorum. Quam quidem lacunam ut doctiores anatomici aliquando expleant, optandum est vehementer. In capitis structura explicanda praecipuam Auctor operam impendit. Animaduertenter enim, plerosque historiae naturalis scriptores post LINNEVM in tradendo generis testudinum caractere magnopere lapsos esse, cum maxillas edentulas veluti notam certam et toti generi communem ponerent, quae tamen paucis admodum speciebus tribui potest. Quamquam iam olim Italus CALDESI terrestrium multarum testudinum maxillas dentibus seu incisuris armatas esse observavit; reliqui tamen omnes, qui eum insecuti sunt, scriptores vel negligentia, quod maxillas ipsi diligentius inspicere atque examinare omiserant, vel ignorantia, quod pauci librum Caldesianum vel vidisse videntur, dentium usu testudines omnes prorsus carere affirmarunt. Post Italum CALDESI primus WALBAYM repertam forte in gazophylacio aliquo viri docti testudinis marinae caluam, quae maxillas pluribus dentium ordinibus exaratas habebat, descripsit, et nomine caluae cum rostro anserino in Chelonographia sua indigitauit. Propter aliquam similitudinis speciem, quae huic caluae  
cum



cum capite testudinis marinae a doctissimo Gallo FEVILLE'E picto et descripto intercedebat, in eam vir doctus suspicionem deducebatur, ut caluam suam ad Testudinem viridem olim pertinuisse crederet. Quam eius suspicionem Auctor certissimis argumentis confirmavit. Reperit enim integrum exemplum *Testudinis viridis*, quae LINNEO barbaro nomine Mydas dicitur, in museo Blochiano, quod diligentia inspectum prorsus cum descriptione caluae Walbaumianae conuenire animaduertit. Quapropter totum caput ipsasque maxillas dentibus varie exaratas pictori delineandas tradidit; quae pictura in tabula altera lectorum oculis est exposita. Deinde forte incidit in librum manu PLUMIERII scriptum, variis animalium Americanorum picturis et descriptionibus exornatum, et bibliothecae Blochianae cimelium; in quo prostat etiam descriptio anatomica testudinis eius, quam Galli *franche* appellant, accuratis atque elegantibus picturis a manu PLUMIERII illustrata. Hanc quidem descriptionem statim intellexit eandem esse, quam FEVILLE'E in libro suo posuit; sed picturae, quae capitis dissectionem illustrarent, in libro manuscripto PLUMIERII desiderabantur. Magna igitur furti suspicio cadit in Gallum FEVILLE'E, quem folii vnus defectus in libro manuscripto, quemadmodum etiam totius descriptionis plane eiusdem argumentum et tenor arguit, alienas opes illiberaliter sibi arrogasse. Sed in anatomica ventriculorum cordis explicatione mutauit quaedam, partium, ut videtur, Duverneianarum studiosus FEVILLE'E, ut instituta verborum singulorum comparatione vidit et docuit Auctor. Verum enimvero nec in hac quidem capitis a testudine viridi resecti pictura vlla dentium vestigia apparent; ita ut credere fas sit, PLUMIERIVM non nimis dili-

genter maxillas inspexisse, aut in pictura aberrasse, aut speciem *franche* dictam a viridi prorsus esse diversam; a qua tamen opinione Auctor longe alienissimus esse videtur, qui PLUMIERI negligentiam hic arguere mauult, quam multi etiam alii scriptores in se admiserunt culpam. Cum testudine viridi integrum etiam testudinis Carettae exemplum comparauit, atque vtriusque speciei notas diligenter post doctissimum WALBAVM distinxit, qui duo exempla Carettae viua dissecuit, atque accurate, nulla tamen cum viridi, quam nondum viderat, specie facta comparatione, descripsit. Hanc vero posteriorem, Carettam, rostro accipitrino instructam, maxillarum dentibus prorsus carere vidit. Dentium quidem nomen hae maxillarum ossearum incisurae eodem iure merentur, quo dentes piscium amphibiorumque multorum dicuntur, quamquam alueolis mobiles non inhaerent. Hos igitur dentes, pro varia eorum figura, situ, numero atque ordine, cum forma ipsius rostri et totius capitis, tegminis ossei eique superinducti corii cum numero et figura forulorum osseorum et coriaceorum, (foruli enim corii a forulis osseis numero et figura admodum differunt) denique structuram et formam pedum, vnguium, caudae, ad notas non solum familiae, sed vnicuique etiam triplicis familiae speciei distinguendae aptas refert Auctor; vbi tamen cauendum monet, ne singulatim ad aliquam partem, sed ad omnes simul earumque conuenientiam inter se et constantiam potius respiciatur. In fine adiectae sunt singularum specierum notationes et descriptiones, partim verbis latinis methodo Linneana breuiter consignatae, partim sermone vernaculo paulo vberius digestae. Specierum numerum Auctor ad octauam et decimam vsque auxit, quarum tamen vix partem dimidiam rite explora-

tam



tam et descriptam esse confitetur. Nomina a LINNEO imposita partim mutauit, quaedam immutata reliquit. Mutatorum vero nominum hanc edit rationem, quod pleraque nec graeca, nec latina, sed barbara essent, vel nihil prorsus significarent (cuius rei manifestum est exemplum in Myda, quod vocabulum ignorantia AVG. NIPHI ex graeco ἐμύδες, quo palustres testudines notantur, deprauatum est); vel denique quod pluribus speciebus aut familiae alicui communia esse deberent; veluti orbicularis nomen plerisque omnibus fluuiatilibus conuenire reperitur. Itaque ipse noua specierum nomina ex graeco vel latino sermone translata, et secundum regulas grammaticorum expressa, vel ad similitudinem eorum nominum, quibus a patriae suae incolis indigitantur, formauit, vel ad significandum peculiarem aliquem et proprium characterem accommodauit. Mydam LINNEI *viridem*, Carrettam eiusdem *Cephalonem*, orbicularem LINN. *Europaeam*, scorpioidem LINN. *fimbriatam* nominauit. Nouas autem species, quas a LINNEO male omissas, aut cum aliis confusas, aut denique post vltimam systematis Linneani editionem vulgatas addidit, *ferocem*, *fluuiatilem*, Carolinae prouinciae incolam, a GARDENTIO detectam, molli crusta, coriaceae marinae instar tectam, *squamatam*, itidem fluuiatilem, Indiae orientalis incolam, atque iam olim a BONTIO descriptam, et a LINNEO cum imbricata, marina, confusam, *Caspicam*, a GMELINO non satis accurate notatam, *Indicam*, a PERALTO dudum dissectam, atque omnium optime enarratam, ipse ex certis rerum aut patriae argumentis appellauit. Si quae praeterea testudinis alicuius nondum satis notae vel non satis certa vel diserta notitia alicubi latitabat, eam verbis auctorum plerumque seruatis familiae, ad quam pertinere vide-

batur, in fine subiunxit, quo facilius a futuris species nouarum auctoribus reperiri et ad suam cuiusque naturam referri posset. In marinarum testudinum familia vnguium numerum, quo vna cum forma testae LINNEVS species distinguere conatus est, nondum satis exploratum esse monet; ideoque magis ad capitis rostrique formam, maxillarumque habitum respicere suadet. Deinde non vana esse videtur auctoris suspicio, maritos etiam in hoc genere amphibiorum pluribus corporis notis a feminis differre; quam quidem discrepantiam certissimis obseruationibus atque argumentis in testudine LINNEI orbiculari demonstrauit. In testudine coriacea maxime fluctuat Auctor, dubius, omnesne auctorum descriptiones ad vnam eandemque, vel ad diuersas species referendae sint, atque illae notarum discrepantiae satis insignes scriptorumne negligentiae, an corporum diuersitati tribuendae sint. BORLASSE, cuius librum Auctor ad manus non habuit, cum ista scriberet, coriaceam suam porcis aculeatis septem exaratam, pedibus pinniformibus sex, carneis, mollibus, compressis instructam, absque squamis atque vnguibus, pinxit. Colorem superne coeruleum liuentem, in ventre et collo rubrum cum maculis obscuris tribuit. Testam cum coriacea RONDELETH conuenire affirmat; numerum pedum senum ad fidem piscatorum refert. Speciem quidem pedum sex animal pronum praebuisse, sed propter immensam molem commode inuerti non potuisse, vt rem diligentius exploraret. Figura quarta Tabulae XXVII testudinem hanc rudi et nimis minuta pictura cum sex pedibus expressam sistit cum nomine *the spinous tortoise*. Porro duae istae species, quas Auctor ex libro BROWNII sibi nondum viso laudat, adeo leuiter obscureque a BROWNIO descriptae sunt, vt  
certi



certi aliquid de iis constituere non audeamus. Multo vero minus ipsae picturae coniecturam lectoris adiuuant; pigmentorum enim lumine, non lineamentorum subtilitate, laudem quaesivit pictor. Hoc tamen apparet *cineream* testudinem a BROWNIO appellatam, quam figura prima et secunda pronam et supinam sistit, ad fluuiatilium, alteram vero *mediterraneam* dictam ad marinarum pertinere familiam. Haec posterior mare mediterraneum vna cum coriacea habitat; alterius patriam ignoramus. Testudo squamata, quam LINNEVS iniuria ad imbricatam, marinam, retulerat, squamis minutis, piscis instar, tecta, magna similitudinis specie conuenire videtur auctori cum *Made* LINNEI ex genere quadrupedum, et cum lacerta orbiculari Mexicana, adeoque vinculo aliquo nouo colligare genus testudinum cum quadrupedibus et lacertis. Minorem affinitatis gradum obseruasse etiam sibi visus est cum genere Tetraodontis et Diodontis Linneano, cuius quaedam species maxillas osseas integras, acutas, pyxidatim sibi iunctas, et fauces aculeatas habent, et denique dormitantes pondere suo maris vndis innatant. Membranaceam testudinem a BLUMENBACHIO pro noua specie venditatum ad dubiarum numerum cum multis aliis, quarum tegumenta sola aut exempla nimis tenella aut spiritu vini corrugata et deformia descripsit WALBAVM, relegauit. Postquam enim accuratius eam per amicum inspexerat, pedes non pinniformes, sed palmatos ei esse comperit; ex quo vna cum funiculo vmbilicali propendente adhuc et foetum recens natum arguente, animaduertit membranaceam ad fluuiatilium familiam esse referendam, si, de quo tamen dubitat, noua species haberi debeat. Quo liberius vero esset lectori iudicium, ipsum animal admodum minutum per vi-

Ff 4

tri

tri transparentiam delineatum proposuit in Tabula prima. Praeter alia scitu dignissima experimenta restat etiam, vt in posterum accuratius in modum concubitus, tempora excludendorum ouorum, primamque foetus enucleati nutritionem per vmbilicalem funiculum inquiratur, quo certius de illis affinitatis gradibus, quibus testudinum genus cum auibus, piscibus, quadrupedibus et reliquis amphibiorum generibus coniunctum est, iudicare liceat. Desinemus in obseruatione singulari, quam de testudine aliqua marina sexus feminei proposuit vnus GOTTWALD, de cuius opera Auctor non nimis honorifice sentire videtur. Is reperit cauernam satis amplam infra vaginam vteri communem sitam, exitu supra anum patente, quam condendis seruandisque ouis destinat, donec in opportuno litoris loco deponantur. Mirum est, hanc a nemine, praeter GOTTWALDVM, cauernam esse annotatam; verumtamen, si bene eam vidit vir doctus, de cuius fide multo minus, quam de diligentia, dubitari posse videtur, putamus eam cauernam referre folliculum Fabricianum dictum in auibus, quibus hucusque proprius credebatur. Hunc vero folliculum pluries in auibus ipsi obseruauimus, plerumque glandulosum, et materia vnguinea, quemadmodum in oviductu accidere videmus, refertum, exitu supra anum patente. In vtroque igitur animalium genere eundem iste folliculus vsum praebere, atque in testudine nouam similitudinis speciem cum auibus prodere videtur.

XVII.

Tabula affinitatum animalium olim academico specimine edita, nunc vberiore commentario illustrata, cum annotationibus ad historiam naturalem animalium augendam facientibus,



tibus, auctore IO. HERMANNO, M. D. et Prof.  
Argentorati 1783. Impensis Ioh. Georg.  
Treutel. pagg. 370. in 4.

**H**anc vetustissimorum etiam philosophorum de  
vniuersae naturae consensu rerumque natu-  
ralium variis inter se nexibus catenae instar cohae-  
rente et continuata serie doctrinam repetitam va-  
rioque obseruationum genere atque argumentor-  
um confirmatam tabula etiam typothetarum for-  
mulis et lineis expressa illustrauit egregie doctissi-  
mus Auctor, ita vt omnes animalium classes et or-  
dines diligenter peruestigaret, eosque affinitatis  
gradus, quibus omnia inter se genera nexa cohae-  
rent, solerter distingueret atque oculis lectorum  
exponeret. Hac vero opera, ardua sane et difficili,  
illud inprimis consecutus est, vt de finibus gene-  
rum Linneanorum accuratius iudicare, plurimumque  
specierum dubiarum cum variis generibus conne-  
xionem animaduvertere, iisque certiore aliquam  
sedem in Systemate Linneano assignare posset. Etsi  
vero in vniuersum strenuum se Systematis Linnea-  
ni defensorem praestat, quod adiuuandae memo-  
riae comprehendendaeque animo immensae rerum  
naturalium multitudini admodum aptum expe-  
riuntur, qui technologiam auctoris eiusque ratio-  
nes perdiscere non dedignati sunt; multos tamen  
subinde et varios LINNEI errores, per multa di-  
scipulorum eius scripta propagatos et continuatos  
tangit et emendat; eoque efficit, vt genera Sys-  
tematis Linneani multa propius ad ordinem rerum  
a sapientissima natura institutum accedant. Artifi-  
cium, quo vsus tam varios et multiplices affinitatis  
gradus in tabula formulis et lineis chalcographicis  
expressit, enarrare nec lubet, nec operae pretium  
est; contra vero in lectorum gratiam praecipuas

easque nouas obseruationes, quibus commentarius distinctus est, hinc inde excerptas delibabimus, addito interdum iudicio nostro, quo melius ex his speciminibus de reliqua libri praestantia Auctorisque ingenio iudicare possint. Quoniam vero multorum eorumque praestantissimorum scriptorum industria et diligentia in enarrando quadrupedum ordine et nexu explicandaque magna eius et varia cum humano genere cognatione atque affinitate iam diu occupata fuit, malumus ex reliqua auium, amphibiorum et piscium tractatione seligere illa specimina, quibus ingenium solertiamque auctoris lectoribus approbatum iri confidimus. Verum tamen, ut ingenue fateamur, quod res est, fere veremur, ut lectoribus omni ex parte satisfaciamus. Difficile enim est ex tam varia tamque arctis argumentorum rerumque vinculis colligata disputatione decerpere aliquam particulam, quae a reliquo corpore violenter separata eandem ingenii solertiaeque opinionem lectori insinuare possit. Nolle-  
mus tamen culpa nostra de laudibus viri doctissimi aliquid imminuere. Igitur rediligentius pensitata, consilium hoc placuit, ut primum ex tractatione auium speciminis loco initium translatum ponere-  
mus, deinde vero ex omni parte praecipuas obseruationes, quibus generum multorum affinitates confirmantur, excerptas admirationi lectorum exponeremus. Quodsi vero hinc inde dissensum nostrum testatum paucis fecerimus, speramus fore, ut Auctor hanc opinionis diuersitatem non ad inuidiosam carpendi libidinem, sed ad honestum veritatis studium referat, quod ipse multoties, ubi praestantibus meritorum fama viris obloquitur, est professus. Quid? quod in tabula sua, duobus annis ante inceptum commentarium excusa, ipse postea non pauca animaduertit, quae vel mutata, vel addi-  
ta



ta mallet; adeo vt dubitationi nullus superesse possit locus, Auctorem veritati, quam gloriae studio, plus tribuere.

„Quemadmodum, inquit Auctor, mammalia per vespertilionem maxime aibus accedere vidimus, sic etiam confimili fere modo ab his per verissimam auem struthionem ad mammalia adscenditur. Eum partim auem, partim quadrupes, iam ARISTOTELES dixit. Et sane pedum structura camelinae subsimili, callo pectoris, sterno plano non carinato, genitali membro, clitoride, ventriculo isthmis intercepto, excrementorum forma, palpebra superiori mobili ciliata, cursu in terra, plumis decompositis, pilorum aemulis, id quod in casuario maxime obtinet, mammalibus accedit. Vtque sunt inter mammalia, quae ad idem genus referri oporteat, licet digitorum numero non conueniant, sic et in tribus struthionis speciebus, quarum similitudinem ne BUFFONIVS quidem negat. A struthionis genere proxime abest volare aequae nescius Didus ineptus, per quem et gallinaceae aues, et reliquae, si velis, quibus negata volandi potestas est, neſtuntur. At Didus ipse in sua classe id referre videtur, quod inter mammalia bradypus est. Ab altera autem parte casuario cognata Otis est, tridactyla pariter, et grauis ales, quae non modo fornicato rostro, et tibiis minus denudatis, rectrices pennas gerendi more, victuque vegetabili, ornatu masculini sexus, volatuque magno conatu moliendo gallinaceis appropinquat, sed et intermediis gruibus granioris ardeas annectit. At tamen et hic ambigat grus leucogeranos PALLAS, quam illustris hic Auctor gruibus sociat, quum tamen ipse pisciuoram esse doceat, non graniuoram, quod inter gruibus characteres posuerat. Sed multiplices sunt ardearum LINNEI formae, vt apte in familias  
aut

aut distincta potius genera diuidi queant. Ex cristatis quidem ardea pauonina plicatili verticis crista pauonem, sed nudis iuguli lobulis phasianum gal- lum refert, ad quas aues lineae lectorem deducunt. Ciconiarum gularis quodammodo faccus redit in pelecanis, quos linea coniungendi tabula haud co- piam fecit. Inter grues Psophiam esse iubet Cel. PALLAS, a quibus tantum vertice non denudato differt. Eam auem inter Palamedeam cornutam et Parras intermediam iudicat Cel. ADANSON; producatur adeo a Parra linea vsque sub Psophiam, adscribaturque Parra Chauaria, cui similis fere sta- tura moresque; ab eaque punctata linea ad Pso- phiam adscendat. Quumque de gallinaceo quo- que genere rostrum et morum non nihil mihi ha- bere visa sit, ita quoque censente Ill. BUFFONIO, et auctore PENNANTO gallinacearum more pluri- ma oua pariat, poterit facile cum iuxta posita Te- traone perdice (cui iam, licet inepte, a BRISSONIO iuncta fuerat) atque adeo gallinaceis coniungi: nec dubium est, repertum iri aliquando etiam inter has ambigentes: inque gallinarum classe, quum homini amicissima sit, eundem fere locum tenere po- terit, quem inter mammalia canis. Ardeae autem su- perius genus et latius patens ita a nobis positum, vt in eo confluant, et a superiore parte grus, et ab infe- riore loco cancruma, et a dextro latere ardeae pro- prie dictae, quarum ordinem ardea cinerea indicari placuit, et a quibus solo dilatato inorbiculum rostro plataleae differunt, et a sinistra Botauri (*Ardeae stella- res* LINN.) amplioribus gulis cum ciconiis coniuncti. Horum ope poteris quoque accipitrum ordinem annectere. Nam a Botauris lineam versus supe- riora ducendo incidere facile poteris in striges pa- riter nocturnas aues, maxime si interponas, qui de- mum abhinc impressione tabulae nostrae nobis in- notuit,



notuit, Sagittarium BODDAERTI, pedibus grallam, corpore rostroque accipitrem. Sed redeamus ad struthionem camelum; a quo pendet hinc Palamedea cornuta, illinc Phoenicopterus, procera statura, rostro brevior, tibiis validis struthioni utcumque analogus, sed palmatis pedibus, rostroque anantino more denticulato et epidermide tecto ad anseres oppido transiens. Ut adeo ab aue cum Mammalibus coniuncta per paucos intermedios gradus affinitas cum omnium classium aibus pateat, per Sagittarium nempe cum accipitribus, per Phoenicopterus cum anseribus, per Otidem cum gallinis, per Plataleam pygmaeam, aut per minutissimas illas Tringarum species, quas Turdos aquaticos Alaudasque marinas salutare solent, aut si rostri eam similitudinem admittere velis, per Pratincolam (a LINNEO ad Hirundines relatam) cum Passeribus. Solusne ergo Picarum ordo nullatenus erit coniunctus? Meminisse hic oportet, esse duos hos ordines maxime omnium dispares; Picis esse brevissimos pedes vitaeque genus diversissimum a longipedibus grallis; unde difficilior et minus evidensnectendi ratio. Non tamen deerunt quaedam momenta, quae comparisonem admittant. Conferri poterit Cancroma amplum rostrum nacta cum Rhamphasto maxime pisciuoro; nec Alcedines a grallarum viuendi genere valde alienae sunt; poteritque fortasse vastum Alcedinis capensis rostrum cum Ibis aut Ciconiae rostro, aut cum eo, quo Cancroma gaudet, comparari. Sed KLEINIVS quoque, in quo Grallis cum Picis conveniat, docebit, qui Falcatoris minime quidem naturali genere et Numenius e Grallis, et e Picis Cerythias, Meropes, Vpupasque coniunxerit. Quumque in re haud expeditissima etiam curiosius, quae ad rem faciant, anquiri posse videantur, et veniam reperire,

reperire, quae alii obtorto collo adducta esse putent, trahamus huc comparisonem, quam magnus LINNEVS inter Grallas atque Bruta fecit, quorum Myrmecophagis et Manibus quum magis quoque Picus et Lynx ob linguae analogiam conueniant, dici forte poterit, Grallas Picasque, quae in alio tertio, Brutis nempe, conueniunt, etiam inter se conuenire. Verum haec mittimus et ad reliquas aues descendimus. „

p. 157. Anatini generis cum reliquis auibus affinitatem ita enarrat: „In anatis et finitimo Mergi generibus, ad quae iam ab aliis per Anatem mergam et Cygnum et cucullatas aquaticas aues transitum dari ostensum est, expediendis non ero fusior. Neque enim spatii satis fuit, vel praecipuis illarum speciebus rite disponendis, nec satis cognitas habeo numerosissimas istas, quarum quotidie etiam numerus augetur. Anseris inter Anatisque genus, quae BRISSONIVS distinxit, nullos esse certos limites constat, siue rostri conicam depressamue formam spectes, siue pedum altitudinem incessumque, siue magnitudinem, aut quae demum cunque velis. Sic et recuruae caudae pennae, speculi alarum color, crista capitis, pennae dorsales angustae et praelongatae Querquedularum, alio alioque modo connectunt. Alias cera rostri, aut gibber in eius basi conspicuus, aut facies nuda, alias humeri spinosi, alias fodiendi instinctus, alias egregie urinandi peritia, alias terrestribus habitatio, alias arboribus insidendi, aut in iis nidificandi mos, alias monogamia, alias rostrum dilatatum Plataleae rostrum reuocans, alias sonus, quem edunt, gratus, alias tetrinniens, aut acutus sibilansque, alias rectricum pennarum quaedam praelongatae, alias calliditas summa, alias stupiditas, alias sapor carnis maxime pisculentus, alias gratissimus, alias tracheae labyrinthus, alias eiusdem defectus,



fectus, a congeneribus discriminat et alii aliiue aui assimilat. Facies nuda papillosa anatis moschatae, quae prae aliis etiam mansuescit et corticalis fit, videtur anatis genus ad gallinas deducere posse. Anas Tadorna rostro resimo inter suas idem censeripotest, quod inter Grallas Limosae et Recurvirostra. Equidem in ista spatii angustia nonnisi anatem anserem vulgatissimam speciem, et inter anseres cygnosque auctorum intermediam anatem cygnoidem nominavi; tum Clangulam, ut linea ad Psophiam deducta indicarem, esse variorum ordinum aves, quibus a singulari laryngis structura pendens insolita vox est: tandemque anatem bucephalam, ut intermedio Mergo cucullato, cui simile tumens caput est, consociarem Mergos satis iam per se propinquos. Mergi ceterum ob urinandi peritiam Colymbis annecti possunt. „ In annotationibus, quibus singulae notae vberius explicantur, primum memorat Cel. Auctor longas illas et angustas humerorum pennas propriae structurae, quas in Anate querquedula, Crecca, discorde sponsa, forte etiam in aliis reperiri ait, quasque ab auctoribus vulgo neglectas mereri utique in specificas definitiones recipi, et illis gaudentes ad peculiarem anatini generis familiam referri. Nobis quidem nondum liquet, quas Auctor doctissimus pennas hic intelligi velit, illasne, quae initio ossis humeri superne iunctae, spatiumque inter dorsum et alam medium occupantes, atque intermediis remigibus longiores, an alam notham Moehringii, quae sex plerumque pennis angustioribus composita inferne ossi humeri in linea obliqua iuncta conspicitur. Vtramque vero alam hanc nos quidem non solum in anate boschade, Crecca, Querquedula, clypeata, acuta aliisque, sed in laris etiam quibusdam reperimus; adeo ut nesciamus, an hae pen-  
nae

nae commodè ad familiam aliquam anatini generis constituendam referri possint. Instinctum foediendi, nos quidem effodiendi cubilis instinctum diceremus; in quo conuenit anati tadornae cum Alcis, Penguinis, Ispida et hirundine riparia. Humeros spinosos putamus doctissimo auctori dici illam processus supra pollicem alae positi eminentiam; quae quidem in multis auium generibus reperitur, mox longior et acutior, modo breuior et obtusior. In Palamedea cornuta et Struthione camelo praeter hanc spinam vltimum alae os itidem in spinam prolongatur alteram. Denique quod doctissimus Auctor linea ab anate clangula ad psophiam deducta indicare voluit, esse variorum ordinum aues, quibus a singulari laryngis structura pendens insolita vox est; in eo quidem non satis recte fecisse nobis quidem videtur. Nihil enim nec laryngis structura, nec ipsa Clangulae vox cum psophia commune habet. Quid? quod in auium laryngis structura nullam fere aut paruam variationem reperiri scimus. In maribus quidem auium cantatricum fortiores laryngis musculos reperisse professus est HVNTER; in Pelicano carbone et in aliqua Aquilae specie laryngis cartilagine quadratas reperit PERALTVS; nos ipsi in quarundam auium larynge cristam seu carinam acutam in medio cartilaginis arytaenoidis interne additam vidimus. Verum longe maior et nondum satis enarrata reperitur in structura et conformatione tracheae eiusque bifurcationis, bronchiorumque ipsorum varietas, a qua quidem auium vocem, in omnibus fere diuersam atque insolitam, pendere recte olim censuit DODARTVS et post eum HERISSANTVS. Quid? quod hi ipsi duumviri laryngem in superiore tracheae parte additam nihil fere ad vocem auium formandam conferre asserunt, sed inferioris



ferioris bifurcationis, bronchiorumque structuram cum additis labyrinthorum formis et membranarum per eos tensorum configuratione usum laryngis plurimis, imprimis vero aquaticis auibus praestare. In hac vero tracheae varia structura natura quandam generum similitudinem secuta esse videtur, quae affinitatem auium plurimarum certissime arguit. Sic quidem ardearum multae species duplicatae et retortae tracheae in sterni os cauum insertione cum anseris cygno; sic corui laryngis internae ab HERISSANTO dictae conformatione et musculorum ei additorum numero atque insertione cum Psittacis; sic Phasiani species quaedam cum Cracibus et Tetraone Vrogallo tracheae reduplicatione secundum colli longitudinem aut intra pectoris cavitatem sita conueniunt; denique illas tracheae dilatationes et folliculares et labyrinthiformes appendices natura anatum et mergorum generi proprias tribuisse videtur, eoque etiam argumento summam utriusque generis affinitatem indicasse. Anserum genus nihil simile aut singulare in tracheae structura ostendit, adeoque magnam diuersitatem offert illis, qui anates ab anseribus disiungere velint. Multi ubique affinitatis gradus veluti rami ad reliqua genera excurrunt, quos persequi longum et arduum est. Desinunt hi non raro in tam tenues et subtiles similitudinum quasi fibras non solum in corporis externa specie, sed in moribus etiam, ingenio victuque latentes, ut cum magno acumine opus sit, si rite eas omnes indagare velis, tum vero maiore etiam prudentia, ne longius notam aliquam singularem secteris, nec in argutias incidas. Itaque in vniuersum monendum censemus, cum ista de cognatione atque affinitate animalium doctrina similitudine aliqua non solum structurae totius corporis, sed singularum etiam

partium tam externarum, quam internarum, quin etiam habitationis, procreationis, victus, morum et denique ingenii nitatur, eo maiorem iure videri cognationem atque affinitatem eorum animalium, quibus inuicem plura conueniunt. Cauendum vero, ne singulas partes nimis vrgeamus, ne argutari videamur, cum naturam interpretari volumus. Persequi tamen illam singularum partium similitudinem diligenter non vetamus; possumus enim ex studio isto hoc consequi, vt facilius vsum istarum partium, quae in variis animalium generibus alia forma, alio loco diuersoque situ conspiciuntur, explicemus.

**p. 162.** Gallinaceam gentem recte a LINNEO cum pecoribus comparatam esse docet Auctor, notasque explicat, quibus vtrumque genus inuicem conuenit. Scilicet prolobus, in quo vegetabiles cibos macerant quasi ruminatione aliqua; cornua, quae nonnullis in capite, plurimis in pede sunt, vbi ungulas spurias pecorum quasi imitantur calcarea gallinarum in nullo alio ordine recurrentia; pendulae in aliis carunculae palearibus bouum mancillisque caprarum analogae; aptitudo ad mansuescendum, et domesticam vitam; carnis adipisque puritas, omnia haec coniunctim sumpta similitudinem aliquam cum pecoribus ostendunt. Vltimum auium genus Hirundinum et Caprimulgorum coniunctissimum vtrumque et varia affinitate nexum non quidem a motacillis immediate deduci potest, quamuis aequae insectiuorum sit, ac harum genus, sed ab aliis tamen paulo magis distantibus vtcunque pendet, et paucis intermediis gradibus maximas rapacesque et minimas innocuas aues cohaerere, quin duobus simillimis et coniunctissimis, si vllum, generibus ipsa hinc Mammalia, inde locata inferiore gradu amphibia connecti, mira res oppido vide-



videtur. Haec Cel. Auctor p. 230. Videamus nunc, quibus hanc suam sententiam confirmare conatur, argumenta. Cognationem hirundinis cum caprimulgo plures iam olim scriptores animadverterunt; addit Auctor hirundinem Martinicam cauda non forficata caprimulgis propiorem esse; alias caudae aequalitate; contra ab hirundinibus propius absunt caprimulgi duodecim rectricibus instructi, ut ab altera parte hirundo Melba rectricibus decem caprimulgum magis refert. Caprimulgus acutipennis hirundinem pelagicam simili rectricum acuto sine annectit. Cum Picis affinitatem aliquam, quamvis tenuem, prodit duodenus rectricum numerus et pedum breuitas. Maior est cum strigibus caprimulgorum cognatio, quam arguunt aures utrique generi amplae cum oculis, setae ad rostrum, licet numero rariores et positu diuersae, pedes villosi, digitus quoque in oppositam partem mobilis, quanquam ceterum diuersissima pedum proportio est, nec apta rapinae; unguis medii margo etiam (interior) ferratim incisus, quod praeter ardeas nisi in strigibus non obseruasse profitetur Auctor; (Sed in Pelicano carbone easdem medii unguis incisuras vidit PERRALTVS.) volatus denique subnocturnus. Nexum cum Mammalibus paulo obscuriorem ita explicat. Ut hic transitus in distinctissimas classes fit, ita similitudines leuiore esse debent atque obscuriores, quod ipsa natura in nocturnis animalibus eas machinata, indicasse videtur. Si fas est vespertilionem ad aues deducere, si, quod grauissimus Auctor BUFFONIVS fecit, hystricum aculei cum auium plumis comparari possunt, et struthio mammalibus accedere dici potest, dari velim et illud, caprimulgum solam eam esse auem, quae, quod reliquis omnibus negatum est, fugere possit quadrupedum more, eoque cum mammali-

bus conueniat. Fabulosum hoc reputari hodie scio; at non perspicio, qua ratione plures gentes in nomine imponendo conuenire adeo potuerint, vt a fabulosa prorsus nec vnquam visa re nomen illud repeterent. Rei veritatem denuo, si recte memini, adstruxit SCOPOLI: nec velim obiici, deesse buccas et labia sugendo apta. Potest auis, ni fallor, immani gutture vberis papillam recipere, et musculorum ope, qui mylohyoideis, genioglossis et cet. musculis respondent, reclinatis mollibus et plicatilibus fere paruisque maxillis sugere; quam gulae vim esse auibus, quae maiores integros pisces deglutunt, necesse est. Aegrè ferimus doctissimum Auctorem ingenio suo et similitudinum vnde quaque colligendarum studio adeo indulgisse, vt, quod non solum veritati, sed multo magis etiam analogiae et verisimilitudini repugnat, adstruere conaretur. Nominis argumentum non est quod vrgeat; illud enim a graecis primum ad latinos scriptores, deinde ad aliarum gentium scriptores translatum est, vel amore credulo superstitionis, vel quod nullum aui proprium aderat. Multae tamen regiones et gentes ab isto errore Graecorum plane immunes alio auem nomine appellant; quaedam etiam similem opinionis errorem in hirundinem rusticam transtulerunt, quae vbera vaccarum pungere dicitur. Auctoritatem deinde SCOPOLI adhibere non debebat Cel. Auctor; is enim nihil comperti refert, sed vulgarem simpliciter traditionem sequitur; in quo tamen illud nobis mirum accidit, quod interdum caprimulgus aut latere aut vbera armentorum sugere ab eo traditur. Sed eum SCOPOLI multorumque praeter eum scriptorum errorem post KLEINIUM satis refutauit SVNTHERVVS in versione germanica anni Ornithologici Scopoliani, quam Cel. Auctor nondum vidisse videtur. Sed praeterea,



terea, pergit Auctor, nares cartilagineae prominentes ac mobiles non alii facile aui datae sunt. An Procellariae tubulosas suas nares mouere possint, ignoro. Noua, vtcunque sit, haec est cum Mammalibus analogia. Affines striges autem solae, quantum sciam, inter aues mobiles auricularum carneos lobulos nactae sunt, mammalibus hac in re couenientes. Quae omnia tanto excusatiùs protulisse me spero, vt inuicem assimilari classes demonstrarem, quum simili ratione membranaceas plurium vespertilionum cristas auium cirrhis comparare magnus BVFFONIVS non dubitauerit. De mobilitate narium prominentium in caprimulgo veremur, vt Auctori ex sua obseruatione constet; nobis quidem in pluribus auis exemplis sclopeto occisis, quorum vltimum tamen per horam vitam protrahebat, motum aliquem animaduertere non licuit. Quod si tamen motus in hoc auium genere locum habet, multo magis idem de procellaria concedendum putamus. Ab hibernantibus animalibus per hirundines seriem ad amphibia deducit, et vrbicam vltimo loco ponit, quia hanc praecipue demergi probabile ei videtur. Priusquam ad amphibiorum ordinem transeamus, profiteamur ingenue, mirum nobis accidisse, quod nullibi reperimus Cel. Auctorem animum aduertisse ad illa cognationis atque affinitatis animalium argumenta, quae internarum partium diligentior inspectio magna copia suppeditat, quaeque ex auium et piscium genere collecta proposuit nuper doctissimus VICQD'AZYR. Sed videmus sero tandem nobilissimi Galli operam praeclaram Auctori innotuisse, quod quidem ipse aegre ferre videtur. Plura tamen et frequentiora similitudinis argumenta ex internarum partium structura sumta attulit in ordine amphibiorum enarrando, quorum species externa multo magis a simi-

litudine reliquorum animalium aliena oculorum  
 aciem facile ipsa ad interiora dirigere cogit. Squa-  
 lorum cum raiis cognationem egregie enarrauit;  
 ubi tamen quaedam aegre desideramus, quae a Gal-  
 lo paulo antea laudato, VICQD'AZYR, praeclare  
 praecepta meminimus. Pertinet inprimis huc de-  
 scriptio sceleti Raiarum, quacum rudis illa delineat-  
 io a CHESELDEN profecta contendere non potest,  
 quam tamen sequitur Cel. Auctor. Partum utrius-  
 que generis inprimis magna cum diligentia perse-  
 quitur, et multis argumentis efficere conatur, ut  
 credibile sit, in utroque genere species alias ova,  
 alias viuum edere foetum. De Raiis veterum te-  
 statur experientia et testimonium; sed squalorum  
 etiam species quasdam ouum edere arguunt folli-  
 culi vel vacui vel foetu turgescerentes in mari reper-  
 ti, et a variis auctoribus fide dignis descripti. Prae-  
 terea suspicatur Cel. HERRMANN, tortiles illos vi-  
 ticularum instar cirrhos, praelongos, quibus ova  
 squalorum instructa conspiciuntur, eum habere  
 usum, ut impliciti marinis plantis ouum editum  
 detineant. Caua enim fila illa esse, ut aliquam ali-  
 menti partem ad foetum deferre possint, nondum  
 demonstratum esse. Verum quaeri potest, cur be-  
 nigna rerum natura eosdem cirrhos illis etiam ouis  
 addiderit, quae in utero matris excluduntur? Ra-  
 iam oxyrynchum LINNEI esse eam speciem, quae  
 Bos veteribus audit, etsi etiam a PENNANTO affir-  
 mari idem meminimus, dubitatione tamen omni  
 non caret. Sed hic non est locus in eam rem di-  
 ligentius inquirendi. Os piscium cirrhosum cum  
 palpis insectorum comparauerat SCOPOLI; contra  
 vero Auctor cirrhos istos cum vibrissis Mamma-  
 lium aut vermium tentaculis contendere mauult.  
 Vibrissarum autem usus nobis quidem nimis esse  
 angustus videtur, quam ut piscium cirrhis compa-  
 rari



rari possint; multo vero magis structura differunt, quae diuersum arguit vsum. Neruorum enim extremitates cirrhis Siluri maioribus additas distinge satis videre licet; nihil simile in vibrissis animalium. Squalum fasciatum illum, quem exp. 302. SEBA T. III. tab. 34. fig. 1. laudat, quasi quaternis tantum laterum spiraculis instructum, et per quem adeo ad Chimaeram, cui simplicia quidem, sed quadripartita spiracula sunt, facili lapsu naturam descendisse putat, ipsi diligenter examinauimus, atque errorem interpretis SEBAE manifesto deprehendimus. Sunt enim illi, ut reliquo Squalorum generi, quaterna laterum spiracula: In piscium numero p. 325. sunt, inquit Cel. Auctor, quorum pectorales validiores radii et insertionem et vsum brachia referre videntur. Nominat Silurum, qui quasi bipes esse videatur, atque adeo membrorum respectu proximus a Lophio ponendus. Deinde in nota explicat mirabilem radii primi validioris pinnarum pectoralium Siluri fabricam atque insertionem vel articulationem, quae efficit, ut radii antrorsum erecti et rigidi nulla fere vi et nisi cum arte aliqua reprimi et retroflecti non possint. Sed maiorem admirationem meretur, et ampliore descriptione digna est ipsa scapulae figura, post clauiculas cum magno spinæ dorsalis processu laterali bifurcato vtrinque iunctae, quae simul sterni locum tenet. In angulo vtriusque fossa varie exarato radiis primus duobus condylis ita insertus haeret, ut, si antrorsum musculorum scapularium ope protractus fuerit, nisi cum artificio aliquo reponi non possit. Verum vltiorem mirae huius fabricae, qualem in sceletto capitis Siluri glanis diligenter a nobis apparato contemplamur, rationem opportuniori loco reconditam seruamus. Vsum eius interim hunc cum doctissimo HERMANNO suspicamus esse, ut in angustis canalibus

Gg 4

piscis

piscis contra ripas nitendo tanquam brachiis gliscere possit, et ascendere aduerso torrente inter scopulorum rimas.

P. 346. Labrum Scarum LINNEI ruminare eaque re cum Pecoribus conuenire, auctoritate veterum scriptorum confusus repetit Cel. Auctor; nobis tamen ex dissectione RONDELETTII nihil occurrit, quod ruminationem arguere videatur. Quod si eiusmodi similitudines longius persequi velis, illam potius quibusdam piscium generibus peculiarem vim ventriculi inuertendi et cibos nimis auide haustos egerendi cum ruminatione pecorum comparare liceret.

### XVIII.

*Materialien für Gottesgelahrheit und Religion. Erster Band, Erste Sammlung, Gera 1784. 174 Seiten in 8.*

i. e.

Materialia ad theologiam et religionem.

**I**n hoc periodico opere, quod sub auspiciis IOANNIS AVGVSTI WEISE, V. pl. Rev. in lucem emittitur, plura ad biblicam medicinam pertinentia a Cl<sup>o</sup> ACKERMANNO, profecta occurrunt. Mis sis itaque iis, quae ad theologiam spectant, medica in hoc volumine contenta recensere lubet.

P. 50. *Annotationes circa antiquitates vsunque circumcisionis*, Auctore IO. CAR. GOTTL. ACKERMANN. Med. Dr. Pluribus primum rationibus probatur, circumcisionem ante Abrahami tempora ignotam, et Abrahamo diuinitus mandatam fuisse. De vsu circumcisionis, inprimis medico. Circumcisionem sobolis copiosiori progenerationi nullo modo, nec in his, quibus languida venus est, fauere, Israelitasque,



litasque, quum in itinere suo maxime diuturno circumcisionem negligerent, copiosissimam sobolem generasse. Magis potius probabile esse, summum numen instituta circumcisione oestrum venereum certis limitibus coercere, eaque id in primis cauere voluisse, ne praecocibus nimis connubiis in tam calida regione ipsi parentes eneruarentur, effoetaque soboles progeneraretur. Circumcisionem etiam morbos quosdam auertere, spuriam gonorrhoeam, varias in dorso glandis inflammationes et suppurationes, naturalem et morbosam phimosis paraphimosisque, contagia etiam morborum per coitum difficilius in circumcisis propagari, et in circumcisione praesidii forte aliquid contra lepram positum fuisse. Simul et de masturbationis antiquitatibus differitur, probaturque *Onanem* eius auctorem non fuisse.

*De opera, quam Iudaei in circumcisione in corpore suo extinguenda posuerunt, ad loca Ierem. IX. 25. I Maccab. I, 16. et I Corinth. VII, 18. illustranda idem auctor vltius differit. Locum Paralip. II, 36, 8. etiam de hac circumcisionis extinctione arte tentata valere. De rationibus, quibus Iudaei ad circumcisionem suam velandam commoti sunt, in Gymnasiis, Graeco more apud eos institutis, frequenti eorum cum exteris nationibus commercio in contemptu Iudaicae nationis, Romanorum in primis sub imperio, et in eo sitis, quod nouae christianae religioni addicti Iudaei omnia priscae religionis et in corpore suo vestigia omni opera deleverent.*

Nunc de modo differitur, quibus veteres aut p. 91. naturali modo nimis curtum praeputium, aut arte rescissum refarciebant. Externis medicamentis eum in finem adhiberi solitis, expositis, operationes variae veterum chirurgicae, quibus hic finis obtine-

batur, recensentur, multisque observationibus illustrantur. Plura imprimis ad *Epiphanii* locum, in quo talis operatio fuse describitur, illustrandum veterum testimonia adferuntur, illustrantur et inter se conferuntur. — Alia theologici argumenti in hoc opere contenta huc non faciunt.

· XIX.

*Neues Magazin für Aerzte, herausgegeben von*  
ERNST GOTTFRIED BALDINGER. *Erster*  
*Band I — VI. Stück. Leipzig 1779. Seitt. 574.*  
*8. II Band. 1780. Seitt. 574. III Band. 1781.*  
*Seitt. 576. IV Band. 1782. Seitt. 574.*  
*V Band. 1783. Seitt. 574.*

i. e.

Nouum promptuarium in vsum medicorum editum ab E. G. BALDINGER. Vol. I — V.

Vtilissimo hoc opere, et ab omnibus maxime laudato, cuius omni anno volumen in sex partes diuisum in lucem emittitur, Ill. Editor partim doctorum medicorum practicorum, partim vero et iuniorum vsui inferuire cupit, eumque finem Ill. Vir hoc modo attigit, vt nil paene sit, quod in eo possit desiderari.

P. I. ZIMMERMANNVS V. Ill. machinam describit, ab Illustri Archiatro KAEMPFIO inuentam, qua clysteres ex vaporibus applicari possunt. Vtilis machina est et facile applicanda. Eam icon adiecta exhibet.

P. II. *De insigni fomentationum capitis frigidarum in apoplexia usu, auctore Cl<sup>o</sup> CRELLIO. SCHMUCKER*  
RI imprimis exemplis ductus, capitis fomentationes frigidas, in omni apoplexia, praemittendis medicinis praemissis laudat, exempla tamen boni successus omni sane modo expectandi non affert.

*Ad*



*Ad historiam specifici antipodagrivi Americani* p. 19.  
BALDINGERVS, V. Ill. quaedam conscripsit.

*Historia febris epidemicae scarlatinae, in Wette-* p. 21.  
*raua grassantis*, auctore anonymo. Morbum semel tantum homines corripere; subinde anginam, cum omnibus febris catarrhalis symptomatibus, sine ullo exanthemate apparuisse. Biliosa constitutio huic febre solita simul aderat. Exanthemata desquamatione soluebantur, iisque penitus profligatis noua angina cum febreoriebatur, ex qua demum hydropicus ille rebellis tumor natus est. Tumor ille semper pro exanthematum multitudine et squamarum copia vehemens fuit. Eius origines partim ab inhalatione a morbo aucta, partim et a vitiiis in hypochondriis, biliosae indolis fitas esse. Medicinas ad hunc morbum euacuantes maxime valere. Bona tractatio est, a sagaci obseruatore profecta.

*Quam damnosum sit belladonnae baccas et daturae* p. 31.  
*strammonii semina esse*, idem, vt videtur, auctor ex exemplis probat. Strammonii semina neruos vehementer afficere et sanguinem in praeternaturales motus concitare.

*De masturbatione*, inprimis puellarum iuniorum, ZIMMERMANNVS, V. Ill. eleganter disserit, anonymumque alium auctorem, qui varia contra hanc tractationem argumenta protulerat, refellit.

*Arthritici morbi anomali historiam* alius perscripsit. Morbus tandem pedum ossa praeter naturam affecit.

*De clysteribus recte applicandis* auctore MARTINI. Situm corporis, vt clyster iniectus crassa intestina penetrare possit, certum requiri.

STEPHANI WESZPREMI, V. Cl. obseruationes de totali vaginae vterinae procidentia cum eius in-  
versio-

versione. De asparagi aphrodisiaca virtute. De hermaphrodita, virorum ordini adscribenda.

Tandem de arsenici ad cancrum vsu agitur.

In *altera* huius voluminis *parte*, praeter versiones, et librorum recensioni, quas studio omittimus, *morbi epidemici aestiui anno 1778 grassantes* (ab ACKERMANNO, V. Cl.) describuntur. Calorem in hoc anno eum longe superasse, qui in Indiae occidentalis insulis obseruatur. Biliosarum febrium, cum pleuritide et neruinis symptomatibus intensissimis a summa bilis acrimonia, et vernicis colorem tenacissime adhaerentem exedente ortis coniunctarum historia, quae solo et proprio vsu emeticorum debellari poterant. Interdum et vniuersalis rigor aegros statim occupabat, necabatque. De medicinis ad hanc febrem emeticis, purgantibus, antiphlogisticis. Nigrum sinapi ad sinapismos albo praestare.

p. 143. De modis curandi singularibus Ill. editor plura exempla scriptaque adfert.

*Cadauerum incisiones et morborum in hominibus et animalibus obseruationes septem, auctore RÜLING, V. Cl.* Mors subita ex sanguine in pectore effuso. Casus viri in aqua suffocati. Fractura ossis frontalis et temporalis sanguinisque sub cranio effusio absoluti lethalis. Puellae atrophicae extispicia. Mesenterium obstructum, nodosum et induratum erat. Fractura quinque costarum verarum, eamque excipiens sanguinis in pectore effusio lethalis.

Ill. Editor, an HIER. CARDANVS circa musculorum irritabilitatem experimenta instituerit, et an BERGERVS iam ante HALLERI tempora docuerit, sanguinem ad cor redeuntem illud ad contractionem irritare, rependit.

*Tertia pars obseruationes de arnicae floribus* (auctore ACKERMANNO) continet. Num arnica alismatis



tis et Damafonii nomine veteribus cognita fuerit. De loco plantae natali. Plauensem omnibus praeferendam esse. De colligenda planta, et de plantae viribus. Vires arnicae ad neruorum morbos, inprimis ad amaurosin et ad plicam Polonicam. De arnicae viribus in cachecticis morbis, vulneribus, contusionibus, et sanguinis stasibus inflammatoriis. De usu florum externo, ptarmico. Hos flores in nares ingestos sternutationem vehementem et visus imbecillitatem producere.

*Epistolae in Quintum Serenum Samonicum.* (eodem V. Cl. auctore) De vita, variis codd. Mf. editionibus poetae, variis eius lectionibus, optimisque lectionibus restituendis plura occurrunt.

*De animi pathematum, inprimis terroris effectibus observationes practicae,* auctore St. I. A. ALBRECHT. Elegans est et cum multo ingenii acumine conscripta tractatio, quae tota legi relegique meretur. De timoris, terroris moerorisque in morbis effectibus. Conuulsiones intensissimas a terrore vehementi productas et tertiana febre sanatas, postea vero redeuntes aquis Pyrmontanis penitus profligatas esse, Cl. Auctor ex exemplis probat. De aliis morbis, inprimis scirrhis a terrore productis.

*Continuationem cadauerum incisionum et de morbis observationum* RÜLING, V. Cl. exhibet. Prima alteraque incisio in bobus facta est, contagioso quodam morbo necatis. p. 253.

*Enarratio morbi, quo Augustissimus Romanorum* p. 269.  
*Imperator CAROLVS VI. e vita cessit, mane, die 20 Octobr. 1740. absoluto 50 aetatis anno.* Hepatites fuit lethalis, (aut potius, ob febris absentiam, morbi nigri haec species, vbi bilis color in atrum mutatus est, sanguine ad eum nihil contribuyente).

De Guaiaco, variisque ex eo compositis medicinis.

*Quarta parte* medicis historia morbi singularis  
a WICHMANNO, V. Cl. proponitur, extricanda.

P. 299. *Vrinae cum sedimento coeruleo historia*, auctore  
WESTENDORFIO, V. Cl. Morbus mania erat in ar-  
thritidem tandem desinens.

P. 309. Additamenta ad MOEHSSEN, V. Ill. syllogen ta-  
bularum aeri et ligno incisarum, in quibus medico-  
rum imagines exhibentur, ab Illustri editore co-  
piosissima sunt et diligentissime elaborata, sat co-  
piosa etiam sylloge imaginum est a G. P. LEHR  
conscripta.

*Historia morbi post rabidi canis morsum exorti.*  
Aquaе metus mortiferus fuit.

Varia de BOERHAAVII meritis, dedicationibus,  
de chirurgiae curatorum TAGLIACOTII editionibus  
de libri, syruporum ratio inscripti, vero auctore et  
de asphalti oleo Ill. editor inseruit.

*Quinta pars* sequentia continet. Quaestiones  
aegroti cuiusdam ad Ill. editorem, de vermibus am-  
phibiisque in corpore humano. Responsio doctissi-  
ma Ill. editoris plurima amphibiorum in corpore hu-  
mano exempla ex auctoribus allegata continet.

*De plethora ad uteri haemorrhagias conferente,*  
*de causis et medicinis ad hanc haemorrhagiam.* Pro-  
lixa dissertatio.

P. 443. *De viola Ipecacuanha*, ex celebratissima LINNEI  
dissertatione.

*De amygdalis, et oleo amararum aethereo* ex Cl.  
DARIES epistola \*).

P. 457. Epitome litterarum GLADBACHII, ad TREWI-  
VM 1734. de inoculatione variolarum datarum.  
Damnatur inoculatio, recens eo tempore in Ger-  
mania inuentum.

*De guaiaci usu* Ill. editor pauca quaedam dictis  
iam adiecit.

*Sexta*

\*) vid. comm. nostr. Vol. XXII. p. 358.



*Sexta pars* BVCHHOLZII, V. Cl. obseruationem de hydrocephalo interno continet, addita simul eorum, quae in cadauere inuenta sunt, historia. Aquae in ventriculis cerebri anterioribus vnciae duae inueniebantur.

WAGLERI, V. quondam Ill. *annotationes de musculo uteri orbiculari Ruyschiano*. Eum subinde, non autem in loco, cui placenta adhaeserat, obseruasse B. vir asserit.

Nunc varia anonymi auctoris sequuntur de cu-p. 492. ratione dolorum capitis symptomaticorum, per vi- trioli naphtham cum laudano liquido remixtam ten- tanda; de sudore colliquatiuo roborantibus et aci- dis mineralibus ferratis sanato; num ex insultuum febrium intermittentium mutationibus bonum au- gurium formari queat; de sublimato mercurio, aliis- que praeparatis mercurialibus saluationem nullam concitantibus; de camphorae quadam vegetatione; de sanguinis post dentes extractos profluuio cohi- bendo, et de camphorae virtute, num refrigerans aut exaestuans sit.

IN PERCIVAL, V. Cl. probationem, acidis san- p. 508. guinem solui, vberius differitur. (Hoc tantum de vegetabilibus acidis, de mineralibus nullo modo valet. Lactis serum acidum acetumque diu in vsum vocatum febres putridas produxisse iam HAL- LERVS obseruauit.)

DE TAGLIACOTII chirurgiae editionibus EHR- MANNI V. Cl. ad Editorem litterae.

De compilationum et realium indicum utilita- te anonymus auctor prolixè et egregie differit.

De chartis physiographicis, calendariis littera- p. 539. riis, caet.

In fine huius partis consultatio medicorum quo- rundam Parisiensium sat lepide descripta est.

In

- Vol. II. In altero eiusdem operis volumine, VI. solitas partes complectente sequentia, continentur:
- p. 1. TAVBE, V. Cl. *dysenteriae autumnis 1779 in Celsenensi regione grassantis descriptio historiaque*. Morbus a diligenti et perspicaci observatore bene traditus est. Altera grassantis dysenteriae species biliosa, haud valde, si rite tractaretur, periculosa, altera vero putrida, maligna, et maxime lethifera fuit.
- p. 20. *Sylloge scriptorum* a CAMPER, V. Ill. editorum. *Additamenta* ad HALLERI *bibliothecam botanicam*, auctore BLUMENBACH, V. Cl.  
*De electricitate et nova pulmonum docimasia, librae ope instituenda*, auctore DANIEL V. Cl.
- p. 48. *Litterae* SWIETENII ad ANT. DE HAEN, de rixis inprimis, quas cum STOERKIO mouit.  
*De nouo HAARTMANNI morborum systemate*.
- p. 96. Morbum, quem WICHMANNVS, V. Cl. antea medicis proposuerat, ELSNERVS, V. Cl. anginam pectoralem fuisse putat.  
 AFZELII de acido formicarum dissertatio, in germanicam linguam translata a WEIGELIO.
- p. 130. De cerebri hydrope, in quo longitudinalis sinus inflammatus erat, BVCHHOLZIVS, V. Cl. prolixè et hoc modo differit, ut obscurus latensque hic morbus multum illustretur. De dolore capitis in occipitis regione vehementi, amaro in ore sapore soporeque aeger conquerebatur. Pulsus non mutatus erat. Conuulsionibus postea obortis et paralyfi debilitas aucta aegerque mortuus est. Aqua in cerebri ventriculis collecta fuit.
- p. 141. De rhei martiati praeparatione, virtutibus et usu ACKERMANNVS, V. Cl. differit. Casu quodam rheo in ferreo mortario trito acetum adfufum, indeque rheum ferreis particulis copiosis impraegnatum exortum est, vires aperitiuas simulque tonicas possidens, et ad cachecticos morbos, atrophiam,



phiam, sanguinis ex vtero profusionem, caet. inprimis utile. De connubiis et dosibus rhei huius martiati.

De his, quae Gallis circa rem litterariam medicam Germanorum nota sunt, exempla satis faceta adferuntur.

*De peste in Russorum contra Turcas expeditione* p. 193. *bellica observata* KLINT, V. Cl. differit. Cl. Auctor 10000 aegros hoc morbo laborantes viderat, tractaueratque, et ex his observationibus haec doctissima dissertatio orta est. Contactu inprimis immediato pestem in alios propagari, medicosque immunes a morbo manere, dum modo contactum aegrorum immediatum caueant; saepius tamen peregrinos et sanos aduenas a peste tentari. Veram pestem eos tantum inuasisse, qui eam immediato contactu hominum aut rerum peste infectarum contraxerant; hos vero, quibus pestis seminia alio modo communicata erant, et alio, hocque modo laborasse, ut dirissimus quidem eorum morbus fuerit, pestis autem nomine insigniri non potuerit. Symptomata, prognosis, curatio pestis.

*Litterae* ab ALBERTO AB HALLER ad SWIETENIVM, et ab hoc retro datae.

Nunc varia sequuntur a WEIKARDO, V. Ill. doctē, ut solet, conscripta. Qua ratione vermes extenellis infantibus expelli queant. De arena in lotio a matre foetui suo communicata. De medicinis quibusdam ad cutaneos morbos inprimis efficacibus, et de lacertis aluo excretis.

Quid Anglis circa rem litterariam medicam p. 224. Germanorum notum sit, ex exemplis Ill. editor probat.

*Historia eorum, quae in cadauere Adami Friderici, Episcopi Bambergensis, peripneumonia putrida demortui inuenta sunt.*

p. 248. *Varia pathologico-practica et litteraria* anonymus auctor (BÜCKING, V. Cl.) exhibet. Meloen Maialem ingentem ad vrinam emittendam stimulum excitasse. De gangraena sananda, et de sicca gangraena. De conuulsionibus infanti ex cerussae usu superuenientibus. De medicamentis quibusdam antiquis, hodie pro nouis habitis. Morborum variorum, vesicae vrinariae puncturae, et epulidis rescissae historia.

Morborum autumnō 1779 et vere 1780 historiam (ACKERMANNVS, V. Cl.) exponit. De haemoptysi, imprimis ab obstructionibus viscerum abdominalium, eaque sananda. Herniae incarceratae, cum aliis symptomatibus coniunctae, historia. De catarrhalibus febribus, biliosis alui profluuiis, caet. Tandem historia spasmi maxillae inferioris lethalis ex leuissima laesione regionis supraorbitalis exorti proponitur.

p. 300. FR. DE WASSERBERG examen chemicum oui in germanicam linguam translatum.

*De progressibus venereorum morborum cohibendis* Ill. editor praeclare differit.

*De intestinali quodam ulcere sanato.* Ulcere sponte paene in vmbilici regione aperto, ingens puris et vermium corruptorum copia emanabat.

p. 355. *De Stahlianæ lue bovinae curandi methodo.*

*De essentia dulci, aut auri tinctura* Halensi, auctore KLEINFELD. Eam ex sacchari quadam tinctura parari.

p. 401. *De noua Quinti Sereni Samonici* editione adornanda anonymus auctor (ACKERMANNVS) differit, simulque nouae suae editionis specimen addit.

*De arsenici usu interno* quaedam ACKERMANNVS tradidit. Eum a chirurgis quibusdam dosi ingenti adhiberi ad melancholiam, aliosque morbos rebelles sanandos. De arsenici ad febres inter-

mit-



mittentes vsu. Chirurgos, quos allegat, malos ab eo effectus haud obseruasse. Incisiones cuniculorum arsenico deuorato necatorum.

*Vita Pauli* S GRAEUWEN, Professoris medici Groeningensis, auctore BALDINGERO.

Supplementa ad MOEHSENII *V. Ill. syllogen imaginum medicorum illustrium*, auctore CROPP, V. Cl.

*Morbi cuiusdam et extispiciorum post mortem historia* (auctore HELD, V. Cl. medico Gerano doctissimo). Tumores in abdomine praeternaturales mira et paene nullo modo explicanda symptomata produxerant.

Morbi iam supra descripti medicisque a WICH-P. 500. MANNO, V. Cl. ad enucleationem propositi historia vltior, cadauerisque extispicia traduntur. Morbi causa in cordis polypo sita fuit.

*De infantibus recenter in lucem editis tractandis* ACKERMANNVS, V. Cl. differit. Ad variolas arceudas nil iuuare, si sanguis ex funiculo vmbilicali, ante deligationem eius exprimitur. Cauendum esse, ne infantes statim post partum lucis splendori exponantur. De balneis, et corporis cura, inprimis quoad formationem capitis et articulorum. De fasciis infantum et thoracibus ex laneo impili parandis. De capitis inuolucris, et spinae dorsi cura. Quinam victus infantibus maxime conueniat. Tandem de morbis infantum quibusdam agitur.

De aquae frigidae in catarrhalibus morbis, abdominali hydrope, pedum tumore KOOLHAASVS, V. Cl. differit, de violarum syrupo autem melius parando MERKIVS V. Cl.

Litterae CRELLII, V. Cl. ad Editorem datae, Vol. III. obseruationes quasdam practicas continentes. Dep. 1. ricini oleo in colica saturnina et iliaca passione bono

Hh 2

laxante.

laxante. De dulcamarae in chronico rheumatismo  
vfu (de qua nos in omnibus aegris, quibus data est,  
parum leuaminis obseruauimus). De opii cum aci-  
dis connubiis, arnicae florum vfu, frigidaque eo-  
rum infusione praeferenda. Morbi ex febribus  
per vitrioli acidum turbatis.

p. 13. *Varia* BÜCKING, V. Cl. inseruit. Menstruo flu-  
xu suppresso epilepsia cum variis symptomatibus  
oborta est. Vermes minuti per vrinam excreti  
sunt. De albedo martis vitriolo, salina quadam ve-  
getatione. Mortis recepta definitio, num quadret?  
De pulsu per notas musicas describendo. De pa-  
ronychia.

*Non omnes formulas in GAVBII libro occurrentes  
bonas esse, Ill. editor probat.*

*Litterae medici cuiusdam peregrinantis a d. 29 Sept.  
1780. De Academiae Lugduno-Batauae malo statu.  
In orbe terrarum academiam Montispelienſi peio-  
rem non dari.*

CORN. CELSI ex recens. LEONH. TARGAE, *Pa-  
tauii* 1769. editi censura. De CELSI codd. editio-  
nibus, caet.

p. 65. *Ad historiam quorundam medicamentorum hodie  
adhiberi frequenter solitorum, Ill. editore auctore.*  
De Sabadillae semine, chinae chinae anima, caet.

*De Suillo fercimine Gottingensi, Ill. editore auctore.*  
Bonitatem a frumento leuiter trito a suis deurato  
pendere, minutamque ex eo tempore fuisse, ex quo  
solanum tuberosum inualuerit.

De libro WYERI GVIL. MVYS de fabrica mu-  
sculorum.

p. 73. *De morbo quodam epidemico in Russia frequen-  
ti et saepe lethifero, auctore Cl. DU ROI.* Cutis  
colorem in corporis quodam loco mutari et pruri-  
tum hoc in loco excitari. Inde summam anxietatem,



tem, mortemque oriri. Sanationem morbi in eo positam esse, vt corporis pars, in qua cutis mutata est, sale ammoniaco et nicotianae foliis impositis tractetur.

*Sylloge quaestionum quodlibeticarum Parisinarum*, Editore V. Ill. auctore.

VOGELII cogitationes de aqua suffocatorum p. 97. tractatione rite instituenda. Bene et copiose elaborata tractatio est, in qua omnia paene consilia hoc modo suffocatis data expensa sunt.

*De singulari humeri tumore, ex fractura orto*. Figura adiecta est.

De amborum pedum amputatione. Frigoris p. 129. vis pedes tam vehementer in insano corripuerat, vt gangraena amputationem necessariam redderet.

*De primis figuris anatomicis ligno incisis*, auctore p. 135. re BLUMENBACH, V. Cl. Sceleton primum in libro: *ortus sanitatis* 1490 in figura ligno incisa exhibitum esse, antiquissimas autem figuras splachnologicas in *Kethami* fasciculo medicinae occurrere.

*Varias obseruationes* iterum exhibet doctiss. BÜCKING. De corporibus praeternaturalibus in corpore diu delitescentibus. Historia curationis capitis vulneris cuiusdam, maxime memorabilis.

*De balneorum ex aqua, in qua ferrum in grana* p. 193. *redigitur, insigni usu* LENTIN, V. Cl. differit. Virtutes huius aquae pendere a ferro in aere inflammabili soluto, aquae admixto. Balnea ex hac aqua in paralyfi post apoplexiam, diuturna paralyfi, articulorum diuturna debilitate, articulorum post arthritidem debilitate, scrophulis, puris in sanguine generatione, etc. insigni quodam modo valere, Cl. Auctor ex exemplis plurimis, quae fusc recensentur, probat.

KOOLHAASII *obseruationes de aquae frigidae ex-* p. 215. *terne adhibitae ad varios morbos usu continuatae*. Ex-

empla adferuntur, quibus demonstratur, aquam frigidam ad febres inflammatorias, variolas malignas, etc. valuisse.

*Variae observationes*, auctore doctiss. BÜCKING. De cerebri laesionibus, suppurationibus. Ulceris, f. carbunculi male exulcerati, seu mali mortui in regione lumbari historia.

p. 245. *Casus uteri in partus doloribus rupti.*

*Mammae vasti tumoris historiam* litterae MEYERI, V. Cl. ad editorem datae exhibent. Malum a laesione externa ortum erat.

*Nigri morbi historiam* in puerpera exorti ZELLERVS, V. Cl. exhibet. (Nos similem omni modo morbum post abortum obseruauimus maxime periculofum, hoc tamen modo, vt aegra, sana nunc, feruaretur).

p. 274. *Quaestionum quodlibeticarum Parisinarum sylloge continuata* ab Ill. editore.

p. 289. BERGMANNI, V. Ill. *de terra filicea dissert.* in germanicam linguam a WEIGELIO, V. Cl. versa.

*De crinonum infantili morbo*, auctore ACKERMANNO, V. Cl. Crinones materiam perspirabilem induratum esse. De optima huic morbo mendi methodo, balnei calidi ex aqua fecum et mellis ope.

p. 333. *De diro quodam luis venereae contagio* (eodem Cl. V. auctore).

*Morbi conuulsiui, hyoscyami extracto* perfanati, historia.

*Cicutae herbam* in puluere cum melle datam plus valere, quam ipsum cicutae extractum, Ill. editor probat.

*Ad medicinam sacram et miraculosam* quaedam, ab Ill. editore.

*De Rheo*, quod Gothae colitur.

Litte-



*Litteraria varia* de libris anatomicis antiquis, p. 357. qui in bibliotheca Ill. edit. asseruantur.

Librorum epidemiam putridam annor. 1771 et 1772. pertractantium Sylloge, BALDINGERO, V. Ill. auctore.

*Cadaueris incisio viri post capitis vulnus ipsi illa-* p. 385.  
*tum demortui*, auctore MEIERO, V. Cl. Intra cal-  
variā duramque matrem sanguis extrauafatus,  
oesophagus in cardiae regione a ventriculo vi se-  
paratus, et ileum ieiunumque intestinum inter se  
suscepta erant.

*Variolarum insitio defensa* a VOGELIO, V. Cl.  
Inprimis de modo variolas inferendi agitur. Hi-  
storiae quaedam additae sunt.

*De medicae rei Edinburgensis statu*, et de insti-  
tutis medicis Edinburgensibus.

*Variolarum feliciter insitarum historiae continua-* p. 481.  
*tae*, auctore VOGELIO, V. Cl.

*De maniaca quadam* iudicium medicum *physici* p. 523.  
cuiusdam in libera quadam Imperii ciuitate *prima-*  
*rii*. Sat lepidum certe.

*Morbi historia*, a praeternaturali, vt videtur, vi-  
scerum thoracis statu exorti.

*De tabulis meteorologicis recte instruendis*. Ta-  
lis tabula ad normam addita est.

Volumen quartum sequentia continet: Vol.

MEIERI, V. Cl. *de capitis hydrope, cerebelli scirrho*, IV.  
*et elastico aere in sanguine contento obseruationes*.

*Conceptionis in ouario sinistro*, ex qua morbus p. 17.  
lethiferus exortus est, historia, a GMELINO, V. Cl.  
conscripta.

*De his, quae recentē ex vegetabili regno in ma-* p. 29.  
*teria alimentaria, medica, et naturali historia inuenta*  
*sunt*, auctore Cl. DU ROI.

*Varia*, anonymo auctore. Formulae medicae  
quaedam satis malae indoctaeque. Tales frequenter

in toto opere subinde lepidissimas inseri curavit Ill. Editor. De fortibus purgantium dosibus, splenis dolore in cursoribus. Num medico medicamentorum agendi vim nosse conueniat?

p. 86. *De VESALII in Zacyntho insula epitaphio.*

p. 100. *De DANOVII (professoris quondam Theologiae in Ienensi Acad. primarii) morte.* Se ipsum doctus, quum diu ex hypochondriis laborasset, in aqua suffocauerat.

*Vulneris in sinistro cordis ventriculo post quartum diem lethalis historia, MEIERO V. Cl. auctore.*

*Eiusd. de moschi in spasms ope.* Se hanc medicinam insigni cum usu subinde adhibuisse.

p. 117. *Observationes quasdam SAVR, V. Cl. exhibet, de singulari quadam diplopia, post vim capiti externe illatam, extispiciorum adiecta historia; de contrassura notabili et necessarie lethali post casum ab alto.*

*KOOLHAASII, V. Cl. continuatio observatorum de aquae frigidae externo usu in febre acuta cum purpura rubra.*

p. 127. *Historia inflammationis cruris dextri pedisque, cum ulceribus, vesicis aqua repletis et abscessibus, variolosis similibus.*

*Morbus a Culicis pipientis L. morfu obortus fuit.*

p. 147. *De ulceribus externis et crassorum morbo auctore WEIKARDO, V. Ill.*

*Episcopi Fuldensis morbus enarratur, eiusque curatio.*

*VOGELII, V. Cl. de his, qui aqua suffocati sunt, vitae restituendis.* Adminicula quaedam in priori tractatione omissa recensentur.

*Iudicium medicum de quodam mente capto, MEIERO auctore.*



*Insitarum feliciter variolarum historiae* a VOGEL-p. 225.  
LIO recensentur.

*Varias iterum observationes* BÜCKING, V. Cl. exhibet. De vesicae urinariae quadam a vi externa laesione. De idiopathicis alui profluuiis vehementibus.

De catarrhali epidemia 1782. de apoplexia, paralyfi, caet. WEIKARDVS quaedam differit.

*De vino in S. coena caute dispensando.* Cautum inprimis communis calicis vsum esse debere, ob variorum morborum contagium et hoc modo in alios propagatum.

*Ad biblicam et medicam daemonologiam* quaedam, p. 248. ex Garioponto.

*Anonymi cuiusdam auctoris variae observationes* in oxymellis squillitici, terrae Iaponicae, arnicae, camphorae, opii, aquae phagadenicae, caet. vsum.

Litterae ad ERHARDVM, botanicum, SCHEEL, V. Cl. de aeris factitii quibusdam generibus, sacchari acido, acido spathi, et HAGEMANNI, de acido salis dephlogificato, et de martis quadam tinctura.

*De pharmacopoliis recte instituendis instruendis,* et de pharmacopolarum laboribus moderandis ERHARDVS differit.

*Eiusdem observationes pharmacologicae.* Gy-p. 310. psu-  
sum subinde magnesia substitui. De aliis magnesia suspectis speciebus. De ranunculi ficariae foliis cochleariae herbae substitutis. De vuae vrsinae herba, -aliisque, quae facile ei substituuntur. (Nos nuper quum vuae vrsinae herbam praescriberemus, *brancae vrsinae* herbam ex officina pharmaceutica accepimus.) Tartari crystallos cuprum fere omnes continere, idemque et omnibus paene extractis amaris inesse. De tartari foliata terra,

omnibus aliis mediis salibus praeferenda. De despumato melle ex officinis exterminando.

*Botanica quaedam*, eodem Cl. V. auctore.

Febris intermittens gratiolae officinalis usu sanata. Sedentariam vitam paucumque potum ad calculum viarum vrinariarum disponere.

P. 345. Hydropis diureticis medicinis sanati casus, FVCHS, M. D. auctore.

*Observata quaedam medica* ACKERMANNVS exhibet, de irritantium clysterum (ex terebinthina, vrina et sale ammoniaco compositorum) in hydrope insigni usu. De calidissimis medicinis phthisticae propinatis.

Numerus eorum, qui ab anno 1772 usque ad ann. 1781. Gottingae litteris, inprimis autem medicinae, studuerunt.

P. 386. *Catarrhalem epidemiam anno 1782 in tota fere Europa grassantem* ACKERMANNVS, V. Cl. describit. Primum tempestas describitur, tabulis meteorologicis etiam ad finem tractationis additis. Quosnam morbos tempestas primis quatuor mensibus anni 1782. hominibus intulerit. Febres remittentes biliosae frequentes fuerunt; plurimae inprimis puerperae aegrotarunt. Febris catarrhalis epidemicae formae variae, pleuroperipneumonia, catarrhalis febris strictè sic dicta, asthma conuulsivum, catarrhalis febris, cum colluie bilis in primis viis. Phthificos inprimis epidemiam affecisse. De medendi methodo.

*Varias suas observationes medicas* idem Cl. vir continuauit. De periculo ex sanatis antiquis crurum vlceribus. Talia vlcera aut e partium debilitate, aut ab humorum acrimonia (saepissime a viscerum obstructionibus et atrabiliaria materia) oriri; eaque tantum sine metu sanari posse, quae ex partium debilitate orta sunt, hoc tamen modo, vt materiae,



teriae, quae ex vlcere effluxerat, semper alius exitus paretur. Morborum, pectoris hydropis et apoplexiae a talibus vlceribus sanatis, historiae.

*De effluuiis exhalationibusque corporis humani male* p. 425.  
*olentibus*, BÜCKING, V. Cl. auctore. De oris inprimis foetore, aliisque malis hominum odoribus.

*In medicamentorum formulas adnotationes vtilissimae doctissimaque*, auctore Ill. BALDINGERO. Hae inprimis a quouis medico legendae relegendaeque sunt, ne in his deficiat.

*De Geo urbano*, eodem V. Ill. auctore.

*SOLANDRI vita*, FORSTERO, V. Ill. auctore. p. 473.

*Morborum quorundam historiae*, MEIERO, V. Cl. p. 481.  
auctore. Epilepsiae in grauida mortem inferentis historia. De ganglio praegrandi; de ingenti tumore in genu infantis, domestica medicina sanato. (Lini stupra erat.) De venenatis fungorum, mytulorumque effectibus. vesicali hydrope, vlceribus praegressa inflammatione exortis, calculi per vreterem in vrinae vesicam descendentis sanatione, de capite a trunco foetus, durante partu, auulso; lethali post aromatum ad febrem intermittentem profligandam vsum epilepsia; febre maligna cum purpura bullosa; podagra in virgine iuniore; cardialgia post caseum Batauum copiose ingestum.

*De rerum medicinalium pretiis*, Ill. BALDINGE- p. 515.  
RO auctore, et de pluribus ex catalogo mercium medicinalium exturbandis.

*De officinis pharmaceuticis visitandis*, MOENCH, V. Cl. auctore.

Quaenam experimenta cum mediis salibus instituenda visitantibus sint.

Morbi singularis historia, auctore WOELTGE, p. 560.  
V. Cl. Hydatides in intestinis erant, cum ascari-  
dibus

Ex

Ex litteris variis varia, lectu utilia, finem huic volumini faciunt.

Vol. V. Volumen quintum sequentia continet:

*De caudis physiognomica* quaedam, cum tabulis ligno incisis. Satyra est in eos, qui omnia ex capite hominis cognoscere cupiunt.

*Varias observationes* BÜCKING, V. Cl. iterum exhibet, de vesicae urinariae vulnere, intestino colo rupto, hernia quadam exulcerata, phlyctænis. Smaltam Saxoniam in lotricibus herpetem produxisse.

p. 35. *De febre miliari* EBERH. GMELINVS, V. doctiss. ex observationibus plurimis doctissime agit. De morbo miliari simplicissimo, eiusque periodis, de medendi methodo. Multa denique theoretica subnexa sunt, in quibus adseritur, primas origines febris miliaris in aeris ventilatione impedita latere, miliaremque adeo materiam miasma sui generis haud constituere.

p. 90. De his, quae in cadauere CAROLI XI. Sueciae regis, post mortem observata sunt.

*De dispensatoriis pharmaceuticis recte instruendis*, MEIERO, V. Cl. auctore.

*De variolarum inoculatione experientiae singulares.* Variolarum naturalium post inoculationem exanthematibus variolosis tamen non efflorescentibus tentatam, historiam exhibent.

p. 113. *De vulnorum lethalitate* METZGERI, V. Cl. tractatio. Quid sint vulnera absolute, per se et per accidens lethalia; eamque vulnorum diuisionem forensensem satis firmo talo insistere.

p. 131. *Formularum medicarum male praescriptarum exempla* plura Ill. editor proponit.

Varia ex litteris sat digna notatu traduntur.

De medicinis ad vermes Ill. BALDINGER breviter differit, inprimis de filicis radice. (Nobis haec medicina ad taeniam haud saepe successit).

Ad



*Ad historiam scriptorum de cortice Peruviano, Ill.*

BALDINGERO auctore.

*Historia litteraria scriptorum praecipuorum de conio maculato agentium, eodem auctore.*

CARPIO, 150 annorum senex.

*Numerosi partus historia a IAEGERO, V. Cl. editori perscripta.*

Botanica varia ERHARDVS, V. Cl. iterum exhibet, plantasque novas, *Moenchiam Honckeniamque* describit. p. 193.

Argumentum dissertationis GVIL. HARRISON, *de lue venerea*, Edinb. 1783. in qua ex observatis probatur, gonorrhoeam vere venereae indolis esse.

Ex litteris ad Ill. editorem datis plura notatu maxime digna perscribuntur, inprimis morbi maxime miri rarique historia, quo medicus quidam insignis laborat.

*Varia* sua iterum exhibet doctiss. BÜCKING. Ad ACKERMANNI, V. Cl. tractationem, de ulceribus crurum antiquis caute sanandis. Quomodo talia ulcera sanare expediat. De arcendis talibus ulceribus. Sudoris pinguedinosi historia. Sebum verum e poris prodibat.

Ad *Influenzae* historiam. Morbum ex America occidentali prodiisse, ASCH V. Ill. tradit.

*Naphtarum hactenus detectarum historia*, auctore Ill. BALDINGERO. p. 264.

*De Iurisconsultis infanticidis.* Eos in eo vehementer peccare, quod foetum ante certum tempus vitalem esse non putent.

*Librorum, in quibus musea rerumque naturalium collectiones variae describuntur, catalogus.* Varia alia.

*De febre miliari tractatio* Cl. ACKERMANNI, p. 289. observationes ad GMELINI tractationem continens. De simplici febre miliari. Homines irritabiles, cute tenera praeditos, illi frequentissime obnoxios

noxios esse. Subinde et hanc febrem epidemice grassari, hoc tamen semper modo, vt pauci corripiantur. Morbi materiem diu subinde, antequam erumpat. in corpore delitescere. De capitis, pectoris aliisque symptomatibus, miliarium exanthematum prodromis. Putredo num solus febris miliaris effectus sit. De febris miliaris complicationibus, cum pectoris inflammatione, caet. cum febre putrida tunc demum inualecente, vbi exanthemata iam eruperunt. Historia febris miliaris talis, imprimis quoad purulentam exanthematum formam, singularis. De febris miliaris complicatione cum puerperio. Varia ex morborum historiis desumpta corollaria traduntur, et tandem medendi methodus exponitur. Arcani duplicati in inflammatoria febris miliaris periodo laudes. Vesicatoria quem in finem applicanda sint. Minera-

p. 322. lia acida ad miliarem febrem non valde valere.

*Varia* sua iterum exhibet Cl. BÜCKING. De scabie sananda, et de methodo Ill. SCHMÜCKERI ad eam (cuius omni plane modo exoptatos successus nos saepius, ex eo tempore, quo haec metho-

p. 385. dus innotuit, obseruauimus).

*Varia* sua continuat doctiss. BÜCKING. De medicinis ad scabiem, paene omnibus cognitis, earum-

p. 447. que censura.

*Historia mulieris, cui plures acus e cute, cultri ope excindebantur.*

*Obseruatio de vermibus in mamma generatis, ex veteri diario perscripta a Cl. WEBER.*

*Formulae medicamentorum incongruae.*



XX.

IOHANN VLRICH BILGVER, *Versuche und Erfahrungen über die Faulfieber und Ruhren, dem häufigen Sterben bey den Armeen und in den Feld-lazarethen künftighin Gränzen zu setzen. Berlin, bey Hesse. 111. S. in gr. 8. 1782.*

i. e.

De febribus putridis et dysenteria, deque modo horum morborum crebram lethali-  
tatem in nosocomiis militaribus minuendi, Auctore IOANNE VLRICO BILGVER.

**P**utridarum febrium dysenteriaeque in ultimo Prussico bello in eo inprimis exercitu, cui Rex praefuit, pessimam multisque militibus lethalem stragem observavit auctor Clarissimus libroque de articulorum amputatione caute aut plane non instituenda celeberrimus, hocque breui quidem, sed ob multa, quae continet, experimenta lectu dignissimo libro methodum proprio suo usu probatam exponit, hos morbos tutius curandi.

Primum de insigni damno agit, quod putridis p. 16.  
morbis militaribus exercitibus infertur, idque tantum fere aestimat, quantum ab ipsa peste infertur, quam his febribus multo maligniorem esse haud putat. Dimidiam his morbis correptorum partem iis utplurimum necari asserit.

Quantum damnum hominibus veterum de his p. 19.  
morbis theoriae vanaeque opiniones intulerint, Cl. auctor ex exemplis probat. SYDENHAMVM veram his morbis medendi methodum primum restaurasse.

De experimentis cum carnibus animalium putrescentibus medicinisque huic putredini contrariis institutis recte aestimandis eorumque usu. His experi-

experimentis GUILIELMUM ALEXANDRUM modum putridos morbos facilius curandi primum invenisse.

p. 22. De *proxima putridarum febrium causa* altera sectione Cl. auctor differere pergit. Phaenomena putredinis incipientis progredientisque. Differentiae putredinis primas secundasque vias occupantis. Fluidas partes primario a putredine affici, eamque ab his in solidas partes propagari.

p. 25. Sectione III. *de remotis febrium putridarum causis.* Primam putredinis in vivente animali corpore praepeditae causam in humorum motu, alteram vero in alimentis, aliamque in aëre puro nos ambiente sitam esse.

p. 31. Quibus expositis, aëris ad putredinem producendam vis ulterius expenditur. De calore putredinis causa, deque caloris gradu, putredinis originibus maxime fauente, nec non de effectibus caloris inprimis aestiui in corpus animale. Quantum humor calori adiunctus ad putredinem conferat.

Quibus praemissis, exhalationum putridarum noxas Cl. Auctor expendit. Vegetabilium putrescentium exhalationes innoxias esse, stercusque humanum et animale omne ob *acidam* suam naturam(?) putredini aduersari, maximam autem vim ad putredinem producendam augendamque animales exhalationes habere. De motu nimio et perspiratione suppressa (nulla tamen mutationis mentione iniecta, quam suppressa aestiuo tempore perspiratio, inprimis in disposito corpore, in bile producit, quam acerrimam putridamque citissime reddit) putredinis causis. Victum animale, nullo vegetabili interposito, aquas stagnatione corruptas, alimenta ex regno vegetabili corrupta vappidaque, omniaque denique ea, quae sanguinis circulationem minuunt, et solidarum



rum partium robur debilitant, ad putridas febres in militibus disponere.

Noua sectione *putredinis effectus in viuento corpore* p. 55. describuntur, in debilitate et cohaesionis destructione solidarum, fluidarum partium a mixtione sua alienatione, motuque intestino in solidis et fluidis partibus consistentes. De his ad symptomata signaque febrium putridarum transitus est. Pathognomonicum putridi acuti morbi symptoma virium prostrationem insignem cum pulsu celeri debilique esse, (?) talemque morbum gradu caeteris intensiorem malignum vocari.

Prognosi putridarum febrium breuiter tradita, p. 68. ad *curationem febrium putridarum* transitus est, quae libri pars longe plura lectu dignissima, et eam ob causam vtilissima continet, quod experientiis in nosocomiis militaribus, quibus Cl. Auctor praefuit, crebro institutis, nitantur.

Exposita medicamentorum putredini resistentium in corpora animalium tam mortuorum, quam viuentium, vi, et resorptionis negotio in horum remedium effectum descripto riteque aestimato, novam suam febribus putridis medendi methodum Cl. Auctor describit.

Ex exemplis creberrime occurrentibus scilicet p. 81. didicerat, et optimis efficacissimisque adhibitis ad putredinem propellendam internis medicinis plures aegrotos succubuisse, harum frequentium mortuum causas ei tribuit, quod medicinae ad putredinem vim efficacissimam habentes nimis parca quantitate per os ingeri queant, quam ut tam late vagantem inimicum ex omnibus partibus profligare possent; in praeseruandis enim animalibus contra putredinem substantiis opus omnino esse, ut vis medicamenti putredini aduersi ipsam putredinem longe superet.

Vbi itaque supponas humorum in humano corpore quantitatem libras 50 aequare, hosque humores omnes putredine correptos esse, nullo plane fieri modo posse, vt huius putredinis vis medicinis internis debelletur, quum tantam medicamentorum molem corpus humanum ferre nequeat (virium tamen naturae medicatricium, a BRENDelio, SCHROEDERO aliisque tantopere celebratarum Cl. Auctor nullum plane respectum habuit, corpus humanum viuens putrida febre correptum vt tale paene considerans, cui antiseptica massa adfunditur). Necessarium itaque esse, vt praeter internum medicamentorum ad putredinem cohibendam vsum et aliae viae inueniantur, quibus efficacibus ad putredinem medicinis liber ex omni parte in intima corporis penetralia aditus dari possit. Eum in finem talium medicinarum sub balnei forma externe adhibitarum vsum momenti maximi; in harum autem vfu interna medicamenta, inprimis putrida massa in primis viis praesente, non negligenda esse. Vinum inprimis subaustrum, emeticis, etc. primum adhibitis, ad hanc indicationem in exercitu Régis contulisse.

p. 91. Interno antisepticorum conuenientium remedium vfu, ad putredinem efficacius in putridis febribus corrigendam diligenter obseruato, externe ad eundem finem balnea ex medicinis putredini contrariis adhibenda esse, ex forti chamomillae infusione, et decoctione corticum quernorum teneriorum lb IV. in quibus nitri librae duae solutae sint, constantia. Calorem balnei, vt adstringens illius vis minuatur, ad naturalem corporis humani calorem accedere debere, eoque iam calore sanguinem in putridis morbis, ob praeternaturalem in modum auctum suum calorem, refrigerari. Harum



rum medicinarum vaporibus et aërem potentissime corrigi.

Aliis, quae ad communem febribus putridis medendi methodum pertinent, discussis, ad febres putridas cum efflorescentiis in cute coniunctas eandem medendi externam cum interna coniunctam methodum laudat, ab iisque ad *dysenteriam* transit, p. 104. ad quam clysteres ex corticis Peruvian decoctione cum vino, balnea putredini aduersa et cutis cum aceto calido lotionem laudat.

In experimentis ad finem opusculi positis Cl. p. 105. Auctor narrat se 41 aegrotos milites, castrensi febre et dysenteria putridis laborantes, hoc modo exoptatissimo cum successu sanasse, ut iis in amplis conclavibus, aëri aditum omnem permittentibus, sparsim decumbentibus internas quidem medicinas, ipecacuanham rhabarbarumque daret, quas autem quum ferre non possent, eos in balneum calidum supra descriptum hoc modo immitti iuberet, ut primum per horae quartam partem, postea vero per integram horam, matutino semper tempore, balneo hoc medicato vterentur. Ad lectum aegrotorum infusio corticis Peruvian cum aceto nitroque posita fuit, iniectis candentibus lapidibus in copiosos vapores concitata, quos vapores, ore admoto, aegri inhalarunt. Nec corporis lotio cum aceto, nec clysteres neglecti sunt. De internis medicinis praeter opiatam medicinam, omni vespertino tempore exhibitam, vix aliquid dari potuit. Successus curationis hoc modo institutae autem talis fuit, ut inter hos 41 aegros grauissime decumbentes 37. euaserint.

XXI.

BERNHARD RAMAZZINI'S *Abhandlung von den Krankheiten der Künstler und Handwerker, neu bearbeitet und vermehret von Dr. IO. CHR. GOTTL. ACKERMANN. Erster Band. Stendal. 1780. in 8. 21 Bogen. II. Band. 1783. 328 Seiten, ohne Vorreden und Register.*

i. e.

BERNH. RAMAZZINI tractatus de morbis artificum nouis curis recognitus auctusque additamentis a IO. CH. G. ACKERMANN. Vol. I. II.

**R**AMAZZINII librum de artificum morbis, paene vnicum, Cl. editor hoc modo variis additamentis illustrauit, vt partim ea, quae in aliorum libris circa opificum morbos obseruata inueniret, eaque, quae ipse circa hos morbos frequenter obseruaerat, diligenter notaret, et in concinnum ordinem digereret, partim etiam varia, nullam lectori vtilitatem afferentia, inprimis ad varias theorias pertinentia, in RAMAZZINII libro frequenter obuia, plane omitteret. Hoc modo factum est, vt omnia in RAMAZZINII opere obuia capita, iis tantum exceptis, vbi de oleariorum, caseariorum, fullonum, lotricum, pistorum et molitorum frugum, tabacopoeorum, sericearum placentarum carminatorum, iatraliptarum, sulphurariorum morbis agitur, nouo editoris labore suisque additamentis nouam plane formam naeta fuerint.

Totum autem opus, praemissa introductione de causis morborum, quibus opifices tentari solent, in VIII Sectiones diuisum est, quarum quaelibet artificum classem comprehendit, praemissa in fron-



te cuiuslibet sectionis generali causarum, quibus haec opificum classis exposita est, pertractatione.

Prima sectione *sordidorum opificum* morbi per-p. 9. tractantur, in eaque de coriariorum morbis primum agitur. Coriarios a putredine substantiarum, quas tractant, quidem laedi, verum non vehementer, imo putridos morbos in his opificibus rarissimos esse. Morbos eorum ab humore, aliisque, quae iis communicantur, acrimoniis derivandos esse, coriariorum adeo opificium ob exhalationes putrescentium substantiarum nullo paene modo nocivum esse, sed ob frequentes ex eo antisepticos vapores contra morborum putridorum imo pestis contagium homines tueri. De interna cor-p. 23. ticum quernorum teneriorum virtute externoque eorum usu inprimis ad putredinem in gangraena senili nullo modo cohibenda extinguendam.

De balneorum ex laconico coriario usu plura Cl. editor habet, eaque antiseptica, balsamica et roborante vi haud mediocri gaudere asserit. Vsum eorum in articulorum infirmitate, scabie, etc. egregium esse, eoque forte et intermittentes febres, imo putridas, debellari posse.

*Saponariariorum* morbos plurimos Cl. editor esse asserit, multumque his vaporibus et vicinos laedi.

De *fullonum* morbis caput paucis additamentis locupletatum est. Eorum nomine tamen et eos, qui pannos laneos crassiores texunt, editor comprehendit.

De *lanionum* morbis, causisque, quare hi homines, quoad sanitatem suam tolerabilem vitam agant. Laedi tamen et duros hos homines ab acrimonia in humoribus generata, solidorumque debilitate. (Laesionum tamen variarum externarum, quibus laniones prae aliis obnoxii sunt, editor nullam men-

tionem fecit.) De officinis lanionum animalibus ma-  
ctandis dicatis earumque maxime noxiis contagiosis-  
que subinde effluuiis. Plures etiam laniones hoc  
modo laedi, quod animalia aegrotata, aut bouina lue  
correpta, mactent. De morbis etiam ex esu car-  
nium ab animalibus morbo laborantibus agitur.

p. 61. De morbis eorum, qui mortuos curant, vespil-  
lonumque, vbi et noxae sepulturarum in templis  
et in aliis locis hominibus vicinis expenduntur.

Foricariorum morbi plurimi enarrantur, omif-  
sis tamen praesidiis, recenter in Gallia ad morbos  
ex hoc sordido labore minuendos excogitatis.

p. 81. Lotricum morbi sat fuse ab editore descripti  
sunt, cachectici et ab acrimonia extus in humores  
illata pendentes, nec non oculorum morbi, quibus  
saepissime expositae sunt. Quantas noxas corpori  
lotio linteorum materiis morbidis, inprimis conta-  
giosis, infectorum inferat, quantumque talis lotio  
ad epidemicos morbos conferat.

p. 120. Pertractatis fuse obstetricum et nutricum mor-  
bis, altera sectione ad tales opifices transitus est, qui  
in suo labore inprimis a puluere laeduntur, quos-  
que Cl. editor *puluerulentos opifices* appellat. Prae-  
missis generalioribus de locis corporis humani,  
quae a puluere inprimis laeduntur, deque genera-  
lioribus pulueris praeternaturali modo in corpus  
illati effectibus ad pistorum et molitorum frugum  
morbos transit. Pistorum morbos a farinae pulue-  
re et calore maxime intenso paene omnes pendere,  
eamque ob causam et eorum morbos in magnis vr-  
bibus, vbi plurima pars panis ad communem vsum  
necessarii a pistoribus parari solet, longe frequen-  
tiores esse. De amylopoeorum morbis, vbi et de  
acrimonia, quam amylo insitam esse RAMAZZI-  
NIVS putabat, plura occurrunt. Eam tamen acrem  
et rodentem vim, quam in teneriora inprimis lintea  
exferit,



exferit, cobalti vitro, smaltæ nomine ei admixto, vbi ad lintea firmanda adhibetur, Cl. editor adscribit.

De morbis eorum, qui comas adoptiuas capilla- p. 141.  
mentaque parant, in quibus, editore obseruante, vtique irritans et exedens quaedam amyli vis conspicua est. Oculos inprimis opificibus ab amylo in tenuissimum puluerem trito inflammari, pulmones irritari, et taeniarum generationi hoc puluere ansam praeberi. Variis etiam digitorum morbis, inprimis stupore quodam digitorum, cum mouendi eos difficultate hos opifices tentari. De morbis eorum, qui lapides et calcem viuam tractant, pariter ab internarum partium irritatione et erosione pendentibus.

Morbis eorum, qui in frugibus purgandis, et in tabaco praeparando occupati sunt, pertractatis, (quae vero capita paucis tantum a Cl. editore additamentis locupletata sunt) eorum morbi pertractantur, qui in serico praeparando carminandoque, et in lana, gossypio, cannabi et lino carminandis praeparandisque versantur.

Sericearum placentarum carminationis noxae p. 168.  
EX RAMAZZINIO penitus traditae sunt; lanae autem carminationis noxas, ab adipe veteri rancido, quo lana carminanda copiose obducitur, et a carbonum calore pendentes editor tradidit. His opificibus pectoris morbos a frigida in pulmonibus accumulata pituita oriundos frequentissimos esse. Noxas plurimas timendas his hominibus esse, qui in conclauibus, in quibus lanae hoc modo carminatae magna pars asseruatur, noctes inprimis transigunt, eosque inprimis catarrhis suffocatiuis affici.

Gossypii carminationem pluribus etiam, ob pul- p. 173.  
verem maxime irritantem, qui hoc labore durante attollitur, et maxime rebellibus morbis ansam prae-  
bere, et in his morbis lippitudinem diuturnam et

pulmonum quosdam morbos eminere. De cannabis linique in aqua maceratione maxime noxia, deque noxis harum materiarum, siccatione praegressa, carminatarum plura exempla proponuntur. Pulmonum magnorumque vasorum in thorace contentorum morbos, maxime rebelles hoc labore inprimis produci.

Tertia sectione *morbis stantium, sedentariorum et ambulantium artificum* exponuntur, tractatione generali quadam praemissa, in qua de noxis, ex vno eodemque corporis situ diu obseruato redundantibus, agitur.

Textorum morbi primo capite pertractantur, hoc modo, vt primum de modo agatur, quo hi opifices labores suos peragunt. Sessio, inprimis antrorsum flexo corpore, pectore ad iugum pectorale firmato, maximas noxas producit. Nec ad has noxas, et vehementissimas, durus labor requiritur, quum et a leuissimo tali labore, a textura v. g. cingulorum, quibus Poloni corpus cingunt etc. morbi maxime rebelles producantur. Sufficit et in leuissimo tali labore corporis situs praeternaturalis diu constanterque obseruatus, ad morbos et dirissimos producendos. Linteorum pannorum textores a morbis textoribus suetis longe rarius corripit, huiusque experientiae rationem in eo positam esse, quod hi opifices, quum latiores pannos ut plurimum texant, abdomen in ipso labore suo frequenter moueant, corporisque situm aliquo saltem modo mutant.

De pectoris horum opificum morbis, pituitae decubitu, asthma, iisque creberrima haemoptysi, partim a pectoris ad iugum firmatione, partim et a succussione fat in texendis pannis densioribus vehementi pendentibus. (ad hos et laborum genus, quo brachia exercentur, multum confert) De pedum



pedum frigidis tumoribus, quibus mulieres huic operi incumbentes frequentius tentantur, scabie, his opificibus frequentibus. Plures iis etiam morbos esse a laeuigatione densiorum pannorum, quae pumicis ope fit, (a glutine, quo fila obducuntur) et a farinae polenta, qua fila inprimis lintea, vt extensionem melius ferant, obduci solent.

De morbis eorum, qui tibialia texunt, altero p. 192. huius sectionis capite, et primum quidem de corporis situ durante hoc labore obseruato, et de partibus, quae eo maxime affici solent, agitur. Pectoris morbos his opificibus omnibus aliis frequentissimos esse, raroque talem opificem in labore suo strenuum, et iuuenem dari, cuius pectus ab omni labe immune sit. Hos morbos inprimis ad haemoptysin et ad phthisin pulmonalem accedere. Abdominales etiam morbos, inprimis viscerum infimi ventris obstructions infarctusque, his opificibus valde frequentes esse, nec non oculorum laesiones a nocturnis laboribus, et filorum, quae tractant, puluere productos. Ad has inflammationes corticem Peruvianum externe in decoctionis forma frigide impositum optimam medicinam esse. Hypochondriacum malum his opificibus frequentissimum esse, paucosque dari, operi suo assidue incumbentes, qui ad notabilem quendam senectutis gradum perueniant.

De morbis eorum, qui pannos laneos magnis p. 197. forficibus tondent, tertio capite agitur. Hos frequentes his opificibus morbos inprimis in vitiis magnorum vasorum in pectore contentorum, aneurysmatibusque consistere.

De sutorum sartorumque morbis, quorum corpus, ob praeternaturalem constantemque durante labore situm, vehementer laeditur. Plurimos opifices talis generis impuros humores, et occulta pe-

Etoris vitia, inprimis magnorum vasorum aneurysmata habere, hos tamen morbos in sutoribus longe frequentiores esse, sartores autem hypochondriaco malo et scabie magis affici.

p. 214. De cursorum morbis, pectorisque dilatationibus, iis frequentibus, quae et in equisonibus iisque, qui rhedis crebro vehuntur, frequentissimae sunt. De herniis equitum aliisque morbis, ac de equitationis ad morbos varios insigni utilitate.

De baiulorum morbis alio capite agitur, modisque, quibus hoc vitae genus corpus laedere potest. De leni subluxatione vertebrarum dorsalium, eamque sanandi modo. De subitaneis morbis mortibusque, quibus baiuli frequenter ob nobilium viscerum, aut vasorum, ex nimio nixu scissuram expositi sunt.

De gladiatorum et Iudaeorum morbis capita nullis aut parcis saltem additamentis ab editore dilatata sunt. Plurimos morbos Iudaeorum a sordida, quam agunt, vita, et a sordidis, quas tractant, rebus, proficisci.

p. 239. Quarta sectione, generalioribus iterum praemissis, de morbis opificum agitur, qui in laboribus suis aquae frequenter expositi sunt. In his primum locum balneatores occupant, alterum piscatores nautaeque, tertiam salinarii, in quo ea, quae circa salis cocturam FR. HOFFMANNVS scripserat, diligenter notata sunt.

De morbis a vino aut cereuisia fermentantibus productis quarto capite agitur, nec non de morbis, quibus ii expositi sunt, qui ardentes spiritus parant. Gas Helmontianum hoc modo necare, ut apoplexiam inducat.

p. 272. Noua sectione, qua huic volumini finis imponitur, morbi variorum artificum pertractantur, qui ad caeteras classes referri haud poterant.

Primo



Primo capite de morbis eorum agitur, qui in magnis officinis, cum pluribus aliis, opificio suo incumbunt, peculiari tamen ad textorias tales officinas respectu habito. Morbos in his officinis intendi, ob frequens, quod in iis occupati cum aliis alunt, commercium, facilius contagiosorum morborum contagium, et vehementiores materiarum cum quibus opifices occupari solent, ob maiorem earum quantitatem, noxas. Eam ob causam cachexiam, intermittentes febres, cutaneos morbos varios, imprimis scabiem, morbosque ab inconsiderate retro-pulsa scabie oriundos, pluresque morbos epidemicos, exceptis tamen mere inflammatoriis, in talibus officinis frequentissimos esse.

Artificum subtilissima artificia exercentium la- p. 282.  
bores altero capite expenduntur, qui quum sedentariam vitam degant, plurimos et cum his communes morbos habent. Visus tamen acies in his artificibus imprimis minuitur, ob visus acutiem, quam omnes subtiles labores requirunt. Multum etiam oculos a splendore metallorum, nocturnis imprimis laboribus, laedi. De perspicillorum ad aciem oculorum conseruandam vario usu. (Hypochondriaci mali et neruorum sensibilitatis in his artificibus paene summae, et sat frequenter obuiaae mentionem Cl. editor nimis parcam fecit)

De rhetorum, cantorum, tibicinum etc. morbis nouo capite agitur. Quae partes oratione, cantu, cum iisque coniuncta corporis actione, maxime laedantur, primum exponitur, postea vero de morbis ipsis agitur. In his primum locum herniae occupant, frequentissimum in his omnibus hominibus morbi genus, et monachos eam ob causam, aliosque frequenter corripiciens. Caput qua ratione in cantoribus laedatur, pectusque, cuius viscera in his hominibus paene omnibus imprimis laborant,  
ita

ita vt plurima eorum pars sanguinis sputo laboret. Aneurysmaticos praecordiorum morbos in his, qui tibiis, aliisque talibus instrumentis musicis cantant, frequentissimos esse. Denique de ruricularum agricolarumque morbis agitur.

*Altero volumine* morbi eorum artificum pertractantur, qui aut in metallis mineralibusque fodiendis, aut in metallis mineralibusue corporibus tractandis occupantur.

*Sextam sectionem*, in hoc volumine primam, metallifossorum, eorumque morbi occupant, qui in mineris metallicis praeparandis liquandisque occupantur, praemissaque quadam introductione, in qua de originibus horum morborum, praesidiisque valetudinis generalioribus agitur, primo capite *metallifossorum* morbi pertractantur.

p. 8.

Primum de praesentaneis vitae periculis, quibus in tali opere versantes expositi sunt, agitur, eaque partim in variis corporis laesionibus ab externis causis, casu, lapidum vi, etc. accidentibus, partim etiam in aëre praeternaturali, ad respirationem inepto, posita sunt. Pertractata diligenter differentia, quae inter atmosphaericum eumque aërem intercedit, qui in fodinis metallicis naturali modo continetur, ad alias aëris species, quae sub *vaporum mephiticorum* nomine in fodinis metallicis saepe euoluuntur, Noster transit, modum, quo haec aëris genera necant, varium constituit, eoque demonstrat arsenicalibus vaporibus vim ad has mortes valde exiguum tribuendam esse. Genera autem vaporum, qui sub aëris mephitici nomine metallifossos frequenter necant, ex Nostri sententia sequentia sunt:

p. 15.

1) fixus aër, qui vero in naturae officina nunquam (aut raro certe) purus praeparatur, verum semper



per phlogisto impraegnatus est, quod adeo partem constitutivam huius aëris constituit.

- 2) fixus aër, cum maiori aut minori phlogistici aëris quantitate mixtus. Talem aërem aquas pyromontanas fodinasque effoetas, ob variam in iis putredinem emittere.
- 3) fixus aër, cum inflammabili aëre remixtus. Hi vapores inter omnes frequentissimi sunt, eo-que modo necant, ut ignei principii excretionem per pulmones penitus impediant.
- 4) aër mere inflammabilis, qualis in carbonum fodinis aliisque vitae fossorum insidias struit. Ad hunc aërem et sulphuris vapores, etc. referri debere.
- 5) aër purus, atmosphaericus, cum metallicis aut mineralibus vaporibus remixtus, ad quos imprimis mercuriales et arsenicales referendi sunt.

In corporis situ, quem in hoc labore occupati durante eo servant, alia morbos generans causa sita est, aliaque in ipso laborum, quem observant, modo. Laborum imprimis, qui sursum erectis brachiis peraguntur, noxae intensissimae expendantur.

Tandem et plurima corpora peregrina in hoc p. 26. labore occupati corpus petunt. Pulvis metallicus mineralisque totam eius superficiem ambit, externis internisque corporis partibus se insinuans, varie acris, varias et acerrimas ut plurimum materias minerales continens, in quibus arsenicales, et plumbeae, mercuriales, caet. imprimis eminent. Tandem et metallifodina humore eam continuo irrorante madet, quae causa et plurimum ad varios ex hoc labore morbos producendos confert.

Quibus praemissis, ad speciales metallifossorum morbos Noster transit, in quibus morbi catarrhales varii, coryza, febres catarrhales rheumaticae, rheumatismi diuturni, caet. inflammatorii morbi, tales  
inpri-

inprimis, qui de sanguinis accumulatione in certa quadam parte dependent, oculorum, colli inflammationes, capitis dolores, erysipelas, cachectici morbi, pedum tumores frigidi, internorum nobiliorum viscerum obstructions, atrophia, caet. inprimis eminent.

p. 47. Singulare morbi genus, quo metallifossore frequentius corripuntur, *montana lues* ( *die Bergsucht* ) constituit, in quo duae species, *montanum asthma*, et *phthisis pulmonalis montana* distinguendae sunt, quarum quaelibet singularem, per se existentem morbum constituit, hoc tamen modo, ut phthisis pulmonalis montana montanum asthma saepe excipiat. Symptomatibus, extispiciis, caet. eorum expositis, qui asthma montano mortui sunt, ad phthisin pulmonalem montanam Auctor transit, cuius causas, symptomata stadiaque varia describit.

p. 59. Altero capite hi morbi pertractantur, qui a fossione certorum quorundam corporum mineralium minerarumque oriri solent. Primum de vitriolo, alumine, et sulphure agitur, ( quidam tamen morbi ex aluminis iam effossi praeparatione oriundi omitti sunt ) postea vero de mercurii fossione, in ea occupatis maxime noxia, immo saepissime lethifera.

p. 64. Tertium caput eorum morbos comprehendit, qui in mineris metallicis praeparandis, liquandis, caet. occupantur, eosque frequentiores quidem metallifossorum morbis esse, verum non tam lethiferos, huiusque salubritatis causam in aëre puro, in quo hunc laborem peragentes degunt, sitam esse.

Modi nunc varii metallicas mineras praeparandi exponuntur, inprimis minerarum mallei ope comminutio, et cum aqua tractatio. Postea ea, quae circa minerarum liquationem sanitati inimica occurrunt, pertractantur, eorum inprimis mentione iniecta, quae ignis actione durante sub  
vapo-



vaporum forma in aërem eleuantur. Calorem intensissimum, cui in hoc opere occupati expositi sunt, plurimum ad varia valetudinis damna producenda conferre, vapores vero, qui durante liquatione minerarum adscendunt, sulphureos, ex zinco constantes, antimoniales, arsenicales, caet. esse, et propria sua vi nocere.

De smaltae ex cobalto praeparatione, ab eaque p. 81. pendentibus morbis pluribus agitur. Hos morbos quoad origines, suas in arsenicalibus vaporibus, qui eo labore durante, quo cobaltum in vitrum convertitur, emittuntur, in subtilissimo acutissimoque simul puluere, qui sub smaltae praeparatione facile se in corpus hunc laborem peragentis insinuat, et in continuo paene madore sitos esse.

De plumbi vaporibus his hominibus in omni p. 86. bus, paene suis laboribus maxime nociuis de variis modis, quibus in corpus perueniunt, deque agendi eorum modo prolixè agitur.

In peculiaribus autem morbis a plumbi vaporibus aliisque causis accedentibus oriundis *saturnina colica* eminet, cuius symptomata, variae origines, extispicia, caet. accurate describuntur. Plura etiam de modo huic morbo medendi Noster habet. Maximos effectus a pinguibus substantiis copiose deglutitis ad praecauendum et curandum dirum hunc morbum expectari posse, asserit.

Quarto denique huius sectionis capite *praecipui modi metallifossorum morbos auertendi curandique* exponuntur. Ea, quae ex improuiso his fossoribus accidunt, maxime timenda, ut plurimum cautione in his rebus necessaria adhibita, caveri posse, neque multos in locis, ubi plurima metalla effodiuntur, in Hercynia sylua v. g. hoc improuiso modo vita priuari. Aëris fodinarum  
rum

rum cum athmosphaerico communicationem semper ad cauendos diluendosque mephiticos vapores intercedere debere, nec hac communicatione omne semper vitae periculum auferri, quum hi vapores saepe subito in corpus solitarii fossoris irrumpant. Ad excitandos eos, qui his vaporibus vitam amisisse videntur, *alkali volatile fluor* Noster inprimis laudat.

Mercuriales vero vapores a corpore arcere aut corrigere maxime arduam rem esse, neque pingui, oleosa, inuoluentia, eum in finem a variis laudata semper conducere, quum hominibus mercurii fossioni operum dantibus, ob vniuersalem partium solidarum debilitatem languidae digestivae vires sint. Maxime, inter omnia praesidia contra hos vapores praestare, hominibus huic labori vacantibus, si et non ab eo aegrotent, ut in Americae australis mercurii fodinis fieri solet, otium longum, ruralemque aërem in loco calido concedere, iisque, ut rus colant, permittere. Quo otio laborumque vicissitudine et morbos a mercurio productos, tremorem articulorum inprimis, curari.

Ad alios minerarum, inprimis pulueris influxus varia praesidia enumerantur, in iis autem hoc maximum esse Noster asserit, si grato otio, necessariaque laborum vicissitudine intercurrente, corpus a mineralium fossione aegrum, refocilletur. Hoc modo valetudinem metallifossorum in America potentissime praeservari.

**p. 121.** Nunc ad officinas Noster transit, liquandis mineris metallicis dicatas. Maxime convenire, si hae officinae in loco excelso, aëri ex omni parte aperto, posita sint. De furnis spiraculisque instruendis, et qualis diaeta in hoc labore occupatis conveniat. Officinarum, in quibus calx viva ignis ope para-



paratur, ad suffocandos vapores metallicos mineralesque varios, vsus.

Absoluta hoc modo de metallifossorum morbis tractatione, penitus a Cl. editore profecta, quum in RAMAZZINII libro, si anicularum quasdam fabulas excipias, hi morbi penitus fere omissi sint, *septima sectione* Noster eorum morbos pertractat, qui p. 126. *in laboribus suis corpora mineralia frequenter tractare debent*, praemissisque generalioribus quibusdam, ad chymicorum morbos transit, in quo capite plures particulares historiae, ad celeberrimorum quorundam chymicorum morbos spectantes, traduntur. Laboratorium ad hos morbos arcendos bene instruendum, carbonumque vaporem vitandum esse. De alchymicorum morbis quaedam, inprimis de sanae mentis ex horum laboribus facili laesione.

De aurifabrorum et deauratorum morbis altero capite agitur. Sessionem continuam, carbonum vapores, mallei frequentem vsus, variosque minerales vapores ad eorum morbos multum, maxime autem *deaurationem*, quae mercurii ope fit, conferre. De symptomatibus ex mercurio a deauratoribus sub vaporum forma ingesto. In medicinis plurimis, quas ad deauratorum morbos Noster allegat, electricitatem omnibus aliis praefert. Quare mercurius sub vaporum forma ingestus tam vehementer noceat.

De iatraliptarum eorumque morbis, qui mercurialia vnguenta frictione in corpus ingerunt, tertio capite agitur, in quo fere omnia ad ea redeunt, quae cap. 2. dicta sunt.

Quarto capite *sulphurariorum* morbi exponuntur p. 162. in iis partim, qui sulphuris mineras effodiunt, ex iisque sulphur praeparant, partim et in iis, qui crudum sulphur in fila ducunt, obuii. De sulphuris

crudi varieque praeparati varia virtute plura proponuntur.

Quinto capite de *gypfariorum* et *calcariorum* morbis agitur, et de eo, in quo gypsi venenata qualitas lateat. De calcis viuae pulueris noxis variis, inprimis in pulmones illati, et de calore, cui calcarii in calce praeparanda exponuntur. Quantaquamque lethiferae noxae in conclauibus calce viva recenter obductis commorantibus expectandae sint.

p. 183. Nunc ad *figulorum* morbos transitus est, qui paene omnes a materiis mineralium, calciumque metallicarum tractatione pendent. Plumbum inprimis a figulis frequenter adhiberi, ex eoque morbos iis frequentissimos esse. Extispicia figulorum, qui ex labore suo sanitatis labem contraxerant. De figulorum colica saturnina, paralyfi, hemiplegia, caet. Multum etiam ad figulorum morbos smaltam conferre, qua coeruleum colorem elegantem vasis suis conciliant, nec non varium in laboribus suis corporis situm, madorem argillae tractandae, caet. Electricitatem et ad figulorum morbos plurimum valere.

p. 194. Hanc tractationem *pictorum* et *tingtorum* morbi excipiunt. Pictoribus plurimos etiam morbos esse ex animo penitus ad picturam suam intenso, et ex corporis continuo situ, quem in laboribus suis obseruant. De vernicis exhalationibus maxime noxiis, et de variorum colorum exhalationibus. Plumbi calces et in pictoribus plurimos morbos producere, colores tamen ex vegetabili regno desumptos omni noxa haud carere. — Tingtores ab atmosphaera vaporibus referta eos circumdante, valde laedi, inprimis quum hi vapores ob varias tingentes materias vario modo acres sint.

Phar-



*Pharmacopolarum* morbos plures ab officinaep. 209.  
 frigore hyberno, statione caet. plurimos vero ab  
 exhalationibus corporum, quae frequenter tractant,  
 pendere. Venena etiam, in quibus versantur, mul-  
 tum ad hos morbos conferre.

Ultima sectione *eorum morbi* pertractantur, qui p. 222.  
*durantibus suis laboribus igni frequenter expositi sunt*,  
 primoque capite morbi ab aestu ignis nimis inten-  
 so carbonumque vaporibus oriundi exponuntur. De  
 caloris effectibus generatim, posteaque de effectibus  
 caloris inaequalis, cui v.g. anterior corporis pars ex-  
 ponitur, posteriore frigente, et de effectibus caloris  
 in caput, os, pulmones, caet. agitur. Carbonum  
 vero vapores duobus modis corpus afficere, altero,  
 quo in nervos, altero vero, quo in aërem agunt,  
 eumque ad respirationem ineptum reddunt; nec  
 frequentissimos effectus hos esse, quibus hi vapo-  
 res mortem inferunt, quum longe frequentius va-  
 rios morbos inducant.

De vitriariorum morbis altero huius sectionis  
 capite agitur. Speculariorum morbi ex RAMAZ- p. 236.  
 ZINIO traduntur, tertioque capite de eorum mor-  
 bis agitur, qui in aere fundendo et variis cupreis  
 vasis parandis occupantur. De cupro veneno cor-  
 pori varie infenso, et de eius aerisque vaporibus fa-  
 cile durante fusione, in vapores eleuandis. Capil-  
 lum in hoc opere versantium virore quodam ab his  
 vaporibus obduci. Has vaporum noxas et in his  
 notabiles esse, qui talia opificia discunt, eosque pae-  
 ne omnes in initio vomitum experiri. Mallei vsus  
 opificiaque eius ope peracta quantas noxas adfe-  
 rant. Sanguinis sputationem eo inprimis conci-  
 tari, eamque hanc ob causam in librorum compa-  
 ctioribus valde frequentem esse, disponere tamen in  
 his ad haemoptysin et vapores glutinis animalis,  
 quibus hyemali inprimis tempore frequenter ex-  
 positi

positi sunt. Auditum difficilem his hominibus etiam frequentem esse. Tandem et politurae laeuigationisque vtenfilium paratorum damna expenduntur.

p. 251. Stanni et plumbifusorum morbi quarto capite exponuntur, ex stanno tamen puro morbos parcos valde esse, omnesque paene stannifusorum morbos a plumbo pendere, plumbifusorum morbos autem longe frequentiores esse. In ferrariorum fabrorum morbis oculorum morbos et articulorum frequentissimos, pectoris autem morbos raros esse.

p. 267. Huic alteri volumini plura additamenta ad primam partem referenda adnexa sunt. Coriarios adeo a pellibus animalium morbidorum laedi. Corticum quernorum vsum ad gangraenam externum Cl. Auctor nouis experimentis demonstrat. De morbis eorum, qui gluten ex variis animalium partibus parant. Hos ob putrida effluvia annis 1771 et 1772. epidemicis putridis febribus frequenter occubuisse. Multas noxas et conualescentibus ex madore linteorum recenter lotorum et non probe ficcatorum esse. In lanionibus excretionis vrinae vitia frequenter obseruari. Morbi foricariorum ex obseruationibus Cll<sup>orum</sup> LABARIE, CADET et PARMENTIER vberius enarrantur. Quantas noxas molitoribus pistoribusque tractatio frumenti corrupti inferat. Molitores etiam, prae pistoribus, asthmae frequentissime corripiri. Lanae lotionem cum acerrimo lixiuio sanitati variis modis inimicam esse. Gossypii carminationem toti oeconomiae animali in iunioribus, inprimis virginibus, in quibus natura menstruum fluxum molitur, insidias struere.

p. 294. De coactiliorum (eorum, qui pileos parant) morbis singulari capite tractatum est, iique morbi medicorum attentionem eo magis merentur, quum et Academia scientiarum Parisina nuper quaestio-

nem



nem de iis auertendis curandisque proposuerit. Hos opifices a pilis psilothro quodam praeparatis, acutis, acribus, oculos, pulmones, ventriculum copiosissime petentibus, inprimis laedi, indeque lippitudines diuturnas, faucium inflammationem, phthisin pulmonalem, caet. produci. In condensationis opere plures a carbonum vaporibus laedi, et subinde necari; condensationem autem vltiorem, quae fullonio quodam opere peragitur, ob copiosissimos acerrimosque subinde vapores opificis corpus circumdantes omnis paene generis morbos copiose producere, pulmonum autem morbos, ob alios iam labores iis frequentes, inprimis augere.

Pannorum laneorum textores, qui opificium suum stando peragunt, paucis morbis obnoxios esse; neruorum autem morbos ex eo tempore longe copiosiores factos esse, ex quo sedentariorum opificum in Germania copia increuerit. Ipse autem Cl. Auctor, qui in oppido quodam physici munere fungitur, in quo paene omnes (incolarum numerus ad 4000 est) in pannis laneis tibialibusque ex gossypio parandis versantur, pluresque inprimis mulieres in nendis, duplicandis, praeparandis, caet. filis laneis gossypinisque occupantur, morbos, qui ex sedentariis his opificiis oriri solent, diligenter obseruavit. Hypochondriacum malum, morbosque ex haemorrhoidibus, digestionis vires deprauatas, cachexiam, humorum corruptionem variam, serofulas, herpetem, purpuram chronicam, chlorosin, leucophlegmatiam, articulorum tumores frigidos, fluorem in iunioribus inprimis mulieribus album, fluxus menstrui ataxiam, pectorisque morbos varios, inprimis pectoris oppressionem haemoptysinque morbos his hominibus frequentissimos esse, febres vero puras mereque sanguineas inflammationes, intermittentes febres, et calculum vesicae renum-

que raros valde, imo rarissimos his opificibus morbos esse.

De morbis eorum, qui tibialia texunt, ulterius agitur. Multos imprimis, qui ad hoc maxime sedentarium opificium accedunt, pessime affligi a continua sessione. Morbi demum singularis plane quoad sua symptomata in tali opifice lethalis historia adnectitur. Erat ex Nostri sententia aneurysma cordis aut aortae arteriae; nos vero morbi essentiam in pulmonalium venarum varicibus constituisse arbitramur.

Sartores quare tam frequenter aegrotent. Petus in omnibus, qui in corio rebusque duris nendis occupantur, vehementer laedi.

p. 320. De cursorum, equisonum, baiulorum morbis plura subnectuntur. De strumis eorum, qui onera in capite gestant. Haud malo consilio operi denique index additus est.

XXII.

Journal de médecine, chirurgie, & pharmacie, &c. A. 1780. Tom. LIII. à Paris. 8. p. 576. & Tom. LIV. p. 576.

i. e.

Diarium ad medicinam, chirurgiam, pharmaciam etc. pertinens.

*Menfis ianuarius.*

p. 24. 2) **D**USAUX de usu sanguisugarum applicatarum in parte affecta in quibusdam casibus. Laudantur eae in doloribus vehementibus, in articulatione brachii cum humero obortis, post rheumatismum et vapores, in podagra, in carie ossium, in vulneribus pulmonum.

3) LV.



3) LUDOVICI BILSII *methodus balsamandi* p. 31.  
*corpora.*

4) *Disquisitio discursus praeliminaris versioni CHAYRON operis Thedenii cuiusdam praemissa ab HOIN.* Praecipue aduersus|vsum forcipis in arte obstetricia eiusque correctores LEVRET et SMEL- p. 39.  
LIE insurrexit Noster, demonstrando pericula pro-  
venientia, si adhibentur, antequam sufficiens exer-  
citium et omnibus numeris absolutus habitus sit  
acquisitus. Etiam in exercitatissimis manibus in- p. 40.  
vtilem esse forcipem in capitis inclauatione, aut si p. 48.  
caput ad latus, aut oblique descenderit in minorem  
peluim, aut si fonticulus vel bregma anterius in-  
trauerit minorem peluim et medicus hanc peruer-  
sam situationem nequeat corrigere.

5) BERTHOLETI *specimen de causticis salibus et* p. 50.  
*praecipitatis metallicis.* Commemorat Auctor expe-  
rimenta instituta cum mercurio varie praeparato,  
sale ammoniaco, aliisque, atque simul prouocat ad  
Cl. chymicorum auctoritatem.

*Mensis februarius.*

I) *effectus ptisanæ Caraibensis etc.* Obserua- p. 97.  
*tiones omnes curandi methodos morborum venereorum*  
*concernentes Auctore MITTIE, nouae observationes*  
*FABRE de morbis venereis et effectus ptisanæ Carai-*  
*bensis in morbis venereis propositi a SAINT LEGER,*  
*DE HORNE, BACHER et ROUSSEL DE VAUZESME.*  
Hac ptisana descripta eiusque virtute declarata cum  
adiectis observationibus et incommodis sudorifico-  
rum et purgantium tanquam vnicorum et princi-  
pum remedium in morbis venereis expositis, MIT- p. 108.  
TIE observationes laudantur, et FABRI observatio- p. 112.  
nes commendantur.

2) *Continuatio observationum GOULINI de no-* p. 124.  
*ua editione aphorismorum HIPPOCRATIS.*

- p. 144. 3) *BROCOT de amputatione brachii absque ligatura*: Reiterata venae sectione, et applicatis emollientibus et deterfiuis brachium vulneratum feliciter amputatum est.
- p. 153. 4) *Morbus dysentericus observatus a Cl. MARET*. Refertur ille ad putridos, qui funestum exitum habent, nisi bene ac legitime curetur, illeque viros, feminas, infantes et adultos absque omni discrimine inuasit. Suum autem stadium quatuor absol-
- p. 154. vit periodis, quarum 1) leuiter aegros male se habere declarat, cum prostrato appetitu, nauseis, doloribus stomachi, ore pessimo et interdum vomitionibus. 2) sanguis tunc primum prodit, lingua interdum colore suo gaudet, interdum mucositate alba obducta, sitis adest, vel deest, nausea pergit, pulsus est vel naturalis, vel parum febrilis, cutis magis sicca quam humida, venter tumidus, deiectiones frequentes, dolores, tenesmi, materia euacuatur flaua vel cum sanguine, vel tincta, in quibusdam sanguis purus exit, insomnia accedunt. 3) deiectiones cum prioribus symptomatibus
- p. 158. fiunt foetidae et saniosae, 4) deiectiones iterum sensim sensimque ad naturalem statum accedunt, non sunt tamen ita frequentes, nonnulli moriuntur, quidam conualescunt. Remedia etiam addita sunt cum formulis.
- p. 170.
- p. 176. 5) *BAILLET de conformatione monstrosa*.

*Mensis martius.*

- p. 192. 1) *CLAVD. REVILLON disquisitiones causae affectuum hypochondriacorum, vulgo vapores appellatorum, cum appendice de corporis conditione in transpiratione perfecta et aëre temperato*. Omnis quae-  
stio eo redit, praecipuam causam affectuum nervosorum esse transpirationem suppressam, quae restituenda sit, ope regiminis ac medendi methodi.

Ex



Ex qua elicit Noster, transpirationem minus recte p. 198.  
 procedentem vaporosis affectibus fauere, et demon-  
 strat animum potissimum sic affici, vt passiones, et p. 200.  
 immoderati labores voluptasque hos producant lae-  
 dendo digestionem et transpirationem impediendo  
 aut supprimendo. Tandem affectus vaporosi fiunt p. 203.  
 eo grauiore, quia imminutio transpirationis di-  
 gestionem alterat, et imperfectior reddita haec fun-  
 ctio transpirationem imperfectam esse efficiat.

2) *Continuatio et finis disquisitionis discursus prae-* p. 207.  
*liminaris HOIMI.* Respondere pergit Auct. ad quae-  
 stiones, num forceps corrigat vitiosas situationes?  
 num diminuatur diametrum corporis, vt extrahi pos-  
 sit? Docet forcipem extendere dimensionem lo-  
 corum, per quae fit transitus, et tandem perstrin-  
 git vberius ea, quae a LEVRETO de vsu forcipis p. 210.  
 sunt tradita, et argumentis firmis defendere  
 tentat.

3) *BAVMII observatio de comate somnolento.* p. 226.  
 Belle huius morbi historiam suppeditauit atque  
 animaduersiones egregias adiecit, quae non nisi  
 possunt esse gratissimae.

4) *BOUCHER de rheumatismo epidemico in re-* p. 243.  
*gionibus Flandriae autumnii tempore 1782.* Prae-  
 cesserat hunc affectum diarrhoea, quam variae rheu-  
 matismorum sunt secutae species, videlicet rheuma,  
 bronchus, epiphora et coryza; naturam, sympto-  
 mata atque sedes huius morbi accurate indagauit  
 Noster, et pro diuersitate symptomatum diuersas  
 quoque vias medendi ingressus est.

5) *BONCERF observatio de obduratione intesti-* p. 254.  
*ni recti.*

6) *BERTHELOTI observatio de metastasi quadam*  
*peculiari.* Febrim continuam admodum vehemen-  
 tem infecuta metastasis morbosae materiae in bra-  
 chio, vbi vlcus ortum et sanatum est.

p. 264. 7) SCHÜLER *de egregio vini effectu in marasmo post longam suppurationem et gangraenosa vulnera.* Vini Burgundici aegro propinabatur per omnes horas vnum cochlear, successiue illa dosis aucta, vt pus et vulnera intra breue tempus naturalem reciperent colorem, pulsus fiebat fortior, gangraenosa eschara decidebat, appetitus et actiones animales et vitales ita augebantur, vt intra tres septimanas conualesceret, sed tussis frequens et violenta accessit, quae quoque repressa est.

*Mensis aprilis.*

p. 289. 1) DE LA ROCHE *analysis functionum systematis nervosi, quae introductionis loco examini practico morborum nervosorum esse potest.* Lektionibus CULLENII Angli superstructum est hoc systema, et Noster praeprimis tractat physiologiam nervorum.

p. 291. Omne autem nervosum systema absque omni discrimine principium comprehendit vitale, omnes functiones nervorum coniunctim et subordinate respectu necessariae cuiusdam et perpetuae relationis, vnde diuidit illud in quatuor partes, cerebrum, nervos, extremitates nervorum sensiles et mobiles:

p. 295. Ordinem motus declarat Noster, sensationes, et hi-

p. 302. storiam organorum motus, fibrarum, et musculo-

p. 310. rum, et de cerebro, de sympathiis, de natura fluidi neruei et causa caloris animalis differit.

p. 312. 2) SUMEIRE *de conuenientibus morborum biliosorum et febrium intermittantium et remittentium characteribus.* Institutis in paludosis regionibus observationibus intellexit febres intermittentes et remittentes ibi esse endemicas saepiusque epidemicas ex humoribus biliosis putridisque ortas. Itaque omnes ortus harum febrium circumstantias, phaenomena tempore paroxysmorum, omnesque effectus



effectus spontaneos animaduertit, atque iis mederi studuit.

3) DE LA PLANCHE *de ratione producendi* p. 322.  
*aetherem nitrosum, liquorem mineralem anodynum nitrosum, acidum nitrosum fumantem et spiritum nitri dulcis.* Ex multis repetitisque experienciis, quas ad modum BUCQUETI instituit, haec commentatio consignata est litteris.

4) DESGRANGES *de quodam genuum morbo.* p. 331.

5) PLANCHON *de febre miliari puerperarum* p. 340.  
*eiusque cura.* Origine et progressu huius morbi p. 344.  
 descripto Noster characterem, signa et symptomata, et differentias, quatuorque periodos huius febris accurate exposuit.

*Mensis maius.*

2) BRIOUDE *de quibusdam remediis hodie admodum* p. 397.  
*usitatis in nonnullis urbibus Francogalliae.* Hic potissimum de magnesia, eius chemico examine, virtutibus et usu loquitur Auctor.

3) SIMEIRE *de ligaturis periculi plenis in hae-* p. 413.  
*morrhagia narium extremitatibus applicatis.* Exemplo docet, intercepta sanguinis periodo per extremitates inferiores et superiores imminui affluxum versus cor eiusque circulationem et actionem lentiores effici, mortemque accelerari.

4) *Observatio* GRATELOUP *de hernia pleurae.* p. 416.

5) IAYMES *observatio de effectibus noxiis nu-* p. 424.  
*cum prunorum deglutitorum et in duodeno commorantium.*

6) *Continuatio et finis dissertationis* PLAN- p. 432.  
 CHON *de febre miliari puerperarum.* Persequitur Noster symptomata in vniuersum benigna, circumstantias praecedentes et consequentes, febris miliaris maligni stadia et symptomata. Differentia fe- p. 438.  
 bris miliaris recens puerperas infestantis et epide- p. 441.  
 micae,

p. 444. micae, diuersitas coloris pustularum, et curandi ratio secundum suas periodos, colorem, symptomata et circumstantias fusius declaratur, modusque, quibus in posterum haec febris possit praecaueri.

*Mensis iunius.*

p. 480. 1) DUCHANOT *tentamen de arte imitandi aquas minerales.* Cognitis et disquisitis aquarum mineralium principiis docet, qua ratione ars iisdem proprietatibus aquas communes impraegnare possit.

p. 500. 2) DIEULEVEUT *observatio de dysenteria in Tregueria Britanniae inferioris et vicinarum regionum.* Coniuncta erat illa cum febre et vomitionibus, mucilaginosa et antiputrida praesidia egregios produxere effectus.

p. 506. 3) MAURET *de morbo dysenterico epidemico,* qui eodem, quo superior, tempore, alias non longe distans inuasit regiones, qui tamen paulo ab illa differre videtur, nam eundem ad febres biliosas putridas et inflammatorias refert, aliaque methodo iis mederi curauit.

p. 513. 4) BAUME *observatio de morte ex accedente cholera versus finem felicitis resolutionis lacteae congestionis.* Honeſta quaedam femina ob matris suae mortem, et inde contractum moerorem liberis suis lactandis minime par erat, ex copia vero lactis facta est eius congestio inflammatoria cum febre hectica, quibus salia diuretica in decoctionibus aperitiuis, laxantia et alia his casibus propria remedia fuere adhibita; his quidem cessit congestio, sed febris novas vires recepit, quibus opposita est china, quam diarrhoea biliosa lactea insecuta est, verum et diarrhoea cessit et febris soluta est, nihilo tamen secius omnia in deterius ruere, et cholera mortem acceleravit.



5) MASSOT *de vulnere caeso a furca, orbitam in p. 530.*  
*superiori palpebra versus oculum sinistrum intrante*  
*cum laesione cutis superioris ac inferioris hanc cauita-*  
*tem inuestientis.*

6) FOST *observatio de cauendarum apertura p. 535.*  
*rum sinuum omnium et aduersorum possibilitate.*  
 Commemoratis duabus historiis planum fit, com-  
 pressionem sinuum eorum incisioni quam longissi-  
 me esse praeferendam.

7) LECHARTIER DE LVCIVEL *de vaporibus p. 540.*  
*per vesicatoria curatis.* Causam omnem suppressio-  
 ni mensium et fluoris albi tribuit, quippe qui ma-  
 lignos humores ad nervos propulsarunt, vesicato-  
 riis autem vapores inde orti cessarunt.

*Mensis iulius.*

T.LIV.

2) *Responsio in forma epistolae consultationem p. 32.*  
 DESGRANGES *concernens.*

3) *Alia responsio de eodem argumento ab ESN. p. 39.*  
 DELAVALLE'E. In ambabus de spina ventosa dif-  
 feritur.

4) BAVMES *de adhibenda diuersis temporibus p. 42.*  
*venaesectione in pleuresi.* Celeberrimorum virorum  
 in arte medica testimonia et auctoritates pro venae-  
 sectione admittenda in hoc graui diroque laudat  
 morbo, eaque tempestiue instituta crisin fieri ex-  
 pectoratione facili, sufficiente et leuante, perque  
 plurimos dies durante.

5) MAVREL *de morbo verminoso. Dolores p. 60.*  
 pleuritici a vermibus orti hunc morbum produ-  
 xere, cui succurrere studuit Auctor duabus drach-  
 mis musci Corsici in decocto datis cum dimidio sac-  
 chari cochleari; altero die iterum duas musci eius-  
 dem drachmas, vnam rhabarbari, duas salis Epso-  
 mienfis et duas vncias Syrupi florum persicorum  
 exhibuit, quibus assumtis magna vermium copia  
 expulsa

expulsa est, haec remedia continuata sunt interpositis purgantibus ex octo granis diagrydii, sex mercurii dulcis, et duodecim musci Corsici in pulverem redacti.

- P. 65. 6) DUPPIN *de partu laboriosissimo, sectione Caesarea terminato.* Femina triginta quinque annorum, pedum et coxarum mala conformatione in infantia ex rachitide praedita, nixibus ad partum per septem et viginti horas defatigata, Caesareae sectioni subiecta fuit.

*Mensis augustus.*

- P. III. 2) GRATELOUP *compendiosa enarratio morbi Ducros Duboscq.* Eques ille illustris usque ad annum aetatis sexagesimum prospera usus valetudine, subito fatigatum sese sensit, et fortissima febris correptus est cum deliriis et alteratione, venaesectio et vomitoria incassum adhibita sunt, accessit febris putrida, rheumatismus, tussis, ingentes dolores in renum regione, ardor in pectore et hypochondriis, dolores laterum vagi, insomnia, difficilis respiratio, vomitus cruentus, tandemque exspiravit. Cadavere aperto versus spurias costas in conspectum venit tumor oui magnitudinem aequans, steatomaque referens, fel ipsum magnum apparuit, ibi quoque tumor steatomatosus fuit aequans magnitudinem oui columbini, cor ipsum paulo minus, quam corporis statura exigebat, et in ventriculis polyposae fuerunt concretiones, in aorta eiusque fibris etiam polypi haeserunt.

- P. 128. 3) *Epistola* CRAISME, cuius argumentum fecunditas imperiorum est.

- P. 132. 4) ARCEUS *observatio de effectibus pessimis prunorum flauorum.* Descriptis his, historiam subnectit de tribus pueris mane hos fructus comedentibus, qui sese lassos, fatigatosque senserunt, atque ita obfopiti sunt,



sunt, ut vix excitari potuere. Noster accersitus illos hoc in statu inuenit, cum spiratione suppressa, et convulsionibus; tartarus emeticus, oleum oliuarum, syrups emeticus, venaesectio, clysteres emollientes, stoechas arabica et antispasmodica egregie profuerunt.

5) MARTIN *de effectibus semicupiorum domesticorum in deliriis.* Quidam peripneumonia correptus, venaesectio frustra adhibita, et vomitu cruento excruciat, semicupio a delirio accedente liberatus est. p. 137.

6) ABEL *de noua methodo dentes incisores et caninos extrahendi;* fit illa ope filorum vel sine, vel cum lamina adhibitorum, aut ligno aureo, quod ab vna parte est immobile, ab altera vero cum lamina moveri potest, torquendo, itaque dentes hoc instrumento extrahuntur. p. 141.

7) *Epistola* MARETI, qua PAVLETVM mala fide in citando egisse affirmat. p. 144.

8) *Observatio de electricitate medica.* p. 161.

*Mensis september.*

1) *Observationes de magnetismo animali* Auctore DESLON. Tribus articulis totum opus absoluitur, primus historias persanatorum continet, in altero rationem reddit de suo procedendi modo, et in tertio MESMERI doctrina explicatur operandique modus. p. 193. p. 199.

2) SCHMALL *observationes de podagra.* Chinae usum in podagra praeprimis laudat.

3) *Observationes* BAYME, quibus declarat regulas prognosticas in morbis acutis esse incertas. In gratiam iuniorum medicorum hae observationes sunt litteris consignatae. p. 237.

4) *Observationes de quibusdam ferri praeparatis, in specie de aethiope martiali* Auctore OPOIX. Recte iudicat Noster, ferrum, si usum medicum speramus, p. 244.

- ramus, debere in minimas partes lima diuidi atque rori exponi, quae in puluerem redactae crocum
- p. 247. martis aperituum sistunt. Diuersos deinde aethiopis martialis praeparandi modos proponit, triturationem esse admodum longam et difficilem, Croharrii autem methodum palmam utique promereri.
- p. 253. 5) PLANCHON *tentamen de aquis mineralibus fontis Saulchoir*. Dissertatio praeliminaris varia huc
- p. 260. spectantia tractat, deinde A. Cl. verba facit de situ fontis Saulchoir et de principiis huius aquae, atque experimenta cum iis instituta commemorat.

*Mensis october.*

- p. 289. 1) *Continuatio obseruationum DESLON de magnetismo animali*. Supra iam de iis obseruationibus differuimus.
- p. 317. 2) *Obseruatio de lactea quadam chronica depositione*, quam femina quadraginta annorum in quinto puerperio passa est, quum ipsum lactare cuperet infantem. Inflammatoria conditio venaesectio-  
ne et antiphlogisticis dissipata est medicaminibus, febris imminuta est, et lac copiose rediit. Menstrua per tres menses suppressa sunt restituta, sed flatulentiis et colicis saepius infestata est, quae tamen clysteribus et purgantibus sunt dissipata. Sexta demum vice parturit, in quo primum bene se habuit, postea ventre constipata fuit et colica infestata, quae tamen clysteribus, balneis emollientibus, et ptisanis leuiter aperientibus admodum sunt leuatae. Rediit tamen malum cum ardore, dolore epigastrico, et constipatione. Diaeta mucilaginosae antiphlogistica, venaesectio in brachio, semicupia ex aqua calida, fomentationes, iniectiones in anum et vaginam, balnea vaporosa, applicatio sanguisugarum, clysteres emollientes, vius lactis asinini praestiterunt egregios effectus.



3) MARTIN *observatio de peculiari luxatione* p. 328.  
*cartilaginum costarum.*

4) HUSARD *de catarrhali equorum morbo anni* p. 333.  
1776. Omnia symptomata accurate Noster sup-  
peditavit, atque mucilaginosi, dulcificantibus po-  
tionibus, suffumigiis, kermes minerali, infusioni  
plantarum aromaticarum et incidentium, kermes  
cum melle, pulveri Liquiritiae, omne fere tribuit.

5) PLANCHON *continuatio tentaminis de aquis* p. 338.  
*mineralibus.* Experimenta cum examine et quae-  
stionibus auctoris hic suo ordine commemorantur.

*Mensis november.*

I) CHAPPOT *systema naturae de pure scrophu-* p. 385.  
*loso.* Praefaminis loco Noster sententias de scro-  
phulis quamplurimorum medicorum ab HIPPO-  
CRATE ad nostra usque tempora recenset, atque  
examine subiicit rigorosiori commentationes aca-  
demiae regiae chirurgorum praemii obtinendi cau-  
sa exhibitas. Ipsa autem tractatio de signis, quae p. 389.  
principiorum loco esse possunt, agit, et de caracte-  
re sanguinis scrophulosi, humorum et spirituum, ex  
quibus quatuor signorum fiunt classes, illa 1) dedu- p. 390.  
cunt dyscrasiam siue malam carnis conditionem ex  
sensilitate excessiva, et statu oris 2) produnt sese per  
excretiones humorum, tincturam et colorem cu-  
tis, conformationem externam, per conseruationem  
subiecti et motus musculares. 3) constituunt fun-  
ctiones vitales animales, tussis, vox et actus vene-  
reus 4) signum recurrens, quia symptomata hoc  
signum producentia ab individuali mala pendent  
dispositione, vel a causis proximis morborum scro-  
phulorum, et principio mobili malarum disposi-  
tionum scrophulosarum. Denique tractat in se- p. 394.  
ctione quinta duobus capitibus dispositiones indivi-  
duales, et influxum atmosphaerae.

p. 402. 2) *Observatio ARCEI de tympanitide hysterica.* Examinato et cognito morbo, infusio chamomillae, potio antihysterica ex syrupo de nymphaea, aqua florum Aurantiorum, viginti guttis tincturae castorei et dimidia drachmae spiritus mineralis anodynii cum sex unciiis aquae florum tiliae mixtis egregie profuit.

p. 407. 3) *CASAUBIEL de morbo quodam nervoso.* Virgo quaedam viginti quatuor annorum usu saponaceorum ad discutiendum tumorem claviculae sinistrae, nervorum spasmos sibi contraxit cum agrypnia et urinae frequentiori et difficili emissionem, quae omnia relaxantibus et antispasmodicis lenioribus sublata sunt.

p. 408. 4) *Analysis CAZALE aquae mineralis putealis Covy.* Inquirat Noster in fontes et naturam terrae, quam transeunt, determinat temperaturam aquae ope thermometri cum mercurio, et examinat naturam vicini aeris, ex quibus qualitatem aquae declarat.

p. 425. 5) *IVYMES observatio de efficaci applicatione sanguisugarum in mania et epilepsia.*

p. 430. 6) *FLEUR observatio de fractura humeri.*

p. 436. 7) *EI. consultatio ipsius coniugem concernens de tumore matricis in regione dextra oborto.*

p. 441. 8) *DVBB consultatio de malo quodam ischiadico.*

9) *CROHARE de aethiope martiali ad OPOIX.* Varias obiectiones et dubitationes Cl. OPOIX proponit, atque ut eae solvantur humanissime petit.

*Mensis december.*

p. 494. 2) *HOUDRY observatio de morbo chronico.* Ille morbus ad vaporosos et systematis nervosi est referendus, quem aptis remediis Noster persanavit.

3) PO-



3) POTHONIER *de pleuresi rheumatica venae*-p. 504.  
sektionen sublatas.

4) SCHÜLER *de praeiudicio Heluetiorum*, quo p. 507.  
omnes morbos inflammatorios pecudum pectoris pro  
pulmonum morbo venditant. Ex inspectione cada-  
verum redarguit hoc praeiudicium asserendo ac de-  
monstrando hunc morbum fuisse peripneumoniam,  
atque VITETI, CLARETI, HALLERIQUE auctoritate  
et verbis ductus suam sententiam ulterius confirma-  
re studet.

5) IMBERT *de ruptura matricis, qua factum est*, p. 534  
*ut infans per ventrem debuerit emitti.* Hoc in casu  
suadet sectionem caesaream, ut vitam retineant  
gravidae.

6) DESGRANGES *explicatio effectuum morbi*  
*cuiusdam genu virginis Berth.* Lectu digna non  
solum est historia morbi, sed etiam medendi ratio.

7) TAILLARDANT *observatio de ranula conti-*  
*nente calculum.* HEISTER et LOUIS operationem  
huius tumoris eiusque simul naturam ac indolem  
descripserunt, ergo nihil de ea profert, reiicit ta-  
men SOULIERI medendi rationem per phlegma-  
goga: deinde historiam ipsam morbi narrat, qui in-  
festauerat pauperem feminam quadraginta trium  
annorum, quae vix paruum panis frustulum assume-  
re potuit, et quam operatione instituta feliciter  
sanavit.

### XXIII.

*Die Geschichte der Kriebelkrankheit, besonders derje-*  
*nigen, welche in den Jahren 1770 und 1771.*  
*in den Zellischen Gegenden gewüthet hat, beschrie-*  
*ben von IOHANN TAVBE. Göttingen. 1782.*  
*2 2 Alph. in 8. nebst einem Kupfer.*

i. e.

Historia morbi spasmodico - convulsiui epidemici vagi, inprimis illius, qui annis 1770 et 1771. Cellensem regionem peruasit. Auctore IOANNE TAVBE.

**D**iu expectatus hic desideratusque liber, post varia, quae ipse sustinuit, fata, demum in lucem prodiit, lucupletissimam locubratissimamque dirisfimi huius morbi historiam continens, ita ut paucos morbos habeamus, in quibus tantum operae, quam in hoc, infumtum sit.

Ipsa Celeb. Auctor hunc morbum (quod et historiae libro additae probant) tam copiose observavit, ut ipse asseueret, e medicis nostri temporis nullum esse, qui hunc morbum homines tam copiose vehementerque inuadentem observauerit, utque ipsum hoc opus ex solis observationibus a mense Septembri 1770. collectis natum sit. Id vero eo facilius euenire potuit, quum partim sanitatis hoc morbo affectorum cura a reipublicae proceribus illi, aliisque medicis Cellensibus-Hannoveranisque, DE LEYSSER, ZIMMERMANN, THAER, MEIER, WICHMANN demandaretur, partim et omnia, quae valetudini publicae ullo modo obistere valent, ipsius memoratorumque medicorum consilio a plebe diligenter auerterentur.

P. I. His praemonitis Noster ad *morbi spasmodici historiam* transit. Hyems a 1769 - 1770. frigidissima, perdurans fuit, eamque aestas sequuta est, frequentibus caloris, frigoris pluviarumque vicissitudinibus. Nebulae, inprimis in secalis flore, frequenter inciderunt, pluuiasque saepius incidentes vrens calor subito excepit. Messis tempore tempestas constantior fuit, in frumenti vero aristis guttae ex luteo albae, pellucidae copiose observatae sunt.



sunt, apesque, has guttas colligentes, omnes interierunt. Quum ex hac frumenti peste secale cornutum frequenter proueniret, plures medici graues ex fecali hoc, vbi malignum euasisset, morbos praefagierunt.

Quum iam messis tempore rustici fecalis sui collecti partem in farinam tritam ad panem statim adhibeant, eumque panem calidum adhuc ingurgitent, hanc consuetudinem et incolae pagi *Lutter* obseruarunt, in quibus morbus d. 29 mens. Augusti primum apparuit, magis magisque postea epidemia sensim dilatata, ita vt Decembris initio et Cellensem urbem inuaderet.

Licet partim a proceribus rei publicae, partim a medicis, omni modo incrementis epidemiae prospiceretur, intensior tamen crebriorque quotidie morbus factus est, statim vero remisit, quum ab his, qui publicarum rerum curam gerunt, bonum secale maxime aegris praeberetur. Animalium morbi ex hoc nociuo fecali nulli fuerunt, gallinis et ouibus tantum subinde a spasmodico morbo correptis. Nec bouum lues hoc anno grassata est.

Nunc tabula quadam aegrorum in Cellensi terra p. 17. copia traditur, quae 600. erat, ex quibus 97. mortem oppetierunt, ita vt Septembri mense 1770. et Februario Aprilique 1771. plurimi aegri eam obirent.

Altera sectione morbi ex scriptoribus historia p. 20. traditur. Morbum et antiquissimis temporibus iam extitisse, eiusque iam in S. Codice mentionem iniici Auctor putat.

Primum autem morbum CASPAR SCWENCK-FELD descripsit, ann. 1587. et 1592. in Silesia epidemice grassantem. Prima vberior morbi ann. 1596. grassantis descriptio in celebri isto Marburgensi consilio prostat. Morbi postea DRAWITZIUS ann. 1647. mentionem fecit, in Germania et ann.

1648. 1702. 1709. 1717. 1723. 1736. 1742. in Suecia ann. 1745. 1746. 1754. etc. grassantis.

p. 97.

Morbi quoad symptomata eius historia sequitur, mox acuto, mox vero diuturno modo homines occupantis. In epidemiae initiis omnes acute laborabant, in progressu vero morbus longius perdurabat.

In his, qui acute laborant, *formicationis sensus* princeps symptoma est, quem caecitas, caduca vertigo, articulorum tremor, inanes vomendi conatus, totius corporis, inprimis musculorum flexorum, spasmi et conuulsiones excipiunt. Totum corpus, aegro maxime perturbato, frigidissimo sudore oblitum, os collapsum, pallidum, horridum est. Spuma subinde, saepe sanguinea, ex ore manat, et fitis aegros excrucians ubi potu leuatur, anxietas augeatur. Omnes aegri, ut contracti ipsis articuli extendantur anxie petunt, de ineffabili dolore anxietateque querentes. Conamina ad urinam aluumque demittendam irrita, frequentia adsunt. Pulsus parvus, lentus, interruptus est, et praesentibus dirissimis symptomatibus exploratoris digitum fugit.

Postea verae conuulsiones apparent, cum sensuum et vocis defectu coniunctae, mortem in propinquo esse demonstrantes. Hoc acuto morbo omnes necati sunt. — Cadauera hoc morbo trucidatorum celerrime putrescunt, neque putridus foetor cadauerum incisionem facile permisit. Puer, quem ante meridiem morbus iugulauerat, post meridiem incisus est. Articulos tantus spasmus occupauit, ut nullo modo paene flecti possent. Abdominis integumenta partim ex flauo viridia, partim flaua fuerunt. Ex ore pituita pessime olens manavit, vibicibus in dorso pectoreque conspicuis. Abdomine inciso omentum molle, putridum, ventriculus intestinaque flaua, hepar autem durum et san-



sanguine turgidum fuit. Caeterae omnes abdominis partes colorem pessime flavescentem habuerunt. In ventriculo putride inflammato aqua biliosa, spumescens, in eaque lumbrici putridi continebantur. Fellis vesicula vehementer dilatata bilem viridescentem aqueamque continebat, lien sanguine turgidus, vrinae vesica maxime dilatata, pulmones, cerebri arteriae meningesque sanguine refertissimae erant. In choroideo plexu putredo adfuit.

*Diuturna magis morbi species lente homines cum* p. 105.  
articulorum stupore, appetitus defectu, cordis oppressione, ad somnum propensione, frigoris in abdomine et dorso sensatione et articulorum formatione corripit. Postea spasmi vagi oriuntur, sensim cum caeteris symptomatibus ingrauescentes, ita tamen, ut ex vomitu materiae bilioso-putridae insigne aegris leuamen sit. Spasmi sensim intensiores fiunt, fitimque, acidis, quae maxime cupiunt, leuatam, inanes vomendi conatus excipiunt. Oris color varie mutatur. Aegri articulorum extensionem anxie petunt, dolores potentissime lenientem. Sudor copiosus, pulsus autem tranquillus, parvus est. Vires deficiunt aegris, ecstasi quadam ingruente, quae omnia symptomata, ubi remittunt, insignis ciborum cupiditas aegros inuadit, spasmis, omnibusque dictis symptomatibus postea denuo ingruentibus.

Lac in mammis morbus non mutat, nec pueri p. 111.  
ab eo male se habent. Puerperarum lochia, menstruumque fluxum morbus non mutauit. Nec grauidae vehementius aegrotarunt. — Noui spasmodorum insultus a maxime morosorum aegrorum ira inprimis concitantur.

Quae omnia symptomata ubi per aliquot tempus aegros exercuerunt, eorum induciae quaedam oriuntur, aegris tamen et in his stupidis manenti-

bus et fornicationem sentientibus. Pupilla hoc tempore maxime dilatata, velut in amaurosi affectis est. Duplex iis in quibusdam obiectis, in aliis vero rectus et solitarius visus est. Articulorum tremor, vertigo, cardialgia aegros infestat.

p. 117. Spasms frequenter recurrentibus digitorum in articulis sensus tantopere demum minuitur, vt et candentes carbones ignemque sine omni sensu ferant. In spasms tetanus, quem conuulsiones excipiunt, frequentissimus est, *veram vero catalepsin* Noster in aegris non vidit. Emprosthotonus opisthotonusque rari erant (quod valde mirum est, quum in omni tetano paene opisthotonus adsit). Epilepsiam risumque sardonium in aegris non vidit.

p. 123. In maniam morbus subinde terminatur, quod pessimum est; frequentissime autem in amentiam, saepius in alui profluuium, subinde funestum, pedum oedema, anasarca, fluxus menstrui anomalias, hystericum malum, furorem vterinum.

Subinde et cutanea exanthemata furunculique ex morbo oriuntur. *Elephantiasis* speciem etiam post morbum Noster obseruauit. Crusta alba, splendens, foetidissima articulos obsidebat.

p. 133. Vermes, quorum mentionem nullus paene, qui de hoc morbo scripsit, iniecit, in omnibus aegris aderant, lumbrici inprimis ascaridesque; hisque expulsis aegri conualuerunt. In anthelminthicis emetica, purgantia, mercurii dulcis, radicis valerianae et feminis santonici vsus maxime ad vermes valebant.

Oculorum morbi, inprimis cataracta, a spasms saepissime producuntur, subinde et lingua conuulsio dentium morfu tantopere laeditur, vt loquela aegris postea deficiat; in omnibus vero symptomatibus fornicationis sensus constantissimum est.

His



His symptomatibus morbi prima periodus lente quidem, verum feliciter terminatur, nec vnquam Noster, his praesentibus, morbi in alteram periodum transitum obseruauit. In altera autem periodo morbi symptomata sequentia sunt:

Spasmi in capite maxime saeuiunt. Sensus aep. 146. grorum omnes stupidi sunt. Virium languor, appetitus defectus, inanes vomendi conatus, sitis intensa ab eaque exstincta anxietas intensissima sunt. Noces sine somno transiguntur; pulsus, cute vrente, febrilis est. Os collapsum est, aluus aegro inscio deponitur; vrina pauca, saponacea demittitur, penitus subinde suppressa. De dolore in cerebro ineffabili queruntur.

Lingua in morbi progressu saepissime laeditur, vires vero sensim collabuntur, tetanoque, eiusue speciebus ingruentibus, aegri demum die a tetano tertio iugulantur. — Defunctorum cadauera rigida manent, nec putredinis vis in iis valde magna est. Incidere talia cadauera Nostro non licuit.

In dirissimis vero huius periodi symptomatibus *lenta gangraena* dirissimum est; talem tamen, tamque vehementem hanc gangraenam, qualis a Medicis Parisinis describitur, Noster non vidit. Terebinthinae inprimis oleum putredinem potentissime cohibuit. Vidit Noster perfectam post hunc morbum cutis depositionem, perfecte talem, qualem in cancris fluuiatilibus obseruare licet. Partem depositae tali modo cutis icon huic ex omni parte praeclaro libro additus exhibet.

Morbus difficulter semper sanabilis est; et assiduum continuumque medicamentorum vsum requirit. Symptomata morbum excipientia inprimis maxime diuturna sunt.

De causis morbi nunc agitur. Morbum neque p. 157. a malo victu, inprimis annonae caritate durante,

neque a lolio temulento, nec a raphano raphanistro oriri, epidemiaeque tempore neque lolium, neque raphanum raphanistrum in fecali obseruatum, copiosissime autem fecali *cornutum secale* admixtum fuisse.

Cornutum secale iis in locis, in quibus epidemia grassabatur, ab eo, quod in aliis locis, ab epidemia immunibus, collectum erat, valde diuersum fuit. Colorem habuit, quod in epidemicis locis creuerat, ex coeruleo et gryseo mixtum, tenacissimum, difficulter friabile fuit, odorem nauseosum corrosivumque saporem habuit. In aliis vero locis ab epidemia vacuis collectum album, farinaceum et sine sapore fuit, quae differentia quoad origines huius morbi diligenter notanda est.

p. 165. Multum tamen ad morbum ipsum secale corruptum contulit, corruptio enim tertiam omnis in locis a contagio affectis fecalis partem tentauerat, tali modo, vt ex coeruleo gryseam farinam grana continerent, mucidum adorem haberent et saporem linguae corrosium inducerent. Germen granorum erosum erat, suetaque specifica grauitas iis deerat. Aquae fontanae frigidae secale corruptum aequae ac cornutum innatabat. Coctione in polentam secale cornutum nullo modo redigi poterat, remanensque post coctionem aqua nauseam mouebat. Eadem et de fecali corrupto valuerunt. Omnia cum hoc fecali instituta experimenta docuerunt, *partem animale*m in illo penitus destructam esse, neque tale secale in terram proiectam progerminauit.

Morbus *eos* tantum occupauit, qui panem polentamue ex *tali* fecali paratam deuorauerant, et quamuis morbus non omnes aequali saeuitie inuadebat, omnes tamen, si morbus familiam quandam occuparet, (quidam vero et leuiter) aegrotarunt.

Mor-



Morbum itaque a fecali tali modo corrupto ortum esse certissimum est, et licet huius veneni vis et agendi modus nullo modo explicari possit, interest tamen, vt, vnde haec corruptio orte sit inquiretur. Corruptio intensior in fecali, quod verno tempore feritur, quam in hiberno fuit, (idque fecale plurimi rustici, simul ac collectum est, ad polentam, placentas, caet. adhibent) magis quoque intensa in agris humidis fuit. Quum in flore esset hoc fecale, nebulae graueolentes aliquoties obseruatae sunt, certas tantum regiones occupantes, (humidis agris, tempestate humida continuo existente, talibusque agris, quibus ex luto solum est, huius corruptionis partem maximam adscriberem. Vidi et ego morbum, spasmodico-conuulsium vagum sporadice grassantem, eos tantum occupasse, qui panem ex fecali recenter ex agris in tota vrbis regione maxime humidis collecto frequenter deuorauerant; vidi et plures alios morbos nostro analogos, spasmodicos, in vicis, quibus agri prae aliis humidi erant, quum aliorum vicorum incolae, qui fecale suum ex agris magis ficcis collegerant, immunes manerent).

Nunc ad *medicinas contra hunc morbum* Noster p. 180. transit. Primis statim aegris, quos morbus inuaserat, emetica exhibuit, quorum effectus quum omni plane modo curantis spei responderent, ea in totius epidemiae progressu omnibus aegris data sunt. Tam stupidus autem ventriculus in omnibus aegris fuit, vt sueta medicinae dosi nullo modo sufficeret, vtque ad vomitum concitandum subinde XL. tartari emetici cum aqua fontana soluti grana necessaria essent. Maxime solita tartari emetici in aquae libris duabus soluti dosi gr. XX. erat. In quibusdam emesis nullo plane modo concitari poterat, ex alui profluuiio ab eadem medicina

na in his casibus producto parum leuaminis erat.

Vt autem viscida materies eo melius certiusque expelleretur, vtque morbi insultus omni vi reprimerentur, emeticae medicinae vsus omni octiduo repetendus erat, hoc successu, vt ab ingluvie collecta materies malaque bilis expelleretur. Ipecacuanha herniosis et grauidis data alui tarditatem produxit. Tandem omnibus, sine vllo discrimine, et sine omni noxa tartarus emeticus datus est.

Purgantium vsu sordes in intestinali tubo contentae expellebantur, in quibus *medii sales*, inprimis sal catharticum Anglicum, magna dosi, ad vncias subinde tres aut quatuor, exhibitum, prae omnibus valuerunt. Fortiora purgantia nocuerunt, de leuioribus autem, inprimis rheo, damna obseruata sunt.

Tandem, oculorum inprimis in hoc morbo affectionibus commotus, mercurium dulcem magnis dosibus, hoc successu Noster adhibuit, vt spasmodum insigne lenimen in omnibus obseruaretur, idque lenimen a vermibus hoc medicamine expulsis inprimis ortum est, hoc modo, vt in omnibus tandem, quibus haec medicina, et iteratis vicibus propinabatur, vermibus expulsis, insignis morbi in melius mutatio obseruaretur. Saliuatio, licet mercurius magna dosi saepius propinaretur, nunquam obseruata est.

Spasmi interea quum his euacuationibus non penitus sopirentur, diaphoreticae medicinae datae sunt. Maxime eum in finem conueniens medicina camphora fuit cum aceto soluta, roob iuniperi admixto. Eadem medicina et vermes expulit. Serpentariam etiam cum successu adhibuit. Valde etiam medicina successit ex calami aromatici, ari, enulae, et valerianae syluestris radicibus parata, verum



rum palato aegrorum valde ingrata. In cortice Peruuiano parum praesidii fuit; necrosin tamen potenter cohibuit. Cornu cerui spiritus manifeste nocuit, in diuturno vero morbo oleum animale DIPPELII ad exanthemata critica producenda eximie valuit. Moschus conuulsiones quidem sedauit, verum vnciae pretiosi huius medicamenti ad optatum effectum obtinendum adhibendae erant. Alchymillae herba parum iuuuit; conuulsiones vero spiritus salis ammoniaci cum calce viua paratus, interne datus eximie sedauit. Neque opium magno cum fructu adhibitum est. Maxima praesidii pars in fantonici semine, radicis valerianae syluestris extracto cum nitri spiritu soluto, aliisque anthelminticis medicinis sita fuit. In desperato casu stannum Anglicum cum Ialappae radice remixtum praestantissima medicina fuit.

In externis medicinis vesicatoria vtilissima fuerunt, p. 209. venaesectio autem semper nociua fuit. Ex scarificatione vtilitas quaedam subinde fuit, vtilissimae autem hirudines fuere. Egregii etiam frictionis, et laesionum externarum accidentium effectus fuerunt. Multum etiam leuaminis vnguenta emollientia resoluentiaque rigidis articulis illita attulerunt. Balnea calida vtilissima fuerunt. Victus ratio diligenter obseruanda, et inprimis cauendum est, ne fame praeternaturali affecti aegri panem ex fecali cornuto aut corrupto paratum deuorent.

Experientiis quibusdam finis huic operis parti p. 236. imponitur. In his adseritur, morbum conuulsium cum Sancti Antonii igne vnum eundemque morbum esse; (quod tamen ex Gallorum medicorum obseruationibus vix crediderim, quum hic morbus singularem speciem saltem certe constituat) morbum, quo diutius in corpore delituerit, eo difficilius etiam expelli posse; sanationem morbi difficilissimam,

limam, immo nullo modo possibilem esse, si morbida materia neruos vasaque sanguinea corrodit; febre intermittentem in omnibus morbi symptomatibus nunquam obseruatam esse; mortem veros pectoris spasmos semper sequi; electricos succus omnibus paene hoc morbo affectis conuenire; fornicationis in internis corporis partibus sensum semper prosperam valetudinem futuram indicare, nullumque aegrum hoc morbo affectum pro immuni ab eo haberi posse stupidis adhuc digitorum extremitatibus, articulis trementibus, oculis imbecillibus existentibus, et fornicationis in cute sensu, fameque praeternaturali praesentibus.

P. 340. Nunc morborum in nosocomio societatis oeconomicae et in nosocomio regio obseruatorum historiae exponuntur; appendicis autem loco historiae morbi conuulsiui vagi ab HÜSERO V. D. Ministro, a WEBERO, EVERS, HEUSLERO, MEYERO, conscriptae adiectae sunt. Electricitatis vsum ex exemplis in hoc morbo STEFFENS docet. Tandem et morborum a lolii temulenti vsum ortorum ab Auctore obseruatorum historia addita est, in qua adseritur, ex modico lolii vsum vomitus, variosque neruorum morbos oriri. hos vero morbos copiose assumpto lolio et in veram maniam degenerare. (Nos, quum anno 1779. mulieri post lolii temulenti copiosum cum farina vsum vena incideretur, modica sanguinis quantitate educta, asphyxiam perfectam, per dimidiam horae partem perdurantem, obseruauimus. Eam copiosissimus assumptorum vomitus excepit.)



XXIV.

De liquoribus salinis officinarum, eorumque medicis virtutibus. Specimen, quod pro summis in medicina honoribus defendit CHRISTIANVS GOTTHOLD ESCHENBACH, Art. Lib. Mag. Medic. Baccal. et Societ. oecon. Lipsiens. Sodal. Lipsiae, CIOIOCCCLXXXIII. pagg. 28. in forma quarta.

**Q**ui HOFFMANNI nuper et LUDWIGII auctori-  
tate inter officinalia, quae dici solent, medi-  
camenta relati sunt salini liquores, ii profecto, quod  
virtutibus medicis admodum insignes fuerint reper-  
ti, peculiari illustratione et repetita commendatio-  
ne iam pridem digni esse videbantur. Neque ta-  
men quisquam haecenus, quantum nos quidem sci-  
mus, huic argumento explicando incubuit, nec vl-  
lus vel discrimen, quod inter hoffmannianum et  
ludwigianum liquorem intercedit, vel peculiare  
cuiusvis virtutes descripsit. Quare hanc ipsam sibi  
materiem in hoc inaugurali specimine illustrandam  
ESCHENBACHIVS sumsit, eamque ita pertractavit,  
vt, quae sit vtriusque liquoris indoles atque natu-  
ra, et quibus vterque viribus medicatis gaudeat, co-  
gnitum fieret atque perspectum. Et primum qui-  
dem agit Auctor de illo salino medicamento, quod  
ab HOFFMANNO cognomen habet, illudque ex qua-  
tuor diuersis salibus, destillatis quibusdam aquis, et  
cascarillae cortice digestionem in nostris officinis pa-  
rari monet. Etenim aquam super cardui benedi-  
cti herba abstractam cum anatica portione aquae  
florum chamomillae vulgaris pharmacopoei com-  
miscent, lenique deinceps calore in miscelae huius  
libris tribus salis alcali fixi vegetabilis, nitri depu-  
rati, tartari vitriolati singulorum vncias duas et sa-  
lis

- lis ammoniaci vnciam vnā soluunt, liquorem hoc modo paratum superfundunt corticis cascarillae vnciae vni, ac, digestionē peracta, a remanente terrestri materie eum tandem separant, et in vitro bene clauso asseruant. Varia itaque neutrius generis salia in hoc liquore inesse, neque tamen eum alcalinis partibus prorsus deprehendi destitutum patet; nam vtriusque lixiui salis aliqua portio in liquore soluta haeret, quae acidis prorsus saturata haud est. Hinc, addit ESCHENBACHIVS, sistit hoc medicamentum veluti medium sal, quod ex fixo et volatili alcali, nitrosoque, vitriolico et muriatico acido compositum, neque tamen sufficienti ratione saturatum, est, ac praeterea gummosam et resinofam cascarillae corticis substantiam immixtam habet. Tametsi vero Noster non dubitat, liquorem hunc cum ipso eius auctore, aliisque celebribus medicis inter vtilissima medicamenta referre, arbitratur tamen, praeparandi eius rationem, qua vti pharmacopoeos diximus, non omnino absolutam, perfectamque esse; namque cum volatilis alcali nullis acidis, aut aliis corporibus, quibus inuolui satis possit, nupti ea indoles sit, vt lubenter in auram abeat, nisi atmosphaerico aëri ad ipsum accessus fuerit denegatus, non potest, inquit Auctor, secus euenire, quin magna vrinosi huius salis vis ex hoffmanniano liquore, in quo quippe saturatum acidis illud non sit, sensim discedat, isque adeo minus efficax euadat; atque ita iacturam insignem medicamentum pati manifestum est, quae tamen, auctore Nostro, euitari poterit, si ammoniacale sal, illudque in simplici destillata aqua solutum, tum demum reliquorum salium, et resinoso-gummosarum cascarillae partium solutioni admiscetur, quando a medicis fuerit hoffmannianus liquor praescriptus; etenim hanc optimam rationem esse censet, quae effici



effici possit, vt euolutum volatile alcali omne cum reliquis liquoris partibus coniunctum maneat, ipseque proinde liquor virtutibus ab eo repetendis non destitutus sit. Ceterum videtur ESCHENBACH-  
CHIO nitri et vitriolati tartari, quae in liquore inest, copia nimis exigua esse, quam vt, nisi magna liquoris ipsius portio pro vna dosi praescribatur, satis conspicuis effectibus in humano corpore producendis ille par sit. Hinc melius hac medicina aegrotis prospici iudicat, si ea salinis partibus magis esset referta, ita vt in tribus aquae libris nitri ad minimum quatuor et vitriolati tartari tres vnciae containerentur. Neque vero mediorum tantum salium ad aquam rationem esse augendam, sed cascarillae etiam corticis, cuius in liquore illo specifica virtus admodum fracta est atque debilitata, ad quamuis aquae libram vnciam vnā sumendam arbitratur, quo medicamentum efficacibus partibus magis refertum, illudque adeo valitudini restitundae aptius possit obtineri. Sunt autem medicae  
vires, quibus hic liquor potissimum insignis est, cum diluentes ac resoluentes, tum neruinae, roborantes atque irritantes, easque partim a dissolutis salibus, partim a resinoso-gummosa cascarillae corticis substantia habet. Quare profecto dubitandum non est, eum multis aliis, cum simplicibus, tum compositis medicamentis praestare, morbisque variis sanandis, aut eorundem symptomatibus mitigandis, egregie conuenire. p. 15. p. 17.

Quanquam autem ex hac, quam de hoffmanniano liquore dedimus, relatione conspicuum est, ipsum inter saluberrimas medicinas esse referendum, alter tamen salinus liquor, de quo Noster in hoc libello egit, illo vtique efficacior existimari debet; etenim est ille, qui nomen a LUDWIGIO fert, salinis partibus, quae cum humani corporis humo-

ribus coniunctionem lubenter ineunt, magis, quam Hoffmannianus, refertus, habetque praeterea mediæ ammoniacalis salis, illiusque vel ad subtilissima vasa mox progredientis, quicquam admixtum, nec vergit ad alcalinam naturam, cet. hinc multis aegrotis, quibus hoffmannianus omnino non conuenit, alter

P. 24. sane aptissimus est. Sequuntur autem pharmacopoei in hoc ludwigiano liquore praeparando rationem hanc, vt primum tartari tartarifati libram, et salis ammoniaci vnciam in tribus aquae simplicis libris soluant, hunc deinde liquorem vnciae vni fructuum aurantiorum immaturorum, eorumque quodammodo contusorum, superfundant, et in calidum locum reponant, vt, quicquid solubilis materiei his fructibus insit, liquor in se recipere queat. Digestione rite peracta, a remanentibus faecibus tandem leni decantatione liquor separatur, et ad medicos vsus in officinis seruatur. Partes ergo eiusdem sunt neutrius omnino indolis, atque ex duobus acidis, tartari nimirum essentiali et muratico, totidemque alcalinis salibus, fixo vegetabili et vrinoso, ita mixtae, vt nec acidi cuiusdam, nec lixiui salis vlla portio veluti emineat. Praeterea resinosa, gummosaque fructuum aurantiorum materies liquori huic simul inest, eaque cum salinis partibus arcte mixta deprehenditur, ita vt fere saponaceae indolis medicamentum inde prodeat, quod pituitae et stagnanti tenaci materiae resoluendae, obstructionibus canalium maiorum aut minorum reserandis, solidis roborandis, peruersis neruorum constrictionibus corrigendis, cet. aptum est atque idoneum. Morbos, quibus sanandis potissimum hic liquor conuenire videtur, Noster fortassis alio tempore descripturus est, simulque vtriusque huius ab ipso commendatae medicinae cum aliis medicamentis coniungendae praecepta quaedam et exempla dabit.



XXVI.

De hydrophobia eiusque specifico, meloe mai-  
iali et proscarabaeo, praeside IO. CHRISTL.  
KEMME, pro gradu doctoris publice disputa-  
vit auctor CAROLVS TRAVGOTT SCHWARTS.  
Halaë. Prostat Lipsiae in bibliopolio I. G.  
Mülleriano, 1783. in 8. cum tabula aenea.

**I**n plurimis contra aquae metum laudatis speci-  
ficis medicinis meloe maiialis quum emineat,  
ipsaque haec medicina a probatissimis medicis ad  
auertendum hunc morbum valde commendetur,  
laudabili omni modo proposito Noster, hydropho-  
biae breui descriptione praemissa, non solum  
omnia paene, quae de hac medicina a probatissimis  
medicis dicta sunt, collegit et in concinnum ordi-  
nem disposuit, verum etiam proprias obseruatio-  
nes vtilissimas addidit, specificam huius medicinae  
vim ad hunc morbum praecauendum praeclare  
confirmantes.

Primum de aquae metu a rabidi animalis mor-  
su producto agitur. Periculum et *modum* morbi  
morsus diuersitati varie respondere, veneni autem  
commorsis communicati vim eam esse, vt in dispo-  
sitis tantum aquae metum accendat. Casus hydro-  
phobiae post decimum, vigesimum aut quadragesi-  
mum, post morsum, annum valde dubios quidem  
esse, venenum tamen vt plurimum per aliquod tem-  
pus in corpore delitescere.

Quibus praemissis, de his, quae medico in canis  
rabidi morsu laesis incumbant, agitur. Is eo adniti  
debet, vt ingressum veneni in corpus impediat,  
iam ingressum autem venenum quantocyus aut ex-  
pellat, aut infringat, et stricturae neruorum me-  
deatur.

In medicinis ad aquae metum laudatis PALMARII puluerem, in leuioribus casibus, aliquid valuisse, improbable non est, idemque de Tunquinenſi puluere valet, vtilia vero tantum haec remedia eſſe poſſunt, ſi morbi primordiis opponuntur. Belladonna eam ob cauſſam ad aquae metum valet, quod ſudorem pellat, ſimulque cutaneos ſpaſmos, e veneno inductos ſopiat. Mercuriales medicinae non ſemper hydrophobiae futurae acceſſum impediunt. (nos XV homines a rabidis canibus commorſos, nulla ſaepe vulneris plane cura habita, ſolo vnguenti mercurialis uſu integerrimos ab hoc morbo praeſeruauimus, neque vnquam haec medicina ſpem noſtram feſellit) Commodius per vrinæ vias venenum expellitur, ipſeque meloe maialis vrinam potenter ciet. Specifica ad rabidi canis venenum medicina non datur; omnes hoc modo agunt, vt certas excretionem augeant.

Maialis meloe iam ex longo tempore a ruricolis in Sileſia pro ſpecifica ad rabidi canis morſum medicina habitus eſt, compositionemque ad hunc morbum auertendum efficacem Fridericus, Boruſſorum rex, anno 1777 a ruricola Sileſio redemit redemptamque diuulgari iuſſit, quam maialis meloe et proſcarabaeus potiffimum ingrediuntur.

p. 25. Quamuis autem plura a Cll. viris prolata ſint, quibus vis antihydrophoba huius inſecti dubia redditur, quotidiana tamen experientia in Sileſia effectus illius ſalutares comprobauit. Demorſi in patria hac Noſtri terra a rabido cane non multum ſibi a caſu iſto timent, ſed vacui paene ab omni angore, tranquillo animo opiliones, qui meloen colligunt, adeunt, omnesque adhibita iſta medicina ſanantur.

p. 27. Nunc morborum hſtoriae ſequuntur, efficaciam meloes maialis probantes. Ipſe Noſter decimo



cimo aetatis anno misere a rabido cane dilaniatus hac sola medicina integerrime praeservatus est. Effectus medicinae, quos in ipso corpore suo observavit, valde notabiles sunt. Vix horae spatio a sumto remedio elapso sensit primum dolorem obtusum in lumbis, quem paulo post vix tolerabilis stranguria sequebatur, ita ut lotium spissum, quasi mucilaginem gummi alicuius, vel oleum referens, guttatim fere, per totius diei longitudinem, continuo, cum doloris acerbissimo sensu destillaret; sanguinis vero ne vllum quidem vestigium observari potuit; natarunt potius inter multas aerumnas excretae exiguae guttulae in matula discretas, de quo symptomate, felicissimum morbi exitum praesagiente, omnes Nostro gratulati sunt.

Puella morfu laesa hac medicina sanata est, p. 32. symptomatibus hydrophobiam proxime antecedentibus iam praesentibus. Aliae observationes plures eundem remedii effectum felicissimum probantes recensentur.

Et in iumentis morfu laesis, vaccis imprimis, medicina efficacissima fuit.

Medicamentum adhibendi modus varius est. p. 50.

Opiliones in Silesia meloen proscarabaeum vernali tempore colligunt, capite truncant, melli immergunt, sicque enectos vermes in usum servant. Exhibent vermes minutim cum melle tritos cum theriaca, scorpionum oleo, aut meloes oleo per infusionem parato. Quidam et radicis valerianae phu, agrimoniae, pimpinellae albae, visci querni etc. pulverem electuario adiiciunt. Princeps tamen medicinae virtus a meloe pendet.

Tabula aenea ad finem operis addita est, coloribus eleganter distincta, eaque delineatos sistit meloes *maialem* et *proscarabaeum*.

Noua physico-medica.

**A**uspiciis Augustae CATHARINAE II, scientiarum atque artium promotricis maximae, Academia scientiarum *Petropolitana*, dirigente Illustrissima Principe DASCHKAW, ab intimis Augustae cubiculis et ordinis S. Catharinae equite, in conuentu publico, die 10 octobris MDCCCLXXXIII habito praemium quaestioni astronomicae \*) *de motu diurno telluris* etc. propositum sic distribuit, vt idem partiretur atque duobus commentariis tribueretur. Dimidiam partem accepit Cl. IOANNES FRIDERICVS HENNERT, Professor Matheseos Vltraiectinus, auctor dissertationis, cuius symbolum erat: *Felix qui potuit rerum cognoscere causas*. Altera praemii pars tractatui, cum symbolo: *Dies et mensis, et annus, seculaque, et positae spatiis aequalibus horae*: concernebatur, eiusdem auctor est M. PAUL FRISI, Professor Matheseos Milani.

Deinde problema sequens in annum MDCCCLXXXV proposuit, atque de eo sequentia scripsit: Geographiae physicae studium nostris quidem temporibus, in omnibus fere Europae regionibus, magni aestimatur eaque solertia colitur, vt nec alpium glacies perpetua, rupiumue asperitas, nec vulcanorum antra igniuoma et profundissimarum fodinarum tenebrae naturae scrutatoribus obicem ponant, quin summa montium iuga aequae ac viscera terrae oculis suis lustrent, vbiuis noua et miratu digna naturae phaenomena obseruantes, quae artificiosam machinae terrestris fabricam, vi omnipotentis adornatam, praeclare demonstrant et illustrent. Mutationum praeterea, quas globus terraqueus per tot saecula subiit, vestigia, in montibus expressa depre-

\*) vid. comm. nostr. Vol. hui. P.I. p. 161.



deprehenduntur, quae libri scripti vices gerunt, in quo, tacente omnium temporum historia, praecipuae naturae epochae literis quasi consignatae legantur. Ipsa nimirum saxa non omnia eiusdem sunt vetustatis. Dantur recentiora; dantur etiam, quae antiquioris originis certa praebent indicia, cum alia forsan mundo coeua censenda sint. Si genesis eorum spectas, non minorem ea intercedere differentiam inuenies; cum alii lapides ope ignis, alii via humida prodierint, nonnulli quoque alternas Neptuni et Vulcani vires experti sint. Harum rerum notitia, si vel solus fructus eiusmodi inuestigationum esset, magni sane haberi et digna censeretur oportet, quae ab homine, ratione praedito, ut opera Creatoris admiretur, assidue quaeratur. Iam vero insigni quoque utilitate hoc studium sese commendat, et nostris commodis vario modo inferuit. Nimis amplius nobis daretur campus excurrendi, si praestantiam atque usum eiusdem, ab omni versu, ut aiunt, considerare et hic exponere vellemus. Missis igitur reliquis omnibus argumentis, quae ad propositum nostrum non pertinent, id solum attulisse sufficiat, quod venarum metallicarum exploratio et effossio, lucri quid foeneratura, tota quanta a recta et vera cognitione montium pendet, quam Geographia physica tradit. Illa metallicolis sane filum Ariadneum praebet, vel saltem praebere debet, cuius ductu felici successu laborem instituunt, quo autem neglecto terrae gremium empirice perfodiant et metallicis diuitiis, ibi delitescantibus, non nisi casu quodam fortuito potiantur, nautis similes, qui, pyxide magnetica carentes, ventis vela dare et quoquoque mare sulcando portum quaerere tentarent. Obseruatum est (ut unico exemplo res illustretur) nonnulla saxorum genera, praeter reliquis, huic vel illi metallo

magis fauere; sunt quoque prognoses, ab indole petrae, cui minera metallica inhaeret, depromtae, quae maiorem vel minorem eius copiam pollicentur. Maxime igitur e re est, vt saxa probe cognoscantur. Fateri autem cogimur, hanc partem mineralogiae nondum plane elaboratam et omni numero absolutam esse; tot enim existunt lapides sic dicti aggregati, tam varia particularum diuersarum in his commixtio et proportio, vt facile inter se aut confundantur, aut absque ratione distinguantur; vnde dissensus auctorum et obseruationum haud raro oritur mere verbalis, cum vnum idemque saxum diuersis nominibus salutatur, vel vice versa, quae maxime differunt, pro congeneribus sumuntur. His et aliis rationibus mota, Academia Imperialis scientiarum rem et physicis et metallurgis gratam vtilemque se facturam sperat, dum publico eruditorum omnium gentium examini et scrutinio (solis exceptis Academiae Imperialis sociis, Petropoli habitantibus, quibus nunquam palma Academiae tribuitur) argumentum arduum quidem, sed magni ponderis, proponit, quod si quis rite enodauerit, quantum hodierna fert scientiae conditio, ideoque Academiae desiderio, caeteris concurrentibus plenius satisfecerit, praemium centum nummorum aureorum, quos vulgo Ducatos vocant, accipiet. Problema vero est:

„Accuratam ac naturalem methodum saxorum,  
 „quae corticem telluris constituunt, secundum gene-  
 „ra, species et varietates dispositam, ita elaborare,  
 „vt singuli lapides aggregati vel mechanice mixti,  
 „in montibus et stratis terrae obuii, non modo cri-  
 „teriis certis, tam externis quam chemicis, et no-  
 „minibus fixis (absque inutili tamen receptorum  
 „nominum innouatione, quae confusionem commu-  
 „niter



„niter parit) tutius ac facilius, quam antea licuit,  
 „a se inuicem distinguantur; verum etiam ratione  
 „originis suae et vetustatis diuersae; prout hac  
 „vel illa naturae operatione, sub variis geocosmi  
 „mutationibus, serius ocius producti sint, in classes  
 „distribuuntur, simulque annotetur, cui metallo  
 „haec vel illa petra, inprimis se matricem praebeat;  
 „adiectis obseruationibus mineralogicis fide dignis,  
 „quae diuisionem et reliqua asserta probant atque  
 „confirmant. „

Rogantur omnes, qui cogitata et obseruata  
 sua Academiae iudicio submittere velint, vt disser-  
 tationes suas literis distinctis, idiomate Rossico, La-  
 tino, Germanico vel Gallico conscriptas, ante Ca-  
 lend. Iulii anni MDCCCLXXXV ad Acad. Imp. Scient.  
 Secretarium IOANNEM ALBERTVM EVLER, trans-  
 mittant; quae enim scripta praeterlapsa hoc tem-  
 pore aduenerint, praemio ornari nequeunt. No-  
 mina sua auctores non ipsis dissertationibus adscri-  
 bant; symbolo aut sententia quadam potius discer-  
 nendis. Adiungatur vero schedula obsignata, ex-  
 tus eodem symbolo, intus nomine Auctoris notata;  
 quo facto a Secretario Academiae Syngrapham  
 cum numeri, sub quo dissertatio fuerit reposita,  
 significatione, accipiet auctor quilibet, dummodo  
 locum, ad quem ea dirigenda sit, indicauerit. Iudi-  
 cium Academiae in primo post terminum praefi-  
 xum conuentu publico enunciabitur.

Regia *Gottingensis* scientiarum societas in so-  
 lemni conuentu, die 29 nouembris 1783 habito,  
 praeter alia, de quaestionibus praemio expositis  
 haec retulit. Quaestio primaria, *rem metallicam*  
*veterum* concernens \*), nondum quidem omnino

M m 5

reso-

\*) vid. comm. nostr. Vol. XXIV. p. 169.

resoluta et discussa est ab auctoribus missarum dissertationum. Interim ex quinque, quos receperat societas, tractatibus duo eidem digni visi sunt, qui praemii dimidia parte singuli coronarentur. Altera cum symbolo: *Mein Wissen ist Stückwerk*, studiose conquisitas de ratione, qua veteres in fodiendis et tractandis metallis vti sunt, relationes cum insigni rerum montanarum peritia tradit, atque iuxta experimenta recentiorum ostendit, quoad ex iis aliquid ad rem nostram metallicam vtiliter adhiberi possit. Auctor eiusdem, aperta scheda cognoscebatur, Cl. DE FLORENCOURT, societati litterarum commercio iunctus. Altera cum epigrapho: *In rebus antiquis*; diligenter et docte relationes veteres collectas, chronologico ordine disposuit, atque sic historiam monticulturae per plures periodos tradidit. Huius auctor est Cl. D. REITEMEIER. Societas ambas has dissertationes, vti et reliquas tres dignas censet, quae publici iuris redantur.

Caeterum de commentariis, qui super proposita quaestione *de remediis efficacissimis contra insecta lignum destruentia, e. g. Dermestem typographum, piniperdam, et similes*, ad Eam missi sunt, iudicium in alium conuentum distulit: ac quaestionem *de natura alcali mineralis et lixivioli*, in novembr. anni 1784 propositam, repetiit. Deinde in nouembrem anni 1785 hanc proposuit mathematico-physicam quaestionem: *Ex legibus, quibus densitas aëris et mercurii a calore regitur, praecepta condere, et demonstrare, altitudinibus barometro mensurandis idonea.*

Praemium est 50 numorum aureorum. Commentarii ante septembris vltimum diem ad Societatem mittendi sunt. Quaestiones oeconomicas omittimus.



Academia Regia scientiarum *Parifina*, quamquam ad quaestionem, quae analyfin falis marini attinebat \*), plures tractatus recepisset, tamen nulli eorum praemium decernendum esse iudicavit. Etenim in aliis tentamina proposita sunt imperfecta, neque completam falis marini decompositionem assequuntur, alia, quae maxime votis academiae respondent, nihil habent, nisi quae iam scriptis Germanicis publici iuris facta, et in salinis Londinensibus iam in vsum ducta sunt. Quapropter idem argumentum et praemium 2400 librarum Gallicarum in annum 1785 proponit Academia. Auctores, qui iam tractatus ad eam miserunt, nova tentamina supplementorum instar suppetere poterunt. Commentarii mittantur ante festum Paschatos cognitis et supra \*\*) propositis legibus ad Academiae Secretarium.

*Eadem* Academia cum ad quaestionem *de vasis lymphaticis* \*\*\*) vnum tantum receperit tractatum, qui votis Academiae plane non satis fecit, huius quaestionis speratam resolutionem nunc mittit, et quaestionibus sequentibus praemia proposuit. Primum praemium destinatum est *optimae descriptioni nerui intercostalis in homine*. Optat Academia, ut exacte naturae respondeat descriptio, ut neque ramificationes imaginarias addant, neque ramulos nerui quosdam negligant Auctores. Non opus est icones addere, si modo descriptio clara fuerit ac perspicua; etsi maius pretium illae ipsae conciliabunt exactae descriptioni. Alterum praemium proponitur *optimae descriptioni nerui intercostalis in animalibus*, praesertim in *simiae* quadam specie, in cane, oue, gallopauone, rana et cyprino.

Aequè

\*) vid. comm. nostr. Vol. hui. Part. I. p. 165.

\*\*) vid. ibid.

\*\*\*) vid. ibid. Vol. XXIV. p. 360.

Aequè tamen, si vel *simiae* anatomica descriptio defuerit, si modo reliquorum nerui curate fuerint descripti, praemio participes fiant tractatus. Poterunt etiam addere Auctores aliorum animalium quoad neruum hunc descriptiones, atque ex arbitrio Auctorum pendeat, vtrum icones addere, vel omittere velint.

Commentarii ad vtramque quaestionem mittantur ante vndecimum diem nouembris, anni 1785, ad Academiae Secretarium. Praemium, quorum singulum est 1500 libr. Gallicarum in confessu paschali 1786 distribuetur.

Societas medica *Parisina* in annum 1785 sequentem quaestionem proposuit: *Quaenam est natura et causa morborum, quibus ii operarii expositi sunt, qui stannum tenuissime cusum et amalgamisatum vitro speculari inferunt? Quaenam optima est methodus, eosdem ab his morbis defendendi, fiat hoc, vel physicis, vel mechanicis remediis?* Commentarii ante calendas ianuarii 1785 mittantur ad Cl<sup>um</sup> VICQ D'AZYR, Secretarium societatis.

Academia scientiarum, artium et humaniorum litterarum *Diuionensis* in annum 1785 sequentem proposuit quaestionem: determinentur signa, quibus, post apparitionem febris continuae aut intermittentis, cognosci queat, vtrum ea futura sit maligna, illaque, quae in decursu harum febrium indicabunt momentum temporis, quo malignae febris indolem nanciscuntur (*Déterminer les signes auxquels, dès le début d'une fièvre continue ou intermittente, on reconnoitra si elle sera maligne, & ceux, qui dans son cours indiqueront le moment où elle sera sur le point de prendre un caractère de malignité.*)

Praemium optimae dissertationi propositum est moneta aurea 300 librarum gallicarum. Commen-  
tarii



tarii mittantur, legibus consuetis, ad Cl<sup>um</sup> MARET, Med. Doct. qui continuo est a secretis Academiae. Caeterum praemium duplex referuat eadem Academia *optimae theoriae ventorum* adiudicabitque optimae dissertationi, quae quocunque tempore ad Academiam missa fuerit. Solutionem quaestionis *super saponibus acidis* \*) prolongatam usque ad diem 13 nouembris anni 1784 assumet. Si autem tum spe frustrata fuerit, huic quaestioni non amplius inhaerebit, sed praemio huic aliam quaestionem destinabit.

Academia *Rothomagensis* regia scientiarum, humaniorum litterarum, et artium in confesso publico, mense augusti 1783 habito, praemium commentario, super vi medica magnetismi et electricitatis ad quaestionem anno 1782 propositam \*\*) scripto illi, cuius symbolum erat: *Est modus in rebus, sunt certi denique fines* etc. decreuit. Etsi enim, quoad magnetismum, quaestionem non magis, quam in aliis tractatibus, in eo resolutam inueniret; tamen electricitatis effecta, et morbos, in quibus vel ea adhibenda, vel cauenda sit, ex voto descripta animaduertit. Doluit itaque, Auctorem in scheda adiecta, praeter primam nominis litteram M. nihil de se cognitum fecisse: vt ergo Academia praemium retinere coacta sit, donec Auctor iusto modo nomen suum Academiae indicauerit.

Quaestionem, quam super signis characteristicis terrarum argillosoe, aluminosae, filiceae et aliarum alio tempore proposuit, cum vnus tantum tractatus, qui tamen non omnino votis Academiae satis fecerit, attentione dignus fuerit, in annum 1784 repetiit, Auctoremque dicti tractatus cum symbolo:

\*) vid. ibid. Vol. hui. p. 342.

\*\*) vid. ib. Vol. XXIV. p. 718.

lo: *Viscera eius extrahimus* etc. hortatur, vt, quae desint suo tractatui, supplementorum instar ad Academiam mittat. Est autem quaestio ipsa haec: Definiantur characteres distinguentes terras argillosam, aluminosam, filiceam, et alias, quae a chemicis hactenus terrae vitrescentes dictae sunt: ita vt ex his distinctionibus physicis et chemicis utilitas redundet ad agriculturam, aliasque artes, fullonicam, figilem vasa porcellanea fingentem, et vitrariam. (*Etablir le mieux les caractères distinctifs entre les diverses terres, argilleuse, alumineuse, quarzeuse & autres, que les Chymistes ont jusqu'à présent confondu sous le nom de terres vitrifiables; en sorte que de ces distinctions physiques & chymiques bien établies, resultent des connoissances utiles à l'Agriculture & à différents arts, telle que la Foulerie, la Poterie, la Fayencerie, la Porcelaine, la Verrerie &c. dont plusieurs sont cultivés avec succès à Rouen & font une partie du commerce de cette ville.*) Aliud praemium expositum est tractatui, in quo *historia naturalis, physica et medica Normandiae* optime descripta fuerit.

Tractatus, qui has quaestiones concernunt, mittantur ad academiam ante calendas iunii anni 1784 solutis vectigalibus ad Cl. HAILLET DE COURONNE, qui societati est a litteris.

Nouum est vtique inuentum, vel saltem noua est theoriae cognitae applicatio, qua nuper fratres DE MONTGOLFIER inclaruerunt, vel aëre vaporibus rarefacto, vel aëre inflammabili globos fericos, *machinas aërostaticas* dicunt, implere, qui tum sponte aëra adscendant, tranent, atque magna etiam satis pondera secum tollant. Tantam admirationem, tantumque applausum nactum est ipsum hoc inuentum, vt per omnem fere Europam tentamina aërostatica instituerentur, atque vt quidam ex Gal-

lis,



lis, nempe Clarissimi ROZIER, D'ARLANDES, CHARLES et ROBERT se ipsos his machinis attolli auderent, atque satis longum et altum spatium per atmosphaeram felici cum successu tranarent. Historiam huius inuenti optime tradidit Cl. FAUJAS DE ST. FOND, in libro, cuius titulum subiungimus \*). Primum atque praecipuum, quo hae machinae etiamnum carent, est remedium aliquod has machinas ex arbitrio dirigendi. Quapropter Academia scientiarum, humaniorum litterarum et artium *Lyonensis* praemium 1200 librarum Gall. cuius distributio eidem a perill. DE FLESSELLES et DE SAINT-VINCENT tradita est, decreuit commentario, in quo methodus tutissima, atque facillima, efficacissimaque indicabitur, machinas aërostaticas iuxta voluntatem dirigendi; (*Indiquer la manière la plus sûre, la moins dispendieuse & la plus efficace, de diriger, à volonté, les machines aérostatiques.*)

Optat Academia, vt Auctores non solum dogmata exponant, sed etiam ipsa adminicula indicent, et vel schemate, vel imagine illustrent, ipsaque experimenta referant, quo repeti possint. Si Auctores experimenta ipsi instituere velint, in praesentia Commissariorum Academicorum hoc fiat. Caeteras cognitae conditiones mittimus. Tractatus mittantur ante calendas septembris anni 1784, solutis vectigalibus, vel ad perill. DE FLESSELLES, vel ad Cll<sup>os</sup> DE LA TOURRETTE et DE BORY, qui  
Aca-

\*) Description de la machine aërostatique de M. M. MONGOLFIER & de celles aux quelles cette decouverte a donné lieu, par M. FAUJAS DE SAINT FOND, à Paris. 8. av. fig. Breuior relatio et expositio factorum traditur in libro, cui titulus: *Montgolfiersche Luftkörper oder aërostatische Maschinen, eine Abhandlung, worinn die Kunst sie zu verfertigen und die Geschichte der bisher damit angestellten Versuche beschreiben werden* von FR. L. EHRMANN, Strasb. 8.

Academiae sunt a litteris, vel ad *Aimé de la Roche*, typographum Academiae. Distribuetur praemium mense decembris anni 1784.

Academia scientiarum et humaniorum litterarum *Montalbanensis*, in confessu die 25 augusti 1783 praemium, quod quaestioni physico-oeconomicae *de conseruatione frumenti atque defensione ab insectis, praesertim curculione granario*, destinaverat, dissertationi tribuit, cuius symbolum erat: *Vis unita fortior*. Auctor eius est Cl. BERTHOLON DE SAINT LAZARE, membrum plurimum Academiarum, et Professor physices experimentalis statuum Languedociae, qui non solum quaestionem diligenter discussit, et remedia iam proposita examinavit, eorumque impotentiam demonstravit; verum etiam noua tuta et facilia suavit, quibus non solum insecta in frumento praesentia destruantur, sed, quo minus ad granaria accedant, etiam impediantur.

Praemium accessorium (*l'accessit*) commentario cum symbolo: *populatque ingentem farris acervum curculio*: datum est.

Societas Belgica scientiarum *Harlemensis* in confessu, maio 1783 habito, quaestionem, *de natura exhalationum marinarum* \*) propositam, cum vnam tantum, neque quaestioni satis convenientem, acceperit responsionem, reclamavit. Postea autem, duobus super quaestione *de gradatione corporum naturalium* ad eam missis commentariis ad examen reuocatis, nondum autem omnino votis societatis respondentibus, hanc quaestionem repetiit vt ante annum 1786 ad eam responsiones societati transmittantur: simulque indicat societas, se nullas metaphysicas discussiones optare, sed velle, vt ex historia

\*) vid. comm. nostr. Vol. XXIII. p. 525.



storia naturali quaestio dilucidetur. Quae quidem quaestio ipsa haec est: Quodnam est iudicium ferendum de gradatione, quam plures philosophi, cum veteres, tum recentes, inter corpora naturalia statuerunt, et ad quemnam certitudinis gradum vera praesentia huius gradationis atque ordinis, quem natura in eadem observat, cognitio nostra adduci potest? (*Que doit on penser de la gradation, que plusieurs philosophes, tant anciens que modernes ont admise entre les êtres naturels, & jusqu'à quel point pouvons nous parvenir à nous assurer de la réalité de cette gradation & de l'ordre, que la nature y observe?*)

Praeterea societas has quaestiones prima vice proposuit, ad quas ante annum 1786 responsiones expectat. 1) Quoad CRAWFORDI theoria de igne et calore experimentis confirmari, vel refelli potest? atque, si experientia vel omnino, vel ex parte, veritatem huius theoriae probat, quid confert illa ad naturam ignis declarandam, meliusque intelligendam? (*Jusqu'où peut-on adopter ou rejeter par des expériences la théorie du Docteur CRAWFORD, touchant le feu & la chaleur & si l'expérience prouve en totalité ou en partie la vérité de cette théorie, quels progrès nous fait-elle faire dans la physique du feu?*)

Optat societas expositionem perspicuam, experimentis illustratam: atque, si instrumentis admodum perfectis ad experimenta haec instituenda opus est, de modo, quo his instrumentis potiri, eademque experimenta repetere queat, relationem.

2) Quanam ratione condensator, a Cl<sup>o</sup> VOLTA inuentus, atque necessarius apparatus, construendus et adhibendus est, ad electricitatem atmosphaerae methodo tutissima et facillima explorandam: et quinam optimus est electrometer, quo gradus electricitatis observari possit: sic vt quotidianis

meteorologicis observationibus mutationes quotidianae electricitatis atmosphaerae, praesertim in Belgio, adiungi queant? (*De quelle façon le Condensateur inventé par Mr. VOLTA & l' autre appareil requis doit être construit & employé pour essayer l' Electricité de l' atmosphère de la manière la plus sûre & la plus aisée, & quel est le meilleur Electro-mètre, par le quel on puisse observer le degré de l' Electricité; afin que l' on soit en état d' ajouter aux observations météorologiques journalières, les changemens journaliers de l' Electricité de l' atmosphère, surtout dans les Pays-bas?*)

Ad hanc quaestionem commentarii mittantur ante calendas ianuarii 1785.

3) Quaenam sunt obiecta ex historia naturali Belgii, e quorum disquisitione diligentiore utilitas ad Belgium et societatem humanam aliqua redundet? (*Quels sont les objets de l' histoire naturelle des Provinces-unies, au sujet des quels on a lieu de se flatter, que des recherches plus exactes pourront procurer quelque utilité à notre patrie & à la société humaine?*)

Non solum nomenclaturam corporum naturalium, sed etiam expositionem causarum, cur haec corpora utilia futura sint, optat societas. Commentarii ante anni 1785 initium mittantur.

Ex legato Cl<sup>i</sup> KOPS proponit has quaestiones:  
1) describatur apparatus instituendis experimentis super aëre condensato maxime idoneus: (*Une description de l' appareil le plus propre à faire des expériences sur l' air condensé, de la façon la plus commode & la plus assurée.*) 2) Inquiratur cum hoc apparatu in actionem aëris condensati diuersis in casibus, habita praesertim ratione vitae animalis, incrementi plantarum, et inflammabilitatis variarum aëris specierum: (*de rechercher avec cet appareil*



*reil l' action de l' air condensé dans des cas différens, de s' occuper entr' autres de la vie animale, de l' accroissement des plantes, & de l' inflammabilité des différentes espèces d' air.)*

Quaestio denique praemio a societate Bataviae congregata oblato proposita, ad quam ante anni 1788 initium responsiones expectantur, haec est: Quibusnam diaeteticis praeceptis, theoria fundatis, et experientia confirmatis, potest sanitas eorum conservari, qui, Indias orientales iter facientes, noxios effectus mutationis climatis et vitae generis experiuntur? Possuntne, praeter regulas generales, indicari speciales, diuersis classibus individuorum, quibus applicandae sunt, adaptatae? (*Par quelles règles de conduite, fondées sur la theorie, & confirmées par l' experience, pourroit-on conserver la santé de ceux qui, faisant le voyage des Grandes Indes, éprouvent les effets pernicioeux d' un changement extrême de Climat & de façon de vivre? Indépendamment des règles générales, pourroit-on en indiquer de particulières, qui varieroient suivant les différentes classes des individus, auxquels on devroit les appliquer?*)

Commentarii, Belgice, Latine aut Gallice scripti, mittantur, legibus consuetis, solutisque litterariis sumtibus, ad Cl<sup>um</sup> VAN DER AA, societatis Secretarium. Praemium est moneta aurea, cogniti valoris.

*Argentorati* in locum b. SPIELMANNI successit Cl. et Exper. HERRMANN, Professor Chemiae, Botanices, et Materiae medicae ordinarius creatus est. Exper. LOBSTEIN, cum propter morbidam corporis naturam anatomico theatro amplius praesse non posset, Pathologiae docendae munus suscepit, atque Excell<sup>o</sup>. ROEDERER Professio Anatomiae et Chirurgiae ordinaria tradita est.

Cl. MOHRENHEIM, Med. Doctor, ab Augusta Rufforum Imperatrice Confiliarius aulicus et Professor Chirurgiae practicae et artis obstetriciae, cum salario 2000 imperial. Rufficorum quotannis, nominatus est.

Cl. FRANK, Archiater episcopi Bruchsalensis, Gottingam vocatus, illic Professor medicinae factus est.

Cl. WITTEW, Med. D. praxin Norimbergae exercens, tertium in facultate medica Altdorfina locum nactus, atque illic Professor medicinae dictus est.

Experientissimus COTHENIUS, Consil. intim. et Archiater regius, Director Collegii superioris medici Berolinensis, et Exp. ROLOFF, Archiater Reginae, Decanus eiusdem collegii nominatus est.

Cl. CHRISTOPH. KNAPE, Med. D. Berolini nominatus est Professor Anatomiae in Collegio medico chirurgico.

Cl<sup>i</sup> HELLFELDT et FUCHS, Medicinae Doctores, in vniuersitate Ienenfi Professorio munere extraordinario ornati sunt.

Experientissimus et Cl. WEICKARD, Archiater Fuldenfis, a Rufforum Imperatrice Augusta *Petropolin* vocatus et Eiusdem Archiater denominatus isthuc profectus est.

Ill. et Celeb. GRUNERUM, Consiliarium aulicum, Med. Doctorem et Professore Ienensem, societas scientiarum Vliesingensis socium sibi adiunxit.

Iussu Regis Borufforum FRIDERICI II. Cl. LAVRENTIUS CRELL, a Consiliis montanisticis et Professor Helmstadiensis, in numerum membrorum exterorum regiae *Berolinensis* Academiae receptus est.

Excell. LEONH. FRID. MÖNNICH, Professor Mathematicos et Physices Francofurti ad Viadrum, a Rege Boruf-



Borufforum Berolinum vocatus atque Confiliarius superior rerum montanificarum (*Oberbergrath*) nominatus est, et salario 800 thalerorum quotannis remunerabitur. In eius locum successit Cl. CHRIST. ERN. WÜNSCH, Med. Doctor Lipsiensis, variis scriptis mathematico - phycis commendatus.

Experientiss. LENTIN, artem medicam *Clausthali* exercens, in locum demortui SCHAEFERI, M.D. Lüneburgum vocatus, atque ibidem Poliatri munus suscepit.

Cl. D. VOLTELEN Professoris Chemiae in academia Lugdunensi munus adiit.

Mortui sunt:

Sub finem anni 1782, Vratislaviae, MICHAELIS MORGENBESSER, Med. D. Collegii medici Vratislaviensis Senior et Decanus, clarus scriptis solidis et de patria vrbe praxi felici bene meritus.

Die 10 augusti, anni 1783 Gießae Cattorum, IO. PHILIPPVS BERCHELMANN, Medicinae Doctor et Confiliarius aulicus, qui variorum medicorum libellorum auctor est.

Die 14 octobris, anni 1783, Lutetiis Parisiorum, Exp. SANCHEZ, Med. D. natus anno 1699, variis inuentis et scriptis medicis clarus, relicta opera manuscripta Cl. ANDRY publici iuris reddet.

Die 18 nouembris, anni 1783, Lipsiae, D. ANTON RIDIGER, Professor Chemiae ordinarius, anno aetatis LXIII.

Die 13 decembr. anni 1783, PETR. WARGENTIN, Eques de stella boreali, et Academiae scientiarum Holmienfis Secretarius primus, anno aetatis 66.

Die 31 decembris, anni 1783, Lugduni Batauorum Cl. VAN DOEVEREN, Professor Medicinae et artis obstetriciae.

Menfe ianuarii, anni 1784, Witebergae, Cl. ZEIHNER, Med. D. et Professor Astronomiae.

Die 3 februarii, anni 1784, Cl. CHRISTIAN LUDWIG, Philosophiae et Medicinae Doctor, societatis oeconomicae Lipsiensis sodalis, atque collegii minorum principum collega. Natus erat anno 1749, d. 12 maii, atque in physica docenda praefertim multum studii posuit. Scripsit anno 1773 dissertationem *de aethere varie moto, causa diuersitatis luminum*, in 4. et diss. *de hydropo cerebri puerorum*, 1774. 4. Praeterea in linguam Germanicam transtulit PRIESTLEYI tentamina et obseruationes super variis aeris generibus.

Die 18 februarii, anni 1784, D. PET. IO. MACQUER, Professor quondam Facultatis medicae, Censor regius, Professor Chemiae, membrum Academiae reg. Parisinae et Societatis regiae medicae etc. variis et doctis chemicis suis operibus praeclarus.

Die 27 martii, 1784 Lipsiae, D. ANTON GUILIELMVS PLAZ, Professor Therapiae ordinarius, Facultatis medicae Decanus, Academiae et nationis Saxonicae Senior, Collega collegii maiorum principum, atque Academiae Decemuir. Natus erat Lipsiae, anno 1708. Scripta botanica et medica, praefertim dissertationes et orationes, concinno latino sermone sunt celebrata.

## XXVII.

Continuatio indicis scriptorum physico-medico-  
corum, quae anno 1778 prodierunt.

**I.** I. REICHARDI flora Moeno-Francofurtana  
enumerans stirpes circa Francofurtum ad Moenum sponte crescentes, P. II. Francof. 8.

*Abhandlung vom Blitze und Donner*, von HEINR. REIMARVS, Hamburg. 8.

*Vorschriften zur Anlegung einer Blitzableitung an allerley Gebäuden*, von I. A. H. REIMARVS. Hamb. 8.

Kurzer



*Kurzer Unterricht für die Hebammen und Wöchnerinnen in Städten und auf dem Lande, von TH. REINDEL, Eisenach. 8.*

M. F. REITEMEIER diss. de cautelis circa remedium, praecipue euacuantium usum, in morbis vel sub initio morborum, Gotting. 4.

Observations interessantes en faveur de la section de la symphyse du pubis ouvrage dont le but est, de repondre à un Memoire des Medecins & Chirurgiens d'Arcos, intitulé Examen des faits relatifs à cette operation &c. qui a été distribué le 23 mai & de servir de suite aux recherches historiques & pratiques sur la même matière de Mr. LEROY par Mr. RETZ, à Paris. 8.

Observations philosophiques sur le systême de NEWTON, le mouvement de la terre & la pluralité des mondes; dialogues des morts sur le séjour des vivans, avec une dissertation sur les tremblemens de terre, les epidemies, les orages &c. par FLESCIER DE REVAL, à Paris. 12.

G. F. REÜLING casus nonnulli de viceribus pedum et eximia nitri in iisdem sanandis efficacia, Gieß. 4.

C. F. REVSS de sale sedatio Hombergii, Tubing. 4.

Histoire naturelle, civile & politique des Tonquin, par Mr. l'abbé RICHARD, à Paris, II. Vol. 12.

RICHTER opuscula medica (v. comm. nostr. Vol. XXIV. p. 533.)

A. G. RICHTER diss. de agarico quaedam exhibens, Gotting. 4.

EIVSD. chirurgische Bibliothek, 4ter Band, 3tes und 4tes Stück, ib. 8.

IO. RIEMS physikalisch ökonomische Bienenbibliothek, 3ter Theil, Breslau. 8.

EIVSD. geprüfte Grundsätze der Schlesiſchen Bienenpflege, ib. 8.

- IO. ANDR. RINDER de linguae inuolucris, Strasb. 4.  
*Herrn DARACH DE LA RIVIERE wohlgegründeter Urinspiegel. Aus dem Französischen, Augsburg. 8.*  
 Traité de la sphere, avec l'exposition des differens systémes du monde. Par Mr. ROBERT, à Paris. 12.  
 CARL L. E. ROY von den Vorhersagungszeichen in schmerzhaften Krankheiten. Aus dem Französischen, Leipz. 8.  
 E. ROSENBLAD diss. de paraglossa exsertorio cum, ptyalismo. Resp. Io. Cronholm, Lond. Gothor. 4.  
 EIVSD. medicinische Abhandlung von den Wirkungen des Kohls. Aus dem Lateinischen. Altenburg. 8.  
 ROSENSTEIN von Kinderblattern etc. v. TISSOT. Anweisung für Anfänger, Pflanzen zum Nutzen und Vergnügen zu sammeln, und nach dem Linneischen System zu bestimmen, von A. W. ROTH, 2 Theile, Halle. 8.  
 D. RAULINS Anweisung zur Hebammenkunst, zum Nutzen der Hebammen. Aus dem Französischen mit Zusätzen von M. F. ALIX, Leipz. 8.  
 F. E. ROUCYERS Entwurf der Naturlehre zum Gebrauche des königlichen Joachimsthalischen Gymnasiums, Berlin. 8.  
 Dissertation sur les lavemens en général & particulièrement sur une methode nouvelle de traiter par ce moyen les maladies vénériennes. Par Mr. ROYER, à Paris. 8.  
 Journal de medecine chirurgie cet. Par Mr. ROUX, Tom. 49 et 50. (v. supra).  
 Traité complet d'anatomique ou description de toutes les parties du corps humain. Par SABATIER. Amsterd. & Leipzig. 12.  
 Expériences propres à faire connoître que l'Alkali volatil fluor est le remede le plus efficace dans les Asphixies. Par Mr. SAGE, Paris. 8.  
 \* \* SAGE Erfahrungen, daß der flüssige Salmiakgeist  
 das



*das wirksamste Mittel sey Erstickte wieder zu erwecken. Aus dem Französischen, Strasb. 8.*

Recherches sur les Volcans éteints du Vivarais & du Velais, avec un discours sur les Volcans brûlans &c. par Mr. FAUJAS DE SAINT-FOND, à Grenoble & à Paris. fol.

SANDIFORT thesaurus dissertationum cet. Vol. III. (v. comm. nostr. Vol. XXIII. p. 514.)

EIVSD. Observationes anatomico-pathologicae Lib. II. (v. ib. p. 506.)

Guérison de la paralysie par l'électricité, par Mr. l'abbé SANS, à Paris. 12.

SANTORINI tabulae XVII. anatomicae per GIRARDI (v. ib. Vol. XXII. p. 645.)

Précis d'histoire naturelle, extrait des meilleurs auteurs françois & étrangers, par Mr. l'abbé SAURI, T. I. 2. 3. 8.

Herrn SAURI natürliche Geschichte des Erdbodens. Aus dem Französischen, 2 Theile, Nürnberg. 8.

SAM. SCHAARSCHMIDT Anweisung zu dem Studio medico chirurgico, welche die Pathologie, Chirurgie und Praxis in sich hält, 3ter Theil, Berlin und Stralsund. 8.

I. C. SCHAEFFERS Einleitung in die Insektenkenntniß, neue Auflage. Regensb. 4. m. K.

EIVSD. fünf Insektengeschlechter zur Einleitung in die Insektenkenntniß, ib. 4. m. K.

EIVSD. Abbildung und Beschreibung des Mayenwurmkäfers wider den tollen Hundsbiß. (v. comm. nostr. Vol. XXIII. p. 492.)

EIVSD. sämtliche Versuche mit dem beständigen Elektricitätsträger. Vier Abhandlungen, Regensb. 4.

EIVSD. Abbildung und Beschreibung der elektrischen Pistole (v. comm. nostr. Vol. XXIV. p. 358.)

SCHILLING de lepra (v. ib. Vol. XXIII. p. 424.)

Differt. physica de aëre eius speciebus, praecipue de aëre fixo lapidis calcarei. Auctore SCHINZ, Turici. 8.

CASP. CHPH. SCHMIDEL *Vorstellung einiger merkwürdigen Versteinerungen etc. 1stes Heft. Nürnberg. 4.*

L. E. SCHNEIDERS *chirurgische Geschichte mit theoretischen und praktischen Anmerkungen, 8ter Theil. Chemnitz. 8.*

Epitome operum omnium ANT. DE HAEN in usum iuniorum practicorum studentiumque accommodata per D. IO. MICH. SCHOSVLAN, Vienn. 8.

I. C. D. SCHREBERS *Säugthiere in Abbildungen nach der Natur, nebst einer kurzgefaßten Geschichte derselben, 3ter Theil, Erlangen. 4.*

EIVSD. *Beschreibung und Abbildung der Gräser, Leipzig. fol. (Primum volumen v. comm. nostr. Vol. XVI. p. 216. Alterum Vol. XXI. p. 717.)*

FR. IOS. WILH. SCHROEDERS *medicinisch praktische Abhandlungen. Aus dem Lateinischen von IO. CONRAD WENDELSTAEDT, Rothenburg an der Fulda. 8.*

PH. GEORG. SCHROEDERI *opuscula medica. (vid. comm. nostr. Vol. XXIII. p. 622.)*

I. S. SCHROETERS *vollständige Einleitung in die Kenntniß der Steine und Versteinerungen, Altenb. 4. m. K.*

G. SCHVSTERS *vermischte Schriften als eine Fortsetzung des medicinischen Journals, 5ter Theil, Chemnitz. 8.*

EIVSD. *systematisches Haus- und Reise-Apothekchen, welches auf alle Nothfälle der Krankheiten eingerichtet ist, ib. 8.*

D. I. F. SCHÜTZENS *Geschichte einer sehr merkwürdigen zwölfmonatlichen Schwangerschaft, Coburg. 8.*

F. SCHWEDIAUERS *Anfangsgründe des Ackerbaues und*



*und Wachsthum der Pflanzen, nach dem Englischen des Herrn FORDYCE, Wien. 8.*

IO. ANT. SCOPOLI principia mineralogiae systematicae et practicae, Venet. 8.

SENEBIER vid. SPALLANZANI.

C. G. SELLE *Einleitung in das Studium der Natur- und Arzneywissenschaft, Berlin. 8.*

ANDR. ADAM SENFT experimenta physico-medica de electricitate et calore animali, Wirceburg. 8.

CAR. CASPAR SIEBOLD histor. lithotomiae in eodem homine bis factae cum eius restitutione, Herbipol. 4. c. figg.

SIEGWART de foetus per peluim transitu sub partu naturali accuratius descripto, Tubing. 4.

C. C. R. SIEMERLING diss. de colica eiusque speciebus, Gotting. 4.

Discours sur les avantages de la section de symphyse, par JEAN RENE' SIGAULT, à Paris. 8.

Historical and practical Enquiries on the section of the symphysis of the Pubes, as a substitute for the caesarian operation performed, by Mr. SIGAULT, Lond. 8.

Discours sur la meilleure methode de poursuivre les recherches en medecine; prononcé devant la société médicale de Londres, à son assemblée annuelle, le mardi 18 janvier 1774, & publié à sa demande, par Mr. JAMES SIMS. Traduit de l'anglois par Mr. TAUBERT, à Avignon. 8. (*Journ. de med. jouill. 1779.*)

Observations sur les maladies épidémiques avec des remarques sur les fièvres nerveuses & malignes, ouvrage traduit de l'anglois du même par le même, ibid.

LEONH. SINGER diss. de secretion bilis. Argentor. 4.

MART. SLABBERS *physikalische Belustigungen oder mikro-*

*mikroskopische Wahrnehmungen in- und ausländischer Wasser- und Landthierchen. Aus dem Holländischen, Nürnberg. 4. m. K.*

GUIL. SMELLI thesaurus disputationum in Academia Edinburgensi ad rem medicam pertinentium selectus, Tomm. II, Edinb. 8.

*Abhandlung von den Hämorrhoiden, verfasst von DAN. SÖDERBERG, Altenb. 8.*

SOEMMERING diss. de basi encephali et originibus nervorum cet. (v. comm. nostr. Vol. XXIV. p. 75.)

\* SPALLANZANI opusculi de physique animale & végétale, traduit de l'ital. par Mr. SENEBIER.

BALTH. SPRENGER *vollständige Abhandlung des gesammten Weinbaues und anderer daraus entstehenden Produkte etc. Stutgard. 8.*

EIVSD. *Praxis des Weinbaues überhaupt, besonders aber in Schwaben am Neckar. ib. 8.*

I. C. STARKE de tetano eiusque speciebus, praecipuis causis et ratione sanandi, e veteribus et recentioribus scriptis cet. Pars prior complectitur historiam. Ien. 8.

ROB. STEAVENSON de electricitate et operatione eius in morbis curandis, Edinb. 8.

I. G. STEGMANN'S *Beschreibung eines Luftmessers der gesunden und ungesunden Luft, Cassel. 8. m. K.*

R. J. STEIDELE *Sammlung verschiedener in der chirurgisch praktischen Lehrschule gemachten Beobachtungen, Wien. 8. 2ter Band.*

Systema naturae in sex regna diuisum, auctore LARS STOCKENSTRAND, Holm. 8.

MAXIM. STOLL pars secunda rationis medendi in nosocomio practico Vindobonensi, Vienn. Austriae. 8.

ANT. STOERKS *Abhandlung von dem Nutzen des Brennkrautes und des weißen Diptams, Nürnberg. 8. m. K.*



ANT. STOERCK. praecepta medico practica in vsum chirurgorum castrensium et ruralium ditionum Austriacarum e lingua Germanica in Latinam versa, per I. M. SCHOSVLAN, Tom. I, Vienn. 8.

G. K. C. STORR *Entwurf einer Folge von Unterhaltungen zur Einleitung in die Naturgeschichte, 1sten Bandes 1ster und 2ter Theil, Ulm. 8.*

KARL STRACKS *Beantwortung der Preisfrage, die die medicinische Fakultät zu Paris aufwarf ein Mittel anzugeben, das Blatterngift unwirksam zu machen, und welche nach dem Urtheile der nämlichen Fakultät das Accessit erhielt. Aus dem Lateinischen übersetzt, Frkf. am Mayn. 8.*

De' monti colonnari e d'altri fenomeni vulcanici dello stato Veneto, memoria di S. E. il Sign. Caval. GIOV. STRANGE, Milano. 4.

G. A. SUCKOWS *ökonomische Botanik zum Gebrauche der Vorlesungen auf der hohen Kameralsschule zu Lautern, Manheim. 8.*

G. VAN SWIETEN *Erläuterung der Boerhaavischen Lehrsätze von Erkenntniß und Heilung der Krankheiten, 1ster Theil, Wien. 4.*

Observation sur le froid rigoureux du mois de Janvier 1776, par Mr. I. H. VAN SWINDEN, à Amsterd. 8.

IO. TEMPLE *diff. de dyspepsia, Edinb. 4.*

Avis aux Messins sur leur santé, ou mémoire sur l'état habituel de l'atmosphère à Metz, & ses effets sur les habitans de cette ville, par Mr. MICHEL DU TENNETAR, à Nanci. 12.

I. E. A. THEDENS *Unterricht für Unterwundärzte der Armeen, 2 Theile, Berlin. 8. (v. comm. nostr. Vol. XXI. p. 719.)*

FRANC. THIERY *Erfahrung in der Arzneywissenschaft. Aus dem Französischen übersetzt. Leipz. 8.*

\* THOMSON'S *medicinische Rathpflege. Aus dem Englischen mit Anmerkungen, Leipzig. 8.*

Herrn

*Herrn TISSOT und ROSENSTEIN Abhandlungen von der Natur und Kur der Kinderblattern etc.*  
VON E. G. BALDINGER, Leipzig. 8.

EORVND. *Abhandlungen über die Einpfropfung der Blattern*, von BALDINGER, ib. 8.

\* TISSOTS *sämmtliche Werke, mit Anmerkungen von D. KERSTENS, erster Theil, Schwerin. 8.*  
(Hic liber postea hic Lipsiae prodit. v. comm. nostr. Vol. XXIV. p. 161. et 637.)

EIVSD. *inoculation justifiée*, Basle. 12. edit. 2. (eodem cum 1773.)

I. C. TODENS *medicinisch chirurgische Bibliothek, 5ten Bandes 3tes Stück, und 6ten Bandes 1stes und 2tes Stück, Kopenhagen. 8.*

ERN. GOTFR. BALDINGER *beantwortet von IO. CLEM. TODE, ib. 8.*

*Scienza della natura generale e particolare. Del Padre D. GIOV. MARIA DELLA TORRE, Parte III, con estampi, Napoli in 4.*

BALTH. LUDWIG TRALLES *deutliche und überzeugende Vorstellung, daß der für das Daseyn und die Immaterialität der menschlichen Seele aus der Veränderlichkeit aller festen Theile des menschlichen Körpers, ohne Ausnahme hergenommene Beweis, höchst richtig und gültig sey, Breslau. 8.*

EIVSD. *gründliche Erläuterung und Vertheidigung seiner lateinischen Abhandlung von dem Gebrauch der spanischen Fliegenpflaster in Fiebern, ib. 8.*  
(Latium tractatum v. in comm. nostr. Vol. XXIII. p. 306.)

IO. EHRH. TRAMPPEL *Beschreibung der Meinberger Mineralquellen in der Grafschaft Lippe, nebst einem Sendschreiben des Herrn ZÜCKERT vom Meinberger Mineralwasser zum innerlichen Gebrauch, 3te und vermehrte Auflage, Lemgo. 8.*  
(Antecedentem editionem v. in comm. nostr. Vol. XXI. p. 674.)



- \* **TRECOURT** *Betrachtung über verschiedene Gegenstände der Arzneykunst. Aus dem Französischen übersezt von EYEREL, Leipzig. 8.*
- DAN. GVIL. TRILLER** *diff. medica de oleis. Resp. et Auctore Godofr. Ehrh. Dippold, Witteberg. 4.*
- TRNKA** *vid. KRZOWITZ.*
- E. TROTVLAE** *curandarum aegritudinum muliebrium ante et post partum libellus, e recensione ALDI emendationibus atque animaduersionibus illustratus; accedunt HENR. KORNMANNI quaestiones de virginum statu ac iure obseruationibus auctae, Lips. 8.*
- De la transplantation, de la naturalisation & du perfectionnement de végétaux, à Londres. (Paris) 8.*
- Voyage fait par Ordre du roi en 1771 et 72 etc. par Messieurs DE VERDUN DE LA CRENNE, DE BORDO, et PINGRE', 2 Voll. 4.*
- K. F. UDENS** *Entwurf eines Systems der Geschäfte eines Land- Kreis- und Stadtphysicus in königlichen preussischen Landen, Berlin. 8.*
- DAN. ANT. DE ULLOA** *physikalisch historische Nachrichten vom südlichen und nordöstlichen Amerika, mit Anmerkungen von I. A. DIEZEN, Leipz. 8.*
- I. A. UNZER** *über die Ansteckung, besonders der Pocken, in einer Beurtheilung der Hofmannischen Pockentheorie, ib. 8.*
- I. VAUGHAN'S** *cases and observations on the hydrophobia cet. Edit. 2<sup>da</sup>, Lond. 8.*
- EIVSD.** *two Cases of the hydrophobia, with observations on that disease, with an account of the Cesarian section lately performed, ibid. 8.*
- Supplement au Dictionnaire raisonné universel d'histoire naturelle de Mr. V. DE BOMARE par Mr. VICAT, à Lausanne, 8.*

Reliqua proxime.

Con-

## Contenta in hac parte.

I. Kongl. Svenska Vetensk. Acad. Handl. Vol. XXXIX	p. 387
II. D. JOH. DAV. SCHOEPPF <i>von der Wirkung des Mohnsaftes in der Lustsauche</i>	402
III. CONR. MOENCHS <i>Bemerkungen über einige Arzneymittel</i>	405
IV. JOH. FLOYER <i>von der Engbrüstigkeit etc.</i>	406
V. GIOV. BORTOLAZZI <i>sopra una cieca nata guarita</i>	408
VI. GEORG. CHANDLER'S <i>treatise on the diseases on the Eye</i>	411
VII. <i>Systematic Elements of the Theory and Practice of Surgery</i> by JOHN AITKEN	416
VIII. EIVSD. <i>elements of Physic and Surgery</i> Vol. I. II.	418
IX. <i>Modern improvements in the practice of Surgery</i> by HENRY MANNING	419
X. JUSTAMOND <i>of the methods pursued in the treatment of cancerous and scirrhus disorders</i>	420
XI. <i>Observations sur une maladie d'os, connue sous le nom de necrose</i> par Mr. DAVID	422
XII. ANDR. BONN <i>commentatio de humero luxato</i>	422
XIII. LEONH. LVD. FINKE <i>de morbis biliosis anomalis</i>	425
XIV. CHRIST. LVDW. HOFFMANN <i>vom Scharbock etc.</i>	432
XV. IOS. MAR. OESTERREICHER <i>analyses aquarum Budensium</i>	438
XVI. <i>Allgemeine Naturgeschichte der Schildkröten</i> von IOH. GOTTL. SCHNEIDER	448
XVII. IO. HERRMANNI <i>tabula affinitatum animalium</i>	456
XVIII. <i>Materialien etc. Ister Band</i>	472
XIX. <i>Neues Magazin für Aerzte</i> von ERNST GOTFR. BALDINGER, I—Vter Band	474
XX. IOH. VLR. BILGUERS <i>Versuche und Erfahrungen über die Faulfieber und Rubren</i>	495
XXI. BERNH. RAMAZZINI'S <i>Abhandlung von den Krankheiten der Künstler und Handwerker</i> von I. G. G. ACKERMANN	500
XXII. <i>Journal de médecine etc.</i> T. LIII. et LIV.	518
XXIII. <i>Die Geschichte der Kriebelkrankheit</i> von IOH. TAUBE	531
XXIV. CHRIST. GOTTH. ESCHENBACH <i>diff. de liquoribus salinis officinarum</i>	543
XXV. CAR. TRAVG. SCHWARTS <i>diff. de hydrophobia</i>	547
XXVI. <i>Noua physico-medica</i>	550
XXVII. <i>Continuatio indicis scriptorum physico-medico-rum, anni 1778</i>	566